

თქმობები

№ 10 1985 წ.


საქართველო





მტკვანები.

ფოტო გონდო დვალისვილისა.



უფრნალი გამოდის 1923 წლიდან

ყოველთვიური საზოგადოებრივ-პოლიტიკური და სალიტერატურო-სამხატვრო უფრნალი

ნ ო მ ე რ უ ი ა:

ლაგარა თელია — „არის ანგარიში გალალ სართულეზიტი“... (ინტერვიუ მინისტრთან)

ნათელა გიორგოზიანი — აბელათის ვარსკვლავები (ნარკვევი)

ალექსი არგუნი — ვარუაული აფხიარცა (ნოველა)

ტრისტან ჩინჩილაკაშვილი — შორში გერბიას გმირობა

მიხეილ დავითაშვილი — ხერხეულიძეთა კრასნოდარელი ძმები

ენვერ ნიშარაძე — კოემა სვანეთში გივი ბიჯანდარი — დღეები გმირულ ვიეტნამში

დიმიტრი კალანდიაძე — სოლომონ დოდაშვილი

კარლო ტაბატაძე — ვიოლინო (მოთხრობა)

ზოთა ნიუნიანიძე, სულხან შორდანი — სამხედრო მფრინავის მოგონებები

გიორგი ჩარკვიანი — აფრეზავებული ფანტაზია

მიხეილ ზოზიანიძე — ცეცხლის საჩხრები (მოთხრობა)

ფელიქს დანელია — ამხანაგი „ქაზები“

საქართველოს კავშირის გამომცემლობა

© „დროშა“, 1985 წ.

მთავარი რედაქტორი

სუბა გერულავა

სარედაქციო კოლეგია:

ზულნარა ბახტაძე (პ/მგ. მდივანი), ვასილ გვიტაძე, ნათელა გიორგოზიანი, თენგიზ გოგოლაძე (მთ. რედაქტორის მოადგილე), ოთარ დემეტრაშვილი, სერგო ლუბიმიძე, ვახტანგ ეხვანჯია, ოთარ თუჩკია, დინარა ნოდია (მხატვარ-რედაქტორი), ლადო სულაბერიძე, ილია ტაბაღუა, ნუგზარ ფოფხაძე, გიორგი ჩარკვიანი, უჩა ჯაფარიძე.



ნიკოლოზ ივანეს ძე რიჟკოვი —

სსრ კავშირის მინისტრთა საბჭოს თავმჯდომარე

ნიკოლოზ ივანეს ძე რიჟკოვი დაიბადა 1929 წელს, რუსია, სკკპ წევრია 1956 წლიდან. დამთავრებული აქვს ურალის ს. მ. კიროვის სახელობის პოლიტექნიკური ინსტიტუტი.

შრომითი საქმიანობა 1950 წელს დაიწყო ურალის ს. ორჯონიკიძის სახელობის მძიმე მანქანათმშენებლობის ქარხნის ცვლის ოსტატად, იყო უბნის უფროსი, საამქროს უფროსი, მთავარი შემდუღებელი, დირექტორის მოადგილე, ხოლო 1965 წლიდან — მთავარი ინჟინერი. 1970 წლიდან ნ. ი. რიჟკოვი ამ ქარხნის დირექტორია, ხოლო შემდეგ — საწარმოო გაერთიანება „ურალმანქანის“ გენერალური დირექტორი.

1975 წელს დაინიშნა მძიმე და სატრანსპორტო მანქანათმშენებლობის მინისტრის პირველ მოადგილედ, ხოლო 1979 წელს — სსრ კავშირის სახელმწიფო საგეგმო კომიტეტის თავმჯდომარის პირველ მოადგილედ.

სკკპ ცენტრალური კომიტეტის 1982 წლის ნოემბრის პლენუმზე ნ. ი. რიჟკოვი აირჩიეს სკკპ ცენტრალური კომიტეტის მდივნად. ამავე დროს იგი იყო სკკპ ცენტრალური კომიტეტის ეკონომიკური განყოფილების გამგე.

სკკპ ცენტრალური კომიტეტის 1985 წლის აპრილის პლენუმზე ნ. ი. რიჟკოვი აირჩიეს სკკპ ცენტრალური კომიტეტის პოლიტიბიუროს წევრად.

ნიკოლოზ ივანეს ძე რიჟკოვი 1981 წლიდან იყო სკკპ ცენტრალური კომიტეტის წევრი. არის სსრ კავშირის უმაღლესი საბჭოსა (მე-9-11 მოწვევათა) და რუსეთის სფსრ უმაღლესი საბჭოს დეპუტატი, ორგზის სსრ კავშირის სახელმწიფო პრემიის ლაურეატი.

სამშობლოს წინაშე გაწეული ღვაწლისათვის ნ. ი. რიჟკოვი დაჯილდოებულია ორი ლენინის ორდენით, ოქტომბრის რევოლუციის ორდენით, ორი შრომის წითელი დროშის ორდენითა და მედლებით.

სსსკ XXVII სესიონი



სსსკ
კონსტიტუცია



შვიდი
ოქტომბერი

ეს დღე, როდესაც მილიონთა ნება-სურვილი დაადანტურეს ერთსულოვნად ხალხის შვილებმა, ცად ახაფრენად, ვით არწივი, ფრთებდაწურვილი, ამიერიდან ისტორიას ემორჩილება.

ეს დღე, რომელსაც პოეტი თუ მემბტიანე, უხმოდ, უხიტყვოდ, მღუმარებით გვერდს ვერ აუვლის,


მხარს დაუმშვენებს უძვირფასეს დღეებს მზიანებს. ვით ჩვენი ქვეყნის კიდევ ერთი დღესასწაული.

ჩემო სამშობლოვ, უპლევლო, მომილოცნია ეს დღე — ახალი ნიშანსვეტი შენი დიდების! ძმადნაფიცები შენი დროშის კალთებს ჰკოცნიან და საზეიმო გუგუნია კიდი-კიდეშის...

ეს ოქრო წიანი თანასწორთა ძმობის წიგნია, თავისუფლების და სიკეთის დიდი მხახური; რაც გვიბრძოლია დღევანდლამდე, რაც შეგვიქმნია, მის კაბადონებს აელვარებს, ვით გაზაფხული...

„სხის სვანში მყოფი სხიულები...“

„დროშის“ სპეციალური კორესპონდენტი ლ. მარა თელია ესაუბრება მინისტრს.



შარშან, ნოემბერში, ორი რესპუბლიკური სამინისტრო — მშენებლობისა და სასოფლო მშენებლობისა ერთიან, მშენებლობის სამინისტროდ გადაკეთდა. გაერთიანებული სამინისტროს წილად მოდის რესპუბლიკაში სამშენებლო-სამონტაჟო სამუშაოთა მოცულობის 60 პროცენტი, ანუ სახელმწიფო კაპიტალურ დაბანდებათა მოცულობის 70 პროცენტზე მეტი.

მშენებლობის მინისტრად დაინიშნა ამხანაგი იოსებ ხარატიშვილი. 17 წელიწადი ელგა სათავეში იოსებ ხარატიშვილი სასოფლო მშენებლობის სამინისტროს.

სასოფლო მშენებლობის სამინისტრომ 1968-1984 წლებში შეასრულა 2,32 მილიარდი მანეთის საიჯარო სამუშაო; აშენდა უნიკალური ობიექტები — მეფრინველეობის ფაბრიკები: კინდლში — 8,3, გამარჯვებაში — 6, კოდაში — 2 მილიონ ბრილერზე; მელორეობისა და მსხვილი რქოსანი პირუტყვის კომპლექსები გიორგიშინდაში, კრწანისში, წნორში; შამპანური ღვინოების ქარხანა თერჯოლაში; სამარკო და საექსპორტო ღვინოების ქარხანა საგარეჯოში; ჩაის გადამწონი ფაბრიკა ზუგდიდში; ჩაის პირველადი გადამამუშავების ფაბრიკები: ჩხოროწყუში, წალენჯიხაში, ზუგდიდში, ქობულეთში, ოჩამჩირეში; 500-ადგილიანი სანატორიუმი წყალტუბოში, 300-საწოლიანი საავადმყოფო გურჯაანში, პურპროდუქტების კომბინატი კაჭრეთში; სათბურები 75,29 ჰექტარზე; სკოლები 154 ათას მისწავლეზე, საბავშვო ბაღები 27 ათას ბავშვზე; საავადმყოფოები 2 ათას საწოლზე; პროფტექნიკური სასწავლებლები 11 ათას ადგილზე, საცხოვრებელი ფართობი 1,32 მილიონ კვადრატულ მეტრზე.

იოსებ ხარატიშვილი თბილისის ტრფიალი და მოჭირანხულეა. იგი დიდი სიხარულით შეხვდა დედაქალაქის ძველი უბნების რეკონსტრუქციასა და ახალი ობიექტების მშენებლობას.

სოფლის მშენებელთა თავკაცის ინიციატივითა და თავდგომით საზოგადოებრივ საწყისებზე დამუშავდა სოფლების — უდაბნოსა და ყანდაურის განვითარების პროექტები.

საგარეჯოს რაიონის სოფელ ყანდაურაში ამჟამინდელ თავიანთი არჩეული დეპუტატით. იოსებ ხარატიშვილი ქეშმარიტად ხალხის მსახურია. მისი შეუწყობი

ლი ზრუნვითა და პრაქტიკული დახმარებით ბევრი რამ კეთდება.

რიგითი ინჟინრიდან მინისტრის მაღალ პოსტამდე იოსებ ხარატიშვილის შრომითი გზა აღნიშნულია მთავრობის მაღალი ჯილდოებით: ლენინის, ოქტომბრის რევოლუციის, ორი წითელი დროშის ორდენებითა და მედლებით; იგი არის საქართველოს სსრ და აფხაზეთის ასსრ დამსახურებული ინჟინერი, სსრკ მინისტრთა საბჭოს პრემიის ლაურეატი, თერჯოლისა და საგარეჯოს რაიონების, სოფელ უდაბნოს საპატიო მოქალაქე, სოფელ შრომის კოლმეურნეობის საპატიო წევრი.

...ინტერვიუსთვის განკუთვნილი რეგლამენტი ისედაც მეტად მჭიდრო იყო. წარამარა რეკავდა ტელეფონი. დარეკეს ვოლოგდიდან, მოსკოვიდან, ჩეხოსლოვაკიიდან; ზუგდიდის მე-12 სამშენებლო ტრესტის მმართველმა 15 შვილის პატრონის არჩილ გულუას სახლის მშენებლობის ანგარიში მოახსენა.

— 15 შვილი?! — კალამი მოვიმარჯვე, მაგრამ, — არ არის საჭიროო, მანიშნა პატივცემულმა სოსომ.

შემთხვევით მოსმენილი სატელეფონო საუბრებიც საკმარისი იქნებოდა მინისტრზე ნარკვევის დასაწყერად. მხოლოდ რამდენიმე „არასტანდარტული“ შეკითხვის მიცემა გადავწყვიტე.

— რას ანიჭებთ ყველაზე დიდ მნიშვნელობას ადამიანის ცხოვრებაში?

— დროს! ყველაზე ძვირფასად მიმაჩნია საწყისთა საწყისი — დრო! ორნახევარი ათასი წლის წინათ ჰალიკარნასელი ჰეროდოტე ფიქრობდა, რომ ადამიანის აქტიური სიცოცხლის ზღვარი არის 26.250 დღე. ცივილიზაციით მოპოვებული ყველა საშუალება დღემდე უძლურია გადასწიოს ეს ზღვარი. იცით, რა დაუტოვეს წასულმა თაობებმა მომავლებს? — გლახური ჩვე-

ულემა: ქული მოუხადონ ამომავალ მზეს. ეს იყო ფიცი ციური მნათობისადმი, რომ ახალშობილი დღე უქმად არ დაღამდებოდა, რომ იმ დღესაც ადამიანი იშრომებდა.

იყო ერთი ბრძენი, რომელიც ამბობდა: მე არასოდეს არა ვარ ისე დაკავებული, როგორც თავისუფალ დროსო. მართლაც, განა კაცობრიობის თითქმის ყველა გენიოსური აზრი თავისუფალ დროს არ აღმოაჩინეს?

— ყველა ხომ არ იქნება ნიუტონი, არქიმედი, ეინშტეინი?..

— სწორია. ყოველ მოკვდავს არ უწერია მეცნიერებაში გადატრიალების მონაღმარა. მაგრამ განა ცოტა შესაძლებლობებია, თუ კაცი გატაცებულია მუშით, ტექნიკით, სპორტით, მებაღეობით, წიგნებით, ხელოსნობით, მიწით, ცით?! და თუ არ იცი დროის ფასი, მაშინ ყველა ოცნება ფუჭი კვამლია. „დრო, დრო აღნიშნე!“ — ეს გალაკტიონმა თქვა.

— ის „თქვენი“ პოეტია?

— გალაკტიონს, რა თქმა უნდა, ვაღმერებებ, მაგრამ თუ „საკუთრებაზე“ წავა საქმე, მაშინ „ჩემი“ ვაჟა-ფშაველას... რა თქმა უნდა, სხვა პოეტებსაც სიყვარულით ვკითხვლობ.

— როგორ ხედავთ ვაჟას?

— ჩარგალში, გამჭვარტულ ქოხში, ბუხრის წინ მუხლებზე დაკემულს და თავისი კაცობის გვირგვინზე — საქართველოზე მლოცველს ვხედავ: ფშავის გოლიათ მთებში, მინდვრის პაწაწინა ყუავილებში, ნისლებში ვხედავ...

— თქვენ ლირიკოსი ბრძანებულხართ?..

— პროფესია მაქვს ასეთი. მე ხომ მშენებელი ვარ.

— „მშენებელი ვარ!“ ეს მართლაც ამაყად უღერს. მაგრამ ნუ მიწყენთ და, თბილისში გაშენებული ახალი საცხოვრებელი მახვილები რომ გამახსენდება, დედაქალაქის მშენებლების ადგილზე ყოფნას ვერ ვინატრებდი.

— მესმის თქვენი გულისტკივილი. თანამედროვე ქალაქმშენებლობაში ერთფეროვნების, უფერულობის პრობლემა დღეს ყველაზე საჭირობოა. ქალაქის ინდივიდუალურ, განუმეორებელ სახეს შენობები ქმნიან: მსხვილი საზოგადოებრივი შენობები, თეატრები, საკონცერტო დარბაზები, მუზეუმები, სტადიონები. დღეს უკვე სამრეწველო საწარმოებსაც აშენებენ, როგორც შრომის სასახლეებს. ის დრო წავიდა, ფაბრიკა-ქარხნები ჩაშავებულ, მახინჯ ნაგებობებად რომ გამოიყურებოდნენ. რაც შეეხება საცხოვრებელ მასივებს, თქმა არ უნდა, მათი გაშლილი, სინათლისა და სიმწვანისათვის უხვი სივრცეები, ცალკეული ოჯახისათვის იზოლირებული სათავსოებით, აივნებით უზრუნველყოფილი მრავალსართულიანი სახლები სკობნის ძველი ქუჩების ვიწროვანობიან, კომფორტსა და სათავსოებს მოკლებულ საერთო კომუნალურ სახლებს. პროგრესი იგრძნობა, თანაც უზარმაზარი პროგრესი.

— და მაინც, როცა უყურებ ახალი საცხოვრებელი მახვილების ერთნაირ, მოსაწყენ კვარტალებს, რა სევდით გვაგონდებ

ბა ჩვენი ბავშვობის ქუჩები — არც ერთი სახლი თავის მეზობელ სახლს რომ არ გავდა, თითოეულს გააჩნდა საკუთარი „სახლის ნაკვები“, საკუთარი გამომეტყველება.

— ერთფეროვნების პრობლემას ქალაქის მხოლოდ გარეგნულ სახეზე ვერ დავიყვანთ. ახალმშენებლობათა ერთფეროვნება, ამორფული სივრცეები, მკვეთრი ორიენტაციის, დასამახსოვრებელი წერტილების ათვლას მოკლებული მასივები მარტო მიკროკვარტალებისა და კორპუსების მისამართების ჩახლართვის კომიკურ სიტუაციას კი არ ქმნიან. ეს მოვლენა უფრო ღრმა ხასიათს ატარებს.

რა თქმა უნდა, შეცდომა იქნებოდა, მოგვეთხოვა იმის დაბრუნება, რაც ობიექტური მიზეზებით წარსულს ჩაბარდა. დღეს უნდა ვეცადოთ, ახალ პირობებში არ დავკარგოთ ადამიანისათვის აუცილებელი ისტორიული გარემოს ფასეული თვისებები, ვეძიოთ ორიგინალური, თანამედროვე ფორმები. ამ თვალსაზრისით, წარსულის გამოცდილების შემოქმედებითად გააზრება შეიძლება გახდეს ფასდაუდებელი დასაყრდენი იმ შაბლონის პრიმიტიულობასთან ბრძოლაში, რომელიც „დროის მოთხოვნის“ ზერეულ და მცდარ გაგებაში იბადება. იმისათვის, რომ წარმატებით გავუმკლავდეთ ერთფეროვნებასა და უფერულობას, პირველ რიგში ამ მოვლენის ბუნებას უნდა ჩავწვდეთ და მისი გამომწვევი მიზეზები ვიცოდეთ. არ იფიქროთ, არქიტექტორებს ვუპირისპირდებოდეთ. ცნობილია, რომ ამ მიზეზთა შორის ძალიან ხშირად მთავარ მიზეზად თვლიან თანამედროვე მშენებლობის ინდუსტრიულ მეთოდებს.

— თავის დროზე „პროზაულმა“ რკინაბეტონმა ეპოქალური გადატრიალება მოახდინა მშენებლობაში. მან საშუალება მისცა არქიტექტორებს, ხორცი შეეხათ ყველაზე ფანტასტიკური პროექტებისათვის. „ტიპიურ არქიტექტურასაც“ ხომ აქვს უამრავი ტექნიკური შესაძლებლობა და მაშ, რატომ არის ასე სტანდარტულად შემოზღუდული?

— თუ საკითხს ღრმად ჩავწვდებით, ვნახავთ, რომ ტიპიური არქიტექტურა თანამედროვე მშენებლობის ერთადერთი ლოგიკური გზაა. მოსახლეობის ზრდასთან ერთად იზრდება მოთხოვნილებებიც, რომელთა დაკმაყოფილება შეიძლება მხოლოდ სამშენებლო მრეწველობის შექმნით, მშენებლობის გასტანდარტულებით, დროის ეკონომიის გაზრდით. ჯობია ავაშენოთ ხუთი ტიპიური კინოთეატრი, ვიდრე ერთი უნიკალური, რომელიც მაყურებელს ვერ დაიტევს.

— მაგრამ ხუთი ტიპიური კინოთეატრი — ეს აუცილებლად ხუთი უღალატო ერთნაირი შენობა უნდა იყოს?

— სრულებითაც არა. თვით კონსტრუქციული არქიტექტურის არსში ჩამალულია მრავალფეროვნება დანახარჯების მაქსიმალური ეკონომიით. ტიპიური არქიტექტურა მოითხოვს მხოლოდ ერთ ფენომენს — არქიტექტორის ნიქს, შემ-

ოქმედებით ძალას, მიგნებებს, ფანტაზიას, სტანდარტულ სიტუაციაში არასტანდარტულ აზროვნებას.

... მინისტრის მოსაძღვრეში უკვე იქნებებინა. მალე თათბირი დაიწყება. „დრო, დრო აღნიშნე!“ — დელიკატური შენიღბება პატივცემული სოსო. ვემშვიდობები და გამოვდივარ, მაგრამ ზუგდილელი გულუების 15 შვილი გონებიდან არ მშორდება. ყურნალისტს ათასი გზა და ხერხი გააჩნია საჭირო ინფორმაციის მისაღებად. თუმცა, შეიძლება კი ამ ამბავს უბრალო ინფორმაცია ვუწოდოთ?

მშენებლები ყოველი წლის აგვისტოს მეორე კვირადღეს აღნიშნავენ თავიანთ დღესასწაულს. შარშან, მშენებლის დღისადმი მიძღვნილ საზეიმო მზადებაში იოსებ ხარატიშვილისათვის ცნობილი გახდა, რომ „მშენებლის“ ზუგდილის საწარმოო საამქროს მოწინავე დურგალს არჩილ გულუას 14 შვილი ჰყავს. უფროსი ბიჭები მამის კვალს გაჰყოლიან, ისინიც მამასთან ერთად მუშაობენ დურგლებად. საღამოობით კი სოფელ ახალი აბასთუმნის პატარა სახლის ეზოში, არჩილ გულუას „აკადემიაში“ შვილები და სილამაზის ნაზიარები თანასოფელები ხეზე ჭრის ხელოვნებას ეუფლებიან, აჩუქებენ აივნის რიკულებს, აკვნებს, საოჯახო ჭურჭელს, შანდლებს, ჩარჩოებს...

გულით გაიხარა ერისა და მისი მომავალი თაობის აღზრდაზე დაფიქრებულმა მინისტრმა, მხოლოდ მეცამეტე ხელფასი და პრემია რას მიქვიათ! თბილისში ჩამოიყვანეს არჩილ და თინა გულუები, სამინისტროს სადარბაზოსთან ახალ-ახალი „მოსკვიჩი“ დაახვედრეს. თვითონ მინისტრმა მიულოცა და გადასცა მანქანის გასაღები. გულუხვი საჩუქრით დაბნეული არჩილი მადლობის თქმასაც ვერ ახერხებდა, ისევ ცოლმა იხსნა: — პატივცემული სოსო, ცარიელ სიტყვებს რა ფასი აქვს, ქალი არ ვიყო, თუ სამაგიერო არ გადაიხადო!


სულ მალე ახალი ორსართულიანი სახლის მშენებლობა დაიწყეს გულუების ეზოში, ვადები მჭიდრო იყო — ერთ წელიწადში — მშენებლების 1985 წლის დღესასწაულისათვის ამზადებდა სამინისტრო ახალ საჩუქარს. არც თინა გულუამ დააყოვნა და ცხრა თვის თავზე დეშეშა აფრინა მინისტრთან: „პატივცემული იოსებ! ჩემი მეთხუთმეტე ბიჭი — სოსოია თქვენს სახელზე მიჩუქებია მამულისათვის!“

საბჭოთა ადამიანს, დიდი ისტორიული მისია აკისრია — აშენოს ახალი საზოგადოება. მისი ცხოვრების გზა შთაგონებული ბრძოლის, შრომისა და მიღწევათა შარავანდელითაა მოსილი. მას უყვარს თავისი საქმე. მას ჰყავს ოჯახი, შვილები, მეგობრები. მას ენდობა და მიჰყვება კოლექტივი, რომელსაც იგი სათავეში უდგას. იგი აშენებს მშობელ მიწაზე, რომელსაც აღმერთებს და უფროთხილდება; სწამს მომავლისა და ქუდმოხდილი ეგებება ყოველ დილით მზის ამოსვლას, რათა შრომისა და ძიების კიდევ ერთი დღე მიიტანოს სამშობლოს კეთილდღეობის საკურთხეველზე.



აქსელის პარტიული

ნათელა გიორგობიანი



ასწლოვანი ცაცხვის ქვეშ საშუალო ტანის გამხდარი, მზით ვარუჯული კაცი ზის, სახელდახლოდ მოწყობილ მაგიდაზე ლურჯადიანი რვეული გაუშლია და რალაცას დაბეჯითებით ჩაჰკირკიტებს. დროდადრო სათვალეს მოიხსნის და სივრცეს ვაჭხედავს. ამ დროს მისი ოდნავ მოჭუტული ლურჯი თვალები თითქოს საუკუნეებს კვეთენ... ოცნების ფრთების გამლა კი აქ თუ არა, სხვაგან სად ძალუძს კაცს. ქვემოთ ხელისგულივით მოჩანს აბაშისა და ცხენისწყლის ხეობა, გურიის მთები, შორს, ნისლში ამაყად დგას თეთრად მოციმციმე მარტვილის ტაძარი...

პროფესორ ვადიმ ლექვინაძეს ფრთხილად უახლოვდება ახალგაზრდა კაცი და მოკრძალებით ჩერდება შორიანხლოს... გადის წუთები. მუშაობაში გართული მეცნიერი ვერ ამჩნევს ირგვლივ ვერაფერს. აბელათის კონსტიტუციის სახელობის კოლმეურნეობის თავმჯდომარეს დემურ ჯელიას კი ეს დრო სჭირდება, სჭირდება იმისათვის, რომ თანამედროვე ცხოვრებით სავსე კაცმა წუთით ამოისუნთქოს და მერე წინაპართა ნაკვალევს გაჰყვას. აქ, აბელათის ციხის მიდამოებში, უფრო უკეთ გრძნობს იგი, რა კვალი შეიძლება დატოვოს კაცმა დედამიწაზე...

ყველაფერი კი თითქოს უბრალოდ დაიწყო, წლების მანძილზე უყურებდნენ გეგეჭკორელები აბელათის ციხეს. ჯაგნარში მდგარი ადრეფეოდალური ხანის ძეგლი თითქოს განსაკუთრებულს არაფერს ეუბნებოდა შთამომავლობას. გადიოდა წლები. ამ მხარის მკვიდრმა, გეგეჭკორის მხარეთმცოდნეობის მუზეუმის დამაარსებელმა და დირექტორმა, ისტორიულ მეცნიერებათა კანდიდატმა გივი ელიაშვილმა ჯერ კიდევ 1978 წელს გამოცემულ წიგნში „აბაშისა და ტეხურის ხეობის ისტორიული ღირსშესანიშნაობანი“ აღწერა ციხე. თითქოს ამით უნდა დამთავრებულიყო ყველაფერი, მაგრამ ფიქრი მასზე მაინც არ ასვენებდა. უარესად ემოციურ კაცს თავისი განცდების გაზიარებაც უყვარს და აი, აგროსამრეწველო კომპლექსის უფროსს რომი უბილაფასაც შეეპარა მოუსვენრობა. იმსჯელეს, ითათბირეს, გათხრებიც დაიწყო, მაგრამ ბოლოს გადაწყვიტეს, ნოქალაქევის ექსპედიციის ხელმძღვანელ პროფესორ პარმენ ზაქარაიას-

თვის მიემართათ. არც დაუყოვნებიათ...

იმ ბედნიერ დღეს აბელათის ციხე ნოქალაქევის ექსპედიციის ნაწილად იქცა.

ფიქრის ძაფი წყდება. თავმჯდომარეს გულისყური ქვემოთ, აბელათისაკენ, გაურბის. იქ ახლა გაცხოველებული ჩანს კრეფის პერიოდი. წელს გეგმით გათვალისწინებული 1235 ტონა ჩაი უნდა მოკრიფონ, თუ მეტს შეძლებენ, კიდევ უკეთესი. კოლმეურნეობას 1250 სული პირუტყვი ჰყავს. საკვების პრობლემა დგას, დატენიანებულ წყალგუმტარ 70 ჰექტარ მიწას აგრომელიორაციულ ღონისძიებათა გატარება სჭირდება და 50 ჰექტარი მიწაც უნდა გასარწყავიანდეს, რომ მრავალწლიანი ბალახები უხვად იყოს. სხვაგვარად მეცხოველეობა წინ ვერ წავა. „ეჰ, ლატვიური წაბლა კარგია, მაგრამ კვარაცხელიას წითელი ჯიშის ძროხებით ერთი ფერმა რომ მომცა!... იელვებს ფიქრი და ახლა სხვა პრობლემებს სწვდება მისი გონება...

აბელათი, უნაგირას ბორცვზე შეფენილი სოფელი — მუდამ მზისგული, მდიდარი წყაროებით, ხილით, ვაზით, ყვავილებით, ფერღობებზე გაშენებული ჩაის თვალწარმატებელი პლანტაციებით, სიმინდის ყუნებით... ამ მთავარიანი სოფლის სიმდიდრე უწინ ხობბებიც ყოფილა, მარსილის ველზე ბლომად დაგოგმანებდნენ ულამაზესი ფრინველები. ალბათ ამიტომაც მის ყველა უბანში ვხვდებით სახელწოდებას — „წაკორები“. ჩვენს წინაპრებს, ეტყობა, წალკოტები ჰქონიათ ამ ადგილას.

აბელათი გეგეჭკორის რაიონის დიდი სოფელია. მის უბნებს: ლეგაგუეს, ლეცეკვეს, ლეტორჩინეს... სულ 95 კილომეტრი გზა აქვს, მოასფალტებული ჯერჯერობით არ არის, მაგრამ სოფელში ავტობუსების სიმცირეს არ უჩივიან...

— როგორ ხარ, ვადიმ! — უბრალოდ, შინაურულად კითხულობს მერე ფიქრებიდან გამორკვეული დემური და უმაღლ გრძნობ, აქ იგი ახლობელი, შინაური კაცია და თუმცა ყველა ქვა და თხრილი თითქმის ზეპირად იცის, მოკრძალებით დგება უკან...

— აბელათის ციხე სხვადასხვა პერიოდის სამშენებლო ფენებს შეიცავს, — წყნარად იწყებს საუბარს პროფესორი ვადიმ ლექვინაძე და სიყვარულით მიმოაგულებს თვალს ირგვლივ — უძველესი კედლები

V-VI საუკუნეებს ეკუთვნის ჩვენი წელთაღრიცხვით. დანარჩენი სხვადასხვა პერიოდისა XVI საუკუნის ჩათვლით.

კერამიკა უფრო ძველია, ვიდრე სამშენებლო მასალა. იგი წინანტიკურ ხანას მიეკუთვნება. ნაპოვნია ოქროს ნივთიც, რომლის თარიღიც ჯერ დადგენილი არ არის...

პროფესორი ჩერდება, ორჭოფობს, თქვას თუ არა სათქმელი, მერე თითქოს მიიღებს გადაწყვეტილებას და გვიზიარებს თავის ვარაუდს:

— ამ ადგილას გადიოდა მნიშვნელოვანი ისტორიული გზა. ციხე, ეტყობა, იცავდა მას. ძველ წყაროებში არქეოპოლისთან (ნოქალაქევიან) ერთად მოხსენებულია ციხე ონოგურისი... თუ ეს ციხე ონოგურისია, დიდი ისტორიული ფაქტს მოწმენი გავხვდებით, თუმცა, ჯერ ადრეა ამაზე ლაპარაკი...

თვალი ზემოთ, ბეერისაკენ, გამიბრბის და მახსენდება ძველი ხალხური ლეგენდა: ამ ადგილას თითქოს დიდი მრგვალი ქვა იყო წარმართულ ეპოქაში მზის გამოსახულებით. აქ ხალხს სამსხვერპლო შესაწირი მოჰქონდა... ვინ იცის, რამდენი საუკუნის ფიქრს იტევს ეს მიდამოები, რამდენი რამის მომსწრეა ეს დიდი, თეთრი ნათა-ლი ქვები, ადამიანის ხელს V საუკუნიდან დაწყებული რამდენჯერმე რომ გამოუსვენებია ციხის საშენ მასალად, რამდენი რამ უნახავს ამაყად გადმოშირალ კოშკს, უძველეს გალავანს, რამდენ საიდუმლოს ფარავს მისი ღვთისმშობლის ეკლესია...

აბელათი მოზღვავებული დოვლათის მხარეა. ათეული წლების მანძილზე მისი ხილა ამარაგებდა მეზობელი რაიონების მეკონსერვეებს. მალე აქ საკონსერვო ქარხანა გაიხსნება და გლეხებს შორს სიარული აღარ დასჭირდებათ. კოლმეურნეობა მუდამ ასრულებს ყველა სახის გეგმას და

კოლმეურნეობის თავმჯდომარე დემურ ჯელია ესაუბრება ლენინის ორდენოსან მეჩაიებს, № 5 ბრიგადის ბრიგადირს ვენერა ძაძამიას და პარტიული კომიტეტის მდივანს შიხა ტორჩინავს.

ფოტო გონა ჩოფოიანი



მოწინავეთა რიგებში დგას. გარეგნულადაც იცვალა ფერი სოფელმა. კატაქულურად შექცეულა კოლმეურნეობის, აღმინისტრაციული შენობა, შენდებულა კლუბი და საშუალო სკოლა, მოეწყო ავტომოსადგელები და 12 კაპიტალური ჩაის მიმღები ფარდული, ლეგაგუეს უბანში აღდგა ხილი...

ქვემოთ მანქანა გაჩერდა. — ბატონი პარმენი და ნოდარი მოვიდნენ, — გვეუბნება ვადიმ ლექვინაძე. თვალს ვაყოლებთ მის მხერას და მართლაც ვხედავთ აღმართზე მომავალ ექსპედიციის ხელმძღვანელ პროფესორ პარმენ ზაქარაიას და მის მოადგილეს პროფესორ ნოდარ ლომურს. ნელა, სვენებ-სვენებით მოდიან წარსულის მესაილუმენი.

მერე წუთით თვალს ეფარებიან.

— წყაროსთან შეჩერდნენ, — ამბობს დემური, — ბატონი პარმენი გვერდს ვერ აუვლის მას...

გვიან, როცა აგურიით ამოყვანილ ადრეფეოდალური ხანის ბუხარს ვათვალიერებდი, ჩემს სმენას მოსწვდა პარმენ ზაქარაიას მშვიდი ხმა:

— რა ქენი, დემურ, შინმოუსვლელთა ობელისკი დაამთავრე?

პასუხი, კითხვა, კვლავ პასუხი. პროფესორს აინტერესებს ყველაფერი, რაც დაკავშირებულია სოფელთან, მშრომელ, ადამიანთან, მის ხვალისდელ ღლესთან. მშობლიურია და თბილი მეცნიერის ყოველი სიტყვა, ყოველი ფრაზა...

ბინდებოდა, აბელათის ციხე ვარსკვლავების კონტურები ისახებოდა. მე ვიცოდი, რომ ეს ადამიანები, ახლა გატაცებით და გულითადად რომ საუბრობდნენ, ხვალ თავთავიანთ საქმეს შეუღლებდნენ. მეცნიერები კვლავ ჩაულრმავდებიან დიდ პრობლემებს, მოუსვენარი იქნება თავმჯდომარის დღეც, მაგრამ როგორც კი ოდნავ სულს მოითქვამს, გული უსათუოდ აქეთ გამოსწევს, წინაპართა ნაკვალევსაკენ.

ავსაზური ნოველა

— ბაქა! სადა ხარ, ნან? ჩქარა, ნან, ჩქარა... გახსოვს, მეზობლებში კარდაკარ რომ დარბოდი და ატყობინებდი ჩვენს უბედურებას? ახლა შეხედე, რა ბედნიერება გვეწვია! სადა ხარ, ბაქა?

ბაქამ რომ გაიგო ბებია არიხანდას შეძახილი, უმაღლესი ხამოხტა ხიდან, რომელზეც ვიდელით ასულიყო და ყურძენს კრეფდა. უწინ სამხედრო ფორმიანი კაცი დაინახა, კაკლის ხის ქვეშ ძელურ სკამზე რომ იჯდა; იქვე, მიწაზე, ეწყო ყავარჩნები.

ბაქა ერთ წუთს გაოცებული შედგა. მერე, როცა თავისი ბიძა ჯგუზი შეიცნო, სიხარულით წამოიყვირა და ჯარისკაცს ყელზე შეაფრინდა. დიდხანს ეხვეოდნენ ერთმანეთს ცალ ფეხზე მღვარი ჯგუზი და ბაქა...

ჯგუზი იმ გულამოსკვნილი ქვითინებდა, ცხარე ცრემლი სდიოდა ჭაბუკს, რომელმაც თავის მხრებზე ბედის სიმძიმე გადაიტანა...

— შენ უკვე აქა ხარ, ნან? ხედავ, ღმერთმა როგორ შეიბრალა ჩემი დაჩაგრული გული, ისმინა ჩემი ლოცვა, მართალია, ჩვენ აღარ გვეღირსება ჩემი უფროსი შვილის ხილვა, სამაგიეროდ, ჩემს ქერიას დაუბრუნდა უმცროსი ვაჟი... — ამბობდა არიხანდა. ქალს შავი ღაზლი მოეშორებინა, რომელსაც ომის დაწყებიდანვე ატარებდა, ახლა თეთრი თავშალი მოეხვია.

იგი შვილსა და შვილიშვილს მიუახლოვდა. ბიძა-ძმისშვილი ერთმანეთს კიდევ მოეხვივნენ და სკამზე დასხდნენ, ლოყებზე ჩამოვარდნილ ცრემლს არ იშვებდნენ.

— პირში წყალი ხომ არ ჩაიგუბე, როგორ ზიხარ, ბაქა? მოიხმე მეზობლები, დაე, ნახონ ჩემი შვილი და ჩვენთან ერთად გაიხარონ! უფროსი დაიღუპა, უმცროსი დაბრუნდა... ცოცხლად, ცოცხლად დაუძახე მეზობლებს!.. — არიხანდას ომის წლებში მწუხარებით მიმქრალი თვალები ახლა ახალგაზრდულად უბრწყინავდა.

ბაქას ვადაედო ბებიას ხალისი, სწრაფად აირბინა აივანზე, კედლიდან მამის თოფი ჩამოხსნა და რამდენჯერმე გაისროლა ჰაერში. მერე მეზობლებს გასძახა, თავისი წკრიალა ხმით ყველას ამცნობდა ჯგუზის ჩამოსვლას.

მთელი სოფელი შეიძრა, გამოიხურეს სახლის კარი, ჭიშკარი და მოხუცებმა, ქალებმა და ბავშვებმა ნაომარი კაცის ეზოში მოიყარეს თავი. შაოსანი მოხუცი ქალები გარს უვლიდნენ ჯარისკაცს და აფხაზური წესით, ხელების ქნევით ესალმებოდნენ და ლოცავდნენ მას. ჯგუზი ცდილობდა, ყავარჩნების გარეშე გაჩერებულიყო ცალ ფეხზე, ორივე ხელით სათითაოდ მკერდზე იკრავდა და შუბლზე კოცნიდა მოხუცებს, ქალებსა და ბავშვებს...

ქალები ყრუდ ქვითინებდნენ, ცრემლს ღვრიდნენ. ჯარისკაცსაც არ ესირცხვილებოდა თავისი ცრემლისა.

ღრმად მოხუცებს, რომელნიც სხვის დაუხმარებლად ნაბიჯსაც ვერ ღვამდნენ, ახლა თითქოს მიეცათ ძალა, ჯოხს მიწას აბჯენდნენ და ცდილობდნენ, მოხვეოდნენ



ვარჯიშები ავსაზურსა

ჯგუზს, თან ასეთი სიტყვებით ლოცავდნენ: „დიდხანს იცოცხლე, დიდხანს, მეომარო!..“

ერთი ჯარისკაცის ჩამოსვლა ზემოდ ექცათ სოფელ ლაშქინდარის მკვიდრთ. ამ სოფლიდან სამოცდათხუთმეტი კაცი წავიდა საომრად. მათგან მხოლოდ ჯგუზი დაბრუნდა ცოცხალი. ჯგუზის ძმა, ქარბეიცი ხომ ბრძოლის ველზე დაეცა.

— ეი, რას უდგებართ, ჩემო ძვირფასო მეზობლებო, სად გავიწილა, რომ აფხაზის სახლი ვინმემ ისე დატოვოს, ერთი სადღეგრძელო მაინც არ შესვას?! ეი, ბაქა, მოიყვანე ხარი! — ამაყად შესძახა შვილიშვილს არიხანდამ. რა ძალა მიეცა ამ დაგრძობილ ქალს!

ბაქა, რომელსაც ამ ვაზაფხულზე თხუთმეტი წელი შეუსრულდა, დაბალ ღობეს გადაევლო, თანატოლების დახმარებით, მოფერებით მოიტყუა მწითური ხარი. ბაქამ ქამანი მოსდო რქებში, ბიჭებმა მხიარულად შეაგდეს იგი ეზოში.

— დად არიხანდა, ამ ხარს ხომ ბაქას მამისათვის ინახავდი? — მიმართა სოფლის საპატოი კაცმა, მოხუცმა დარიკვმა, — გაუშვი, სჯობს ჩემი ხარი დავკლათ... — ვისთვისაც ვინახავდი, ის მაინც აღარ მოვა... გმადლობთ, ნან, თქვენი ჭირიმიე. მე ხომ მოვესწარი ჩემი შვილის დაბრუნებას, სწორედ ჩემი ხელით გაზრდილი ხარით უნდა ვცე პატივი მეზობლებს, — თქვა არიხანდამ მტკიცე ხმით.

ხარი ეზოს ბოლოში გაიყვანეს. ბაქა და მისი ამხანაგები ეცადნენ, წაექციათ იგი, მაგრამ ეს იოლი საქმე როდი აღმოჩნდა. ხარმა ძლიერი წინააღმდეგობა გაუწია ბიჭებს. ყმაწვილებმა მასთან ჭიდილში ვერაფერი გააწყვეს. ჯეულ მამაკაცთაგან კი არავინ იყო, რომ ხარს მორეოდა. ბოლოს მოხუცი დარიკვი წამოეშველა. მთელი ძალ-ღონე მოიკრიბა და ხანჯლის რამდენიმე დაკვრით უსულოდ დასცა ხარი.

დანარჩენი თქვენ იცითო, სული მოითქვა მოხუცმა და განზე გადგა.

ბიჭებმა ხარი გაატყვეს, ხორცი ჩამოქნეს, ცეცხლი გააჩაღეს და ქვაბები შემოდგეს. მთელ ეზოს მოეფინა მსუბუქი, ნაცრისფერი კვამლი.

შუა ეზოში ქალებმა სუფრა გაშალეს.

სანამ ეს ყელაფერი მზადდებოდა, დედის რჩევით, ჯგუზი აივანზე ავიდა და ტახტზე წამოწვა.

როცა ყველაფერი მზად იყო და მეზობლები სუფრას მიუსხდნენ, არიხანდამ შვილი ფრთხილად გააღვიძა, ყავარჩნები მიაწოდა და ეზოში ჩამოსვლისას ხელიც შეაშველა.

სუფრაზე ყველას ყურადღება ჯგუზისკენ იყო მიპყრობილი. იგი იჯდა ფერდაკარგული, ძლივს სუნთქავდა... არავინ იცოდა, დედამაც კი, რომ ნალმმა, რომელიც ვარშავის მისადგომებთან გამართული ბრძოლების დროს აფეთქდა, არა მარტო ფეხი მოჰკვეთა ჭაბუკს, ფილტვებიც დაუზიანა და მისი სიცოცხლე ბევრზე ეკიდა. არავინ იცოდა, რომ მისი ერთადერთი და საბოლოო ოცნება იყო, ცოცხალს ჩაეღწია მშობლიურ კარმიდამოში, ცოცხალი ენახა დედა და მის კალთაში დაეღია სული. არავინ იცოდა მისი გასაჭირი და ზედმეტად ღლიდნენ გაუთავებელი შეკითხვებით, თანაგრძნობითა და ოხვრით...

სადღეგრძელო მოხუცმა დარიკვმა წარმოთქვა. ამ კაცს ორი შვილი დაეღუპა ფრონტზე. იგი მიესალმა ჯგუზს და თავისი სიტყვა ასე დაამთავრა:

— ბაბა, ჯგუზს, არ დაიდარლო ცალი ფეხის დაკარგვა. მთავარია, რომ შენ ცოცხალი დაბრუნდი, დედას და ჩვენ გული გაგვიხარე. სულით არ დაეცე, ჯარისკაცო! ახლა ყველაფერი წარსულს ჩაბარდა... ყველანი შენთან ვიქნებით, არ ჩავაქრობთ იმ ვაჟკაცების კერიებს, რომლებიც ფრონტზე სამშობლოსათვის დაეცნენ!

რაფიდას სუფრაზე ღვინო და კერძები მოჰქონდა. როგორც კი დროს მოიხელთებდა, ისეთ ადგულს მოძებნიდა, საიდანაც შეეძლო, მოხერხებულად ეცქირა ჯგუზისათვის. იგი ქალური ალღოთი გრძნობდა, როგორ იტანჯებოდა ჭრილობების გამო ჯგუზი და რა ვაჟკაცურად ეჭირა თავი ხალხში. ქალიშვილი ღმერთს ემადლიერებოდა, რომ მისი ხილვა ერთხელ კიდევ აღირსა, დაუბრუნა თავისი ერთადერთი, ყველაზე საყვარელი ადამიანი.

ომის დაწყების ერთი კვირით ადრე ჯგუზმა და რაფიდამ გადაწყვიტეს, შე-

მოდგომაზე დაქორწინებულიყვნენ, მაგრამ არ დასცალდათ... ომმა წაართვა ჯგუზის თავი რაფიდას... ბევრი დღე და ღამე ცრემლის ღვრით გაათენა და დააღამა ქალიშვილმა... ახლაც ღვრის ცრემლს, მაგრამ ეს ხომ სისხარულის ცრემლია!

მთელი ღამე არ დაშლილა ხალხი. მხიარულობდნენ, მღეროდნენ, ცეკვავდნენ... სულ ცოტა ხნით ივიწყებდნენ დარდას და ვარაშს.

ეს მხიარულება თვით არიხანდამ წამოიწყო. მან ყური არ ათხოვა მოხუც დარიკვს, რომელიც სიმღერის წინააღმდეგი იყო, რადგან ქარბების დაღუპვიდან ჯერ ერთი წელიც არ იყო გასული. ქალმა აფხაზური სიმღერა დაიწყო და მეზობლებიც აიყოლია, შემდეგ საცეკვაოდ მჯილი ჰკრა შვილიშვილს და მასთან ერთად გაშალა ხელები საბრალო და კეთილმა ქალმა, იგი ცეკვავდა და ტიროდა, მღულარე სდიოდა არა მარტო დაღუპული შვილის გამო, არამედ შინ დაბრუნებული ცალფეხა ჯგუზის გამოც. ორივე შვილის მაგივრად ცეკვავდა დედა!

... დილით სტუმრებმა დაშლა დაიწყეს. ეზოში ცოტანი შემორჩნენ. დედამ შინიდან ვიოლინო გამოიტანა და შვილს მიმართა:

— ნან, ჯგუზ, ვისია ეს ვიოლინო? შენს ჩანთაში ვნახე. ეს რა წარწერები აქვს, მითხარი, — სთხოვა არიხანდამ შვილს და წარწერებით წითლად აჭრელებული საკრავი გაუწოდა.

ჯგუზმა დედას სათუთად ჩამოართვა ვიოლინო და გარშემო მყოფთ გადახედა.

— თქვენ ხომ იცით, მე და ჩემს ძმას, ჯერ კიდევ პატარები რომ ვიყავით, მამაჩემმა როგორ შეგვაყვარა აფხიარცა... — ჯგუზი მოხუც დარიკვს მიუბრუნდა, — ხომ გახსოვთ მამაჩემი?... კულაკებმა მოკლეს...

— იყო ასეთი მძიმე წლები, უმსხვერპლოდ კოლექტივი ვერ დავაარსეთ, — თქვა ერთ-ერთმა მეზობელმა.

— როგორც დღეს, ისე კარგად მახსოვს მამაშენი, — თავი დააქნია დარიკვმა, — მის დაკრძალვაზე შენ და შენი ძმა უკრავდით აფხიარცაზე „აგურაშვას“... ეს მამაშენის ანდერძი იყო და თქვენც შეასრულეთ.

ფრონტზე რომ მივდიოდი, ჩემი აფხიარცა მამის სურათთან დავკიდე, — განაგრძო ჯგუზმა, — იქ, ცეცხლის ხაზზე, ზოგჯერ სიწყინარე რომ ჩამოვარდებოდა, ჯარისკაცები გარმონზე უკრავდნენ... როცა ვარშავაში შევედი, დრო მოვიხელთე, ვიშოვე მასალა და გამოვთალე ეს აფხიარცა. ჩემმა მეგობრებმა კი „ვარშავული ვიოლინო“ შეარქვეს...

ჯგუზმა აახშიანა აფხიარცა. ერთხანს ნაზად, მგრძობიარედ უკრავდა, მერე, როცა საკრავი დაღუმდა, განაგრძო:

— ჰოსპიტალში ერთადერთი ჩემი მანუგეშებელი ეს აფხიარცა იყო... როცა ჯოჯონეთური ტყვიანობები წამომივლიდა, დავუკრავდი და შვებას ვგრძობდი.

— ნან, ეს წითელი წარწერები? — ჰკითხა არიხანდამ. დედას უხაროდა, რომ მთელი ღამე დაღუპებული შვილი დილით ასე ალაპარაკდა. ყველასთვის მაშინ გახდა ცხადი, როგორ უჭირდა მას თითოეული სიტყვის თქმა, ამის შემდეგ ზედმეტი შეკითხვებით აღარ აწუხებდნენ.

— დედა, როცა ეს საკრავი გამოვთალე, ჩემმა თანაპოლკელებმა, სადაც წითელი საღებავი იშოვეს და თითოეულმა მათგან-

მა თავისი გვარი მოაწერა სამახსოვროდ... ხედავთ, რამდენია!

— ცოცხლები არიან, შვილო?

ჯგუზი ერთხანს ჩუმად იყო, მერე თქვა:

— არც ერთი მათგანი ცოცხალი არ არის... ნიკოლოზ კარპოვი და სტეფან იაროესკი იმ დღეს დაიღუპნენ, როცა მე ფეხი დაკარგე. სამშობლოსათვის თავი დასდეს რუსთამ ალიბეკოვმა და პეტრო დიდენკომ...

ჯგუზმა თვალბეზე ხელი აიფარა. სამარისებური სიჩუმე ჩამოვარდა.

მერე არიხანდამ ჩუმად და გულიდან ამოსული ბოღმით დაწყველა ჰიტლერი.

დარიკვმა წამოიძახა:

— დღეს თუ არა, ხვალ ჩვენები ბერლინს აიღებენ და გასრესენ იმ ქვეწარმავალს!

არიხანდამ შვილს სთხოვა, ერთხელ კიდევ დაეკრა აფხიარცაზე. დედას უნდოდა, შვილი გაემხნეებინა, რომ იგი მეზობლებს ამაყი, სიცოცხლით სავსე სჩვენებოდა. მაგრამ რაც არ უნდა მძიმე ყოფილიყო ჯგუზისათვის, მან დაუკრა „მთების სიმღერა“, ის აფხაზური ხალხური სიმღერა, რომელიც მამის საფლავთან დაუკრეს ოდესღაც ძმებმა. მსმენელები ცრემლს ვეღარ იკავებდნენ...

... დღეები ვადიოდა. ჯგუზის ჯანმრთელობა გაუარესდა. ომიც დამთავრდა. დაბრუნდნენ ისინი, ვისაც შინ მოსვლა ეწერა... ცხოვრებას მშვიდობიანობა ელირსა...

ჯგუზს სუნთქვა ეკვროდა. განსაკუთრებით ცუდი იყო მისთვის განაფხული. ხშირად სუფთა ჰაერზე კაკლის ხის ქვეშ იჯდა და ავადმყოფობას ებრძოდა. როცა ცოტა უკეთ იგრძნობდა თავს, მინდორში წახანხალდებოდა, სადაც ბაქა სიმინდის ყანაში მუშაობით ოფლს იწურავდა. მიუხედავად პირადი ტანჯვისა, ჯგუზი ცდილობდა, ყმაწვილთან ეხუმრა, უამბობდა ფრონტული ცხოვრების ამბებს.

ზაფხულში უკეთ გახდა. ამ დროს ჯგუზს შეეძლო გიდელებისა და კალათების დაწვნა. იჭდა კაკლის ხის ქვეშ და მუშაობდა. თავის ნამუშევარს მეზობლებს სამახსოვროდ ურიგებდა.

ჯგუზს მეზობლის ბავშვები არ სცილდებოდნენ, მთელ დღეს მასთან ატარებდნენ. ფრონტელ ჯაბუკს ბევრი საამბოთი ჰქონდა და ისინიც სულგანაბულნი უსმენდნენ.

ამავე დროს მან რამდენიმე აფხიარცა გამოთალა. ბავშვებსაც ასწავლა დაკვრა.

რაფილამ, პირველ ხანებში რომ ერიდებოდა, ჯგუზთან სიარულს მოუხშირა. დღეში რამდენჯერმე გადმოირბენდა და გატაცებით უსმენდა აფხიარცას. ჯგუზს სიყვარული გაუცხოველდა. რაფილას გარეშე ვეღარ ძლებდა. იმასაც ატყობდა, რომ ქალიშვილიც ასეთივე გრძნობით იყო მისდამი გამსჭვალული. როცა მათ თავიანთ მომავალზე ჩამოავდეს სიტყვა, ჯგუზმა გულისტყვილით უთხრა უარი შეუღლებაზე. მას არ უნდოდა, რაფილასათვის გაემწარებინა მომავალი, რადგან თვითონ სიცოცხლის დიდი დღე არ ეწერა, თავის სიცოცხლეზე უფრო მეტად უყვარდა იგი და ისევე ეს ნაბიჯი ამჯობინა.

ქალიშვილი ვერ მიუხედა, რამ ათქმევინა უარი ვაჟს, მაინც ვერ თმობდა, რადგან გაუნელებელი სიყვარულის ცეცხლი სწვავდა. რაფილას სოჯახო საქმეებში ეხმარებოდა არიხანდას, თან მალეუად და სიყვარულით უყურებდა ხოლმე კაკლის ხის ქვეშ ჩამომჯღარ ჯაბუკს. როცა

თავის სახლისკენ გასწევდა, მხოლოდ გზაში აძლევდა ცრემლს თავისუფლებას.

მისი სულიერი ტანჯვა არ დაიმალო, სოფელში ყველამ ყველაფერი იცოდა, ბევრს ეცოდებოდა. იყვნენ ისეთნიც, რომლებიც ღვარძლიანად ამბობდნენ: „არა და არ ეშვება პატარძალი იმ ბიჭს! ნეტავი რად უნდა სისხლდაშრეტილი ინვალიდი! ამ ხმებმა დედის ყურამდეც მიადწია. ქალს გულში მღულარე ეღვრებოდა თავისი, მართლაცა, დაუძლურებული შვილის შემხედვარეს. დედის ერთადერთი იმედი რაფილა იყო, მხოლოდ მას შეეძლო, ეშველა ჯგუზისათვის...

ერთ დღეს გადაწყვიტა, მოლაპარაკებოდა შვილს, გვერდით მიუჭდა და მოფერებით დაუწყაო:

— ნან, ჯგუზ, დიდი ხანია, მინდოდა მეთქვა... ნუ გამიმწარებ ჩემს ბოლო დღეებს. მისმინე, რა ვითხრა... რაფიდას გულს ნუ ატყენ, ნუ ჩააგდებ ავი ადამიანების ყბაში...

შვილი კარგა ხანს უგდებდა ყურს დედას.



არ ვიცი, ბაქას თუ მისი სიციცხლით სასე მეზობლის, მაკრინეს, დამსახურება იყო, ძნელი სათქმელია, მაგრამ იმ შემოდგომაზე, როცა სოფელმა ყურძნის, სიმინდის, ხილის უხვი მოსავალი აიღო, რაფიდა და ჯგუზმა იქორწინეს.

გამოცოცხლდა მოხუცი არიხანდას სახლი. რძლის შემოსვლამ სულ სხვა ხალისი დაატრიალა ოჯახში. ისე ჩანდა, თითქოს ამ ბედნიერებას ამერიიდან ველარაფერი დაარღვევდა. მაგრამ ჯგუზის დღეები ითვლებოდა... რაფიდა ვაჟაკურად იტანდა ოჯახურ ნაღველს, ცდილობდა, წუთითაც არ დაერღვია ქმრის სულიერი სიმშვიდე. დაჰყავდა ექიმებთან, მაგრამ ამაოდ... რაფიდა ბედს შეეგუა.

შემოდგომის ერთ ცივ საღამოს მეზობლებმა გაიგონეს ორი ქალის გულისშემძრავი კვილი.

დაკრძალვის დღეს მთელმა სოფელმა მოიყარა თავი. ქალები ჯგუზთან ერთად მის ძმას ქარბეისაც დასტიროდნენ, ყველას, ყველას, ვინც კი თავი დასდო ფრონტზე...

ტიროდა ყველა, რადგან ეს საერთო გლოვა იყო.

არიხანდას ცრემლი გაშრობოდა. იგი ქალებს ემუდარებოდა, ნუ სტირითო. მოთქვამდა, ამას მშობლიურ მიწაში დამარხვა მაინც ეღირსა, ჩემი საცოდავი ქარბეი კი, ვინ იცის, სად არისო.

მწუხარე თვალთ გახედა რძალს. მოაგონდა ის დრო, როცა ასევე თვალცრემლიანი მარხავდა იგი კულაკების ტყვიით განგმირულ თავის ქმარს.

ვინ იცის, მას შემდეგ რამდენი ახლობელი გამოიტირა არიხანდამ... უფროსი შვილი, მინსკის მახლობლად დაღუპული თავისი რძალი — ბაქას დედა... აღარა აქვს ცრემლი, გაშრა იგი, ისევე, როგორც მისი სიციცხლე.

უკანასკნელად შუბლზე ეამბორა შვილს, მერე ნელა წამოდგა და კუბოს გაშორდა. მამაკაცებმა ხელი შეაშველეს და იმ ადგილზე მიიყვანეს, სადაც, წინაპართა ჩვეულებისამებრ, დამარხული იყო ქარბეის პირადი ნივთები, სადაც მისი მეუღლე ემარხა...

ჩამოვარდა სიჩუმე.

როცა კუბოს სახურავის დაჭედვა დააპირეს, არიხანდამ მესაფლავენი შეაჩერა, კუბოსთან მიხანხალდა და „ვარშავული აფხიარცა“ ამოიღო. ქალმა ხელში დაიჭირა საკრავი, დახედა და თავდახრილმა შვილიშვილი მოიხმო:

— ნან, ბაქა, წაილე ეს აფხიარცა შინ და შენი ბიძის სურათთან ჩამოკიდე. ნუ ჩავატანთ, ამის დამარხვა არ შეიძლება, ეს საკრავი მზის სინათლეზე უნდა იყოს— შეხედე, რამდენი ვაჟაკის სახელია ზედ... მათი სახელები არ უნდა დაემარხოთ... დაჰკიდე გამოსაჩენ ადგილზე, ეს სიმები მარადიულად უნდა ჟღერდნენ.

შვილიშვილს საკრავი მიაწოდა, ფეხმძიმე რძალს აცახცახებული ხელებით მოეხვია და მწვანე ბილიკით ფრთხილად წაიყვანა შინისკენ.

თარგმან თანავიო გოგოლაძემ.



საქართველოს პოლიტექნიკური ინსტიტუტიდან წლებადღე მესამე შრომით სემესტრში მონაწილეობა მიიღო 2000-ზე მეტმა სტუდენტმა. ისინი შრომობდნენ ჩვენი რესპუბლიკის, აგრეთვე საბჭოთა კავშირის სხვადასხვა სამშენებლო თუ სასოფლო-სამეურნეო ობიექტებზე, ხოლო თხოუმეტაკაციანი სტუდენტური რაზმი შრომით სემესტრს ჩეხოსლოვაკიაში გადიოდა.

მუშაობისაგან თავისუფალ დროს სტუდენტები ეხმარებოდნენ დიდი სამამულო ომის ვეტერანთა, აგრეთვე, მრავალშვილიან ოჯახებს, შეშას უჩიხებდნენ მათ, შველოდნენ მოსავლის აღება-დაბინავებაში.

ქართველი სტუდენტები ხშირი სტუმრები იყვნენ მუზეუმებისა, კულტსახლებისა, მონაწილეობდნენ სხვადასხვა ხასიათის კულტურულ ღონისძიებებში. მათი აგიტბრივადები წარმატებით გამოვიდნენ მოსკოვის XII მსოფლიო ფესტივალის ღონისძიებებისადმი მიძღვნილ კონცერტებსა თუ ხალხმრავალ მანიფესტაციებში.

ამ დღეებში ისინი, როგორც გამარჯვებულნი,

დაუბრუნდნენ მშობლიურ ინსტიტუტს. საქართველოს პოლიტექნიკური ინსტიტუტის სტუდენტებმა მესამე შრომით სემესტრში შეასრულეს 5 მილიონზე მეტი მანეთის სამშენებლო-სამონტაჟო და სასოფლო-სამეურნეო სამუშაოები.

ზრიგოლ რუსხია



სურათზე (მარცხნიდან მარჯვნივ): პოლიტექნიკური ინსტიტუტის სტუდენტებმა ზურაბ ლელაღუტაშვილმა, ნიკო ნებიერიძემ, ლადო თვალაბიშვილმა და ზურაბ ჭოხაძემ ეს-ესაა დაათვალიერეს სახლი, სადაც დაიბადა პირველი კოსმონავტი იური გაგარინი. ამ სახლში აშუამდ კოსმონავტის მუზეუმი გახსნილი.

ფოტო ღაბით კურტანიძისა.



ჟურნალ „დროშის“ პრიზიორი

მიმდინარე წლის 24 აგვისტოს თბილისში ვ. ი. ლენინის სახელობის „დინამოს“ სტადიონზე გაიხსნა იუნიორთა ფეხბურთის მსოფლიო ჩემპიონატი.

თბილისის ქვეჯგუფში კარგად იასპარეზა ბრაზილიის ჭაბუკ ფეხბურთელთა ნაკრებმა გუნდმა, რომელმაც მოსკოვში ფინალურ შეჯიბრში მსოფლიო ჩემპიონის ტიტული დაისაკუთრა.

„დროშის“ რედაქციამ სპეციალური პრიზი დააწესა თბილისის ქვეჯგუფში მოასპარეზე სპორტსმენთა შორის საუკეთესო თავდამსხმელისათვის.

ეს პრიზი მიეკუთვნა ბრაზილიის იუნიორ ფეხბურთელთა ნაკრების წევრს, თავდამსხმელ ჟერსონ და სილვას.

სურათზე: ჟერსონ და სილვა.



ჟორჟი ბერბაიას ბმირობა



ეს ამბავი თორმეტი წლის წინაო მოხდა. ხობის რაიონის სამხედრო კომისრის, პოდპოლკოვნიკ ელგუჯა ჩინჩილაკაშვილის სამუშაო კაბინეტში მისი მოადგილე, მაიორი რევაზ ღარჩია შემოვიდა და მოახსენა:

— ამხანაგო პოდპოლკოვნიკო, ჩემთან ოთახში იმყოფება დიდი სამამულო ომის ვეტერანი უორუი გერგაია, რომელიც აცხადებს, რომ 1945 წელს ის საბჭოთა კავშირის გმირის წოდებაზე წარადგინეს და გვთხოვს დახმარებას, რათა მოვუძებნოთ ეს საბუთი.

სამხედრო კომისარმა სთხოვა, შემოეყვანათ განმცხადებელი.

მაიორის თანხლებით კაბინეტში შემოვიდა საშუალო სიმაღლის კაცი, რომელსაც მკერდს მთავრობის ჭილღოები უმშვენებდა.

— უორუი გერგაია, — წარმოგვიდგინა თავი ოთახში შემოსულმა და ყველას ღიმილით ჩამოგვაროვა ხელი. მოსული მკვირცხლი და ენაწყულიანი კაცი ჩანდა. ის თავის ამბავს მოჰყვა:

— სოფელ ქარიატაში დავიბადე. ჩემს მშობლებს — ალექსი და მკერდინე გერგაიებს რვა ვაჟი და ორი ქალიშვილი ჰყავდათ. მე რიგით მეცხრე ვახლავართ. მამა 1922 წელს გარდაიცვალა, დედა — 1937 წელს. ჩემი დედამამიშვილებიდან ბევრმა ისწავლა, მე კი მხოლოდ სოფლის სკოლა დავამთავრე და მშობლიურ კერაზე დავრჩი. ვმუშაობდი კოლმეურნეობის ბრიგადირად, ვიყავი კოლმეურნეობის სარევიზიო კომისიის თავმჯდომარე. 1939 წელს წითელ არმიას ვამიწვიეს.

ქალაქ ტაშკენტში ერთ-ერთ საარტილერიო ნაწილში ვმსახურობდი. მონაწილე ვიყავი ვითვლენილად ვითვლენილად და 1941 წლის ზაფხულში შინ შევბრუნდით გამომიშვეს. ამ დროს დაიწყო სამამულო ომი. სამხედრო გარანტიონის უფროსთან გამოცხება დედა, რომელმაც გამანაწილებელ პუნქტში გამაგზავნა. ამ პუნქტის უფროსი თურმე ჩემი დიდი ხნის უნახავი ძმა კაპიტანი კონსტანტინე გერგაია იყო. ძმები გადავეხვეით ერთმანეთს. საარტილერიო ნაწილში ნახსახური ვიყავი და კონსტანტინემ უმცროს მეთაურთა სამხედრო სწავლებელში მიმავლინა. რაც ვიცოდი, თურმე უკანასკნელად ვხვდავდი ჩემს ძმას — ის 1942 წელს დაიღუპა.

რვა ძმიდან ყველა ვიბრძოლით გერმანელი ფაშისტების წინააღმდეგუფროსი ძმა სიმონი მაიორი იყო. ის 1946 წელს გარდაიცვალა. კონსტანტინე კავკასიას იცავდა. მისი მომდევნო ძმა, ირაკლი, კაპიტანი გახლდათ. ის ყუბანის განთავისუფლებისათვის ერთ-ერთ ბრძოლაში მძიმედ დაიჭრა. განკურნების შემდეგ ცხაკაიას რაიონის სამხედრო კომისრის მოადგილედ მსახურობდა და გარდაიცვალა 1966 წელს. ბესარიონი უმცროსი ლეიტენანტი იყო, 1942 წელს ყირიმში დაიღუპა. დიანოზი კაპიტანი გახლდათ. ომის შემდეგ იგი ფოთის მილიციაში მსახურობდა. უმცროსი ლეიტენანტი აკაკი 1942 წელს დაიღუპა ფეოდასიაში. ყველაზე უმცროსი ძმა პეტრე, რომელიც ომის წინ გაიწვიეს საყოველთაო სამხედრო სამსახურში, 1941 წელს დაიღუპა ერთ-ერთ სასაზღვრო ბრძოლაში. დებიც გარდაიცვალნენ. ათი დედამამიშვილიდან მარტო მე დავრჩი.

საარტილერიო სსწავლებელი ექვს თვეში დავამთავრე. სერჟანტის წოდება მომიანიჭეს. მე-8 წითელდროშოვანი მსროლელი დივიზიის 193-ე საარტილერიო პოლკში დამნიშნეს ქვემეხის მეთაურად. ჩვენმა ბატარეამ თავი ისახელა სოფელ ფსხუსთან გამართულ ბრძოლაში. მერე ყელფუნოვოდსკის, კისლოვოდსკის და როსტოვის განთავისუფლებაში ვმონაწილეობდი. მალე 56-ე საარტილერიო ბრიგადაში მოვხვდი, სადაც ვიბრძოდი ომის დამთავრებამდე. ვენის ალბის შემდეგ ჩემმა მეთაურმა საბჭოთა კავშირის გმირის წოდებაზე წარმადგინა...

სამხედრო კომისარმა მოითხოვა, შემოეტანათ უორუი გერგაიას სამხედრო სააღრიცხვო ბარათი. პოდპოლკოვნიკი გულდაგულ გაეცნო მას და მიღებაზე მოსულს ალუთქვა, რომ სათანადო შეითხვას გააგზავნიდა სსრ კავშირის თავდაცვის სამინისტროს ცენტრალურ არქივში.

პასუხმა დიდხანს არ დააყოვნა. აი, ისიც:

დაჯილდოვების ფურცელი

- 1. გვარი, სახელი მამის სახელი — გერგაია უორუი ალექსის ძე.
2. სამხედრო წოდება — გვარდიის უფროსი სერჟანტი.
3. თანამდებობა, ნაწილი — 56-ე გვარდიული სადივიზიონო სარტილერიო ბრიგადის 165-ე გვარდიული საქვემეხო საარტილერიო პოლკის ქვემეხის მეთაური.
წარდგენილია „საბჭოთა კავშირის გმირის“ წოდებაზე.
4. დაბადების წელი — 1918.
5. ეროვნება — ქართველი.
6. პარტიულობა — საქ. კ(ბ) წევრი.
7. მონაწილეობდა სამოქალაქო ომში, საბჭოთა კავშირის დასაცავად შემდგომ ბრძოლებში და სამამულო ომში (სად, როდის). — სამამულო

ომის მონაწილეა 1942 წლის აგვისტოდან, 1945 წლის 16 მარტიდან — უკრაინის მე-3 ფრონტზე.

8. აქვს თუ არა ჭრილობა ან კონტუზია სამამულო ომში. — 1945 წლის 16 მარტს და 1945 წლის 17, აპრილს ორჯერ მსუბუქად დაიჭრა, მწყობრი არ მიუტოვებია.

9. რა დროიდან მსახურობს წითელ არმიას — 1941 წლის 28 ივლისიდან (უნდა იყოს 1939 წლიდან. ავტორი).

10. ვის მიერ არის გაწვეული წითელ არმიას — საქართველოს სსრ ხობის რაიონის სამხედრო კომისარიატის მიერ.

11. ადრე რით არის დაჯილდოებული (რა დამსახურებისათვის). — მედლით „მამაცობისათვის“, მედლით „კავკასიის დაცვისათვის“.

12. დასაჯილდოვებლის მუდმივ-საცხოვრებელი ადგილი და ოჯახის მისამართი — საქართველოს სსრ, ხობის რაიონი, სოფელი ქარიატა.

საბრძოლო წარჩინების ან დამსახურების მოკლე აღწერა

...1945 წლის 22 მარტს ჩვენმა ქვედანაყოფებმა დაიკავეს დასახლებული პუნქტი რადე. 23.3.45 წ. გათენებისას მოწინააღმდეგე მოულოდნელად გადმოვიდა კონტრიერიშზე. ამ დროს ჩვენი ქვეითი ნაწილები რადეს სამხრეთით იყვნენ განლაგებულნი. მოწინააღმდეგე რადეს ნაწილი დაიკავა (ალყაში მოექცა 165-ე გვარდიული საარტილერიო პოლკის 1-ლი ბატარეა). ბატარეა წრიული თავდაცვისათვის მოეშალა. ბატარეის მეთაურის ბრძანებით, გერგაიამ თავისი ქვემეხი წინ გამოაგორა მტრის ტანკების იერიშის სავარაუდო მიმართულებით შესახვედრად. ამ მიმართულებით მალე გამოჩნდა მტრის ქვეითი ბატალიონი 5 ჯავშანტრანსპორტიორის თანხლებით. მტერი გერგაიას ქვემეხის მიმართულებით მ-ჭერ გადმოვიდა იერიშზე და იძულებული გახდა, დიდი ზარალით უკან დაეხია. გერგაიას ქვემეხის ცეცხლით მოსპობილია მტრის 2 ჯავშანტრანსპორტიორი, 2 კი მწყობრიდან გამოვიდა. განადგურებულია მოწინააღმდეგის 4 დაზვის ტყვიამფრქვევი და ოცეულამდე ჯარისკაცი და ოფიცერი.

მტერი კონტრიერიშებით რამ ვერას გახდა, ეკლესიის სამრეკლოდან გახსნა ტყვიამფრქვევის ძლიერი ცეცხლი შარაგზის მიმართულებით, რათა შეეფერხებინათ ჩვენი ქვეითების წინსვლა, რომლებიც არტილერიისტების მისაშველებლად მიიწვიდნენ.

შარაგზის მიმართულებით ცეცხლს უშენდნენ მტრის გადარჩენილი ჯავშანტრანსპორტიორების მსხვილყალიბიანი ტყვიამფრქვევებიც.

გერგაიამ უცებ შეცვალა საცეცხლო პოზიცია და თავისი ქვემეხის ორი სროლით დაანგრია ეკლესიის სამრეკლო, მოკლულია ოფიცერიც,

რომელიც ფაშისტთა ჯავშანტრანსპორტიორების ცეცხლს აკორექტირებდა. შარაგზის მიმართულებით ცეცხლი შეწყდა. ჩვენმა ქვედანაყოფებმა წინ წაიწიეს და დაიბრუნეს სოფელი რადე.

4.4.45 წ. ბაღმინის მისადგომებთან მოწინააღმდეგე ცდილობდა, შეერყებინა ჩვენი ქვედანაყოფების წინსვლა. მტერი სამი საშუალო ტანკის თანხლებით სამჭერ გადმოვიდა კონტრიერიშზე. გერგაიამ ამ ბრძოლისას თავისი ქვემეხის ცეცხლით მოსპო მტრის 1 ტანკი და 13 ფაშისტი ჯარისკაცი, რითაც ხელი შეუწყო ჩვენი ქვეითების წინსვლას.

8.4.45 წ. სოფელ ანშეტენისათვის ბრძოლისას გერგაიამ თავისი ქვემეხის პირდაპირი დამიწვნებით მოსპო მტრის ერთი ტანკი, ორი 88 მმ ყალიბის საწინააღმდეგო იარაღი, ოთხი ტანკსაწინააღმდეგო იარაღი, ოთხი დაზვის ტყვიამფრქვევი და ოცეულამდე მტრის ჯარისკაცი და ოფიცერი.

13.4.45 უსახელო სიმაღლეზე ვიუგლას ჩრდილო-დასავლეთით გერგაიამ მოსპო მტრის საშუალო ტანკი, ოთხი დაზვის ტყვიამფრქვევი, ოცეულამდე მტრის ჯარისკაცი და ოფიცერი.

16.4.45 წ. როტსხლმორფის რაიონში ჩვენი 1-ლი დივიზიონი მხარს უჭერდა 331-ე მსრ. პოლკის მე-2 ბატალიონს. ჩვენმა ბატარეამ ისე წაიწია წინ, რომ მტრის ნახევრად ალყაში მოექცა.

მტერი გამაგრებული იყო 310-ე სიმაღლეზე, რომელიც კონტროლს უწყვეტად მიმდებარე რაიონს. მოწინააღმდეგე აქედან ცეცხლს უშენდა დასახლებულ პუნქტს და გზებს. ძალზე დაძაბული მდგომარეობა შეიქმნა, როდესაც მტრის 2 „ვეფხვი“ სიმაღლეზე აიჭრა და სროლა დაუწყო ჩვენს განლაგებას. გერგაიამ პირდაპირი დამიწვნებით ცეცხლი გაუჩინა მტრის ერთ ტანკს, მეორე კი დააზიანა. ამ ორთაბრძოლისას ის ორჯერ დაიჭრა, მაგრამ არ მიატოვა საბრძოლო პოსტი. ამ დღეს მტერი 4-ჭერ გადმოვიდა კონტრიერიშზე. დაჭრილი გერგაია დღის ბოლომდე თავის არტილერიისტებთან დარჩა. ამ დღეს მისმა ქვემეხმა მტრის 40-მდე ჯარისკაცი და ოფიცერი მოსპო.

1-ლი დივიზიონის მოქმედების ზოლში მყოფი გერმანული ქვედანაყოფები განადგურებული იქნა.

ღირსია მიენიჭოს „საბჭოთა კავშირის გმირის“ წოდება.

165-ე გვარდიული საარტილერიო პოლკის მეთაური, გვარდიის მაიორი — ხელისმომწერა (ჩუიკოვი).

ღირსია მიენიჭოს მთავრობის უმაღლესი ჭილღო — „საბჭოთა კავშირის გმირის“ წოდება.

56-ე გვარდიული სადივიზიონო საარტილერიო ბრიგადის მეთაური, გვარდიის პოლკოვნიკი — ხელისმომწერა (პიკურა). 25 მაისი, 1945 წელი.

ღირსია მიენიჭოს მთავრობის უმაღლესი ჭილღო — „საბჭოთა კავშირის გმირის“ წოდება.

სურსათი და კვება

სურსათი და კვება

დღესი ჭილდო — „საბჭოთა კავშირის გმირის“ წოდება.

105-ე გვარდიული ვენის წითელ-დროშოვანი მსროლელი დივიზიონის მეთაური, საბჭოთა კავშირის გმირი, გვარდიის გენერალ-მაიორი — ხელისმწერა (დენისენკო)

28 მაისი, 1945 წელი.

ღირსია მიენიჭოს „საბჭოთა კავშირის გმირის“ — წოდება მშ-ე გვარდიული ვენის მსროლელი კორპუსის მეთაური, გვარდიის გენერალ-ლეიტენანტი — ხელმწერა (უტკენკო)

6 ივნისი, 1945 წელი.

ღირსია მიენიჭოს „საბჭოთა კავშირის გმირის“ წოდება.

მე-9 გვარდიული არმიის არტილერიის სარდალი, გვარდიის არტილერიის გენერალ-მაიორი — ხელისმწერა (ბრენევი).

9 ივნისი, 1945 წელი.

ღირსია

მე-9 გვარდიული არმიის ჯარების სარდალი, გვარდიის გენერალ-პოლკოვნიკი (გლაგოლევი)

„—“ ივნისი 1945 წელი

სამხედრო საბჭოს წევრი, გენერალ-ლეიტენანტი (გრომოვი).

მე-9 გვარდიული არმიის სარდალის 1945 წლის 22 აგვისტოს № 086/6 ბრძანებით დაჯილდოებულია წითელი დროშის ორდენით.

კადრების განყოფილების მე-2 ქვეგანყოფილების უფროსი, გვარდიის მაიორი — ხელისმწერა (ტრუბინი).

სსრ კავშირის თავდაცვის სამინისტროს არქივი, აღწერილობა 686196. საქმე 7414. ფურც. 244.245.

ასლი მოცემულია ორიგინალის ტექსტის სრული დაცვით.

17 მაისი, 1978 წელი.

ჩვენ არ ვიცით, მოხვდა თუ არა გვარდიის უფროსი სერჟანტის შორჟი ალექსის ძე გერგაიას დაჯილდოების ფურცელი არმიის სარდალთან და არმიის სამხედრო საბჭოს წევრთან ხელმოსაწერად (როგორც დოკუმენტიდან ჩანს, დაჯილდოების ფურცელზე მათი დასკვნა და ხელმწერა არაა). მოგვიანებით, 1945 წლის 22 აგვისტოს, ამ დაჯილდოების ფურცლის საფუძველზე, შორჟი გერგაია წითელი დროშის ორდენით დაუჯილდოვებიათ.

შორჟი გერგაია ამჟამად ზობის რაიონის სოფელ ხეთის საშუალო სკოლის დირექტორის მოადგილეა.

ფაზისტურ გერმანიაზე გამარჯვების 40 წლისთავის ზეიმის დღეებში წითელი დროშის ორდენისა და მრავალი საბრძოლო მედლის კავალერს, ომისა და შრომის ვეტერანს, კომუნისტ შორჟი ალექსის ძე გერგაიას დიდი სამამულო ომის წლებში მხედრული დამსახურებისათვის სამამულო ომის პირველი ხარისხის ორდენი გადაეცა. ამ დღეებში ჩვენ კიდევ ერთხელ შევხვდით მამაც მეომარს და სამშობლოს მაღალი ჭილდო მივულოცეთ.



ეპისტინა სტეპანოვა


ამ ძმების ამბავი პირველად გამარჯვების დიადი დღესასწაულის წინაღობებში გაზეთ „ბრავდის“ ფურცლებიდან ამოვიკითხე. ახლანდ კი მათი კერა და ნაკვარცხნოვანი კრასნოდარში. აქ ჩამომიყვანა აგარაკოს-ჟურნალისტთა საკავშირო სემინარმა, რომელმაც ვრცელად და საქმიანად იმსჯელა ბეჭდვითი სიტყვის როლზე მეცნიერულ-ტექნიკური პროგრესის საკითხებზე სკკ ცენტრალურ კომიტეტში გამართული თათბირის დადგენილებიდან გამომდინარე ამოცანების გადაწყვეტაში.

სემინარის ყოველი დღე მეტად ნაყოფიერი, შემოქმედებითი საქმიანობის, აზრთა გაცვლისა და პრინციპული სჯა-ბაასის დღე იყო.

სემინარისაგან თავისუფალ დროსაც ნაყოფიერად ვიყენებდით: ვცნობოდით, ვთვალთვლიდით ქალაქ კრასნოდარისა და საერთოდ ამ მხარის ღირსშესანიშნაობებს, ახალმშენებლობებს, მრეწველობასა და სოფლის მეურნეობაში მეცნიერებისა და ტექნიკის სიახლეთა დანერგვის საკითხებს...

ერთ დღეს კი ტიმაშევსკის რაიონის სტანიცა დნეპროვსკში ჩავედით, ლეგენდარული რუსი ქალის ეპისტინა სტეპანოვას საფლავი ვინახულეთ, ცოცხალი ყვაილებით შევამკეთ სამარე იმ დედისა, რომელმაც ცხრა

მიხეილ დავითაშვილი



მიხეილ სტეპანოვი

ვაჟიშვილი გაზარდა, დაავაჟაკა და სამშობლოს ძნელბედობის ჟამს ცხრავეს ფრონტისაკენ ზვა დაულოცა.

დიდ სამამულო ომში დაღუპული ცხრა ძმის — ცხრა სტეპანოვის დედის საფლავთან რომ ვიდექ, უნებლიედ თვალწინ დამიდგა მამულისათვის ბრძოლაში დაცემული ცხრა ძმა ხერხეულიძის დედის სახეზე. და მე ცოცხლებს შორის ვხედავდი და მდაბლად ვუსრიდი თავს უკვადავებაში დეზად დარჩენილ ორ დედას — რუსსა და ქართველ დედას.

ეპისტინა სტეპანოვას საფლავის ყვაილებით შემოხვის შემდეგ დიმიტროვის სახელობის კოლმეურნეობის კულტურის სახლში მიგვიწვიეს და გვაჩვენეს კინოფილმი: „სიტყვა ერთ რუს დედაზე“, რომელშიც კინემატოგრაფის ენით არის მოთხრობილი ეპისტინა სტეპანოვას ჭეშმარიტად გმირული, ტრაგიკული და ამაღლებული ისტორია.

კინოდარბაზიდან უკლებლივ ყველა თვალცრემლიანი გამოვიდა.

ეს იყო ცრემლი, ალალი ცრემლი უზომო სიამაყისა, უმაღლესი მადლიერებისა ერთი მშრომელი, უბრალო რუსი დედისადმი, რომელიც ბედმა ბოლომდე ვერ გატეხა.

ეპისტინა სტეპანოვას სახლმუზეუმში ფეხი რომ შევდგი, პირველყოველისა, იმან გამაოცა, რომ აბსოლუტური სიჩუმე სუფევდა. დიხს, საოცარი დუმილი მეფობდა იმ სახლში, სადაც ერთ დროს ცხრა ღიმილიანი, მოუსვენარი, ონავარი ვაჟის სიცილიკისკი, ჟრიაშული აცოცხლებდა, ახმინებდა, ალაშაზებდა კედელ-ყურეს, გარემოს. ეს დუმილი კაცს უნებურ სევდას გვერის, გაღონებს, გაფორიანებს. სწორედ ასე აფორიანებულს ჩამესმა მასპინძელთაგან ერთის ათრობლებული, უზომო ნაღვლითა და სინანულით გამსჭვალული ხმა და მერე მონოტონურად, ნაწყვეტ-ნაწყვეტ-


ად მესმოდა იმ მთრთოლვარე ნაღვლიანი ხმით მოთხრობილი ასეთი ჭეშმარიტად გმირული, ტრაგიკული თავადასაგალი:

ეპისტინა სტეპანოვას უფროსი ვაჟი ალექსანდრე 17 წლისა არც კი იყო, როცა უშიშრად ებრძოდა თეთრგვარდიელებს. 1918 წელს ჯაბუკი შეიპყრეს და დახვრიტეს. შვილის სიკვდილით გამწარებულ დედას სურათიც კი არ დარჩა მისი. ისე გაქრა თითქოს არც იყო ამქვეყნად, მაგრამ ალექსანდრეს მომღიმარი სახე, ახოვანი აღნაგობა ახლობლებისა და ნათესავების ხსოვნაში დარჩა. სწორედ მათი მონათხრობით, დაწვრილებით აღწერით მხატვრის ფუნჯმა გააცოცხლა, უკვადავო ტილოზე ცხრა ძმა-თავან პირველი და მუზეუმში სამუდამოდ დაუშვიდრა ბინა.


კვლავ დაირღვა დუმილი, კვლავ ვისმენთ ეპისტინა სტეპანოვას დიდი, გმირული და ტრაგიკული ცხოვრების მორიგ ეპიზოდებს:

ამ უბედურებამ ვერ გატეხა მრავალშვილიანი დედა, კვლავ ჩვეულებრივი სიმხნევითა და სიბეჯითით შრომობს, იღვწის. როდესაც წითელმა არმიამ თეთრგვარდიელებისაგან ყუბანი გაათავისუფლა, ისე, როგორც ყველამ, სტეპანოვების ოჯახმაც მიიღო დიდი ხნის ნანატრი მიწა. გაძ-


ტრისტან ბინჩილაკაშვილი




ალექსანდრე ნიკოლოზი ვასილი ფილიპე



თედორე



ივანე




ილია



ბავლე

ალექსანდრე (უმცროსი)



ლიერდა, გალონიერდა, გამხიარულდა ოჯახი. სტეპანოვები პირველნი შევიდნენ კოლმეურნეობაში. სწორედ ამ დროს შეეძინა ეპისტინა სტეპანოვას კიდევ ერთი ვაჟი. ვაჟს თეთრგვარდიელებთან ბრძოლაში დაღუპული უფროსი ძმის მოსაგონრად ალექსანდრე დაარქვეს. გალონიერებულ მრავალრიცხოვან ოჯახში კვლავ დაინადგურა ბედნიერებამ, მაგრამ დიდი ხნით არა. 1933 წელს სამოქალაქო ომში მიღებული მძიმე ჭრილობებისაგან გარდაიცვალა მისივე სტეპანოვი — ოჯახის უფროსი. დარჩა ქვრივის რვა ვაჟიშვილი სარჩენად, საპატრონოდ. მაგრამ არ შედრკა. დილით უმცროს ბიჭებს სკოლაში აგზავნიდა, უფროსებს კოლმეურნეობის მინდვრებისაკენ მიუძღოდა. მალე უფროსი ვაჟი ფილიპე მთელი კრანსოდარის მხარეში ცნობილი მექანიზატორი გახდა. იზრდებოდნენ, ფეხზე დგებოდნენ ბიჭები. შეუმჩნევლად მოვიდა დრო წითელ არმიას მათი გაცილებისა და მამულის წმინდაწმინდა სამსახურში ქვრივმა გზა დაულოცა თედორეს, ივანეს, ილიასა და ბავლეს.

თითქოს ყველაფერი აქვყო, ყველაფერი ნორმალად წარიმართა, ერთხანს შვებით ამოისუნთქა გატანჯულმა ქალმა, მაგრამ ბედის უკუღმართობა კვლავ მოულოდნელად დაატყდა თავს: ჯერ კიდევ ომის დაწყებამდე, 1939 წელს, მიიღო თავზარდამცემი ცნობა იმის შესახებ, რომ იაპონელ დამპყრობლებთან ბრძოლაში მდინარე ხალხინ-გოლთან გმირულად დაიღუპა უმცროსი ლეიტენანტი თედორე სტეპანოვი.

მრავალტანჯულ დედას თავისი სევდა ოდნავადაც კი არ ჰქონდა განულებული, როდესაც დიდი სამამულო ომი დაიწყო და 1941 წელს კვლავ მწარედ დაკოდა დედის გული იმ ამბავმა, რომ ბრიანსკის ფრონტზე, მტერთან მკაცრი შეტაკების ფაშს დაიღუპა ლეიტენანტი ბავლე სტეპანოვი.

ბედის ესოდენ უღმობელმა რისხვამ საბოლოოდ როდი გატყუა ეპისტინა სტეპანოვა, მან საძულველ მტერზე მძლავრი შურისგების გრძნობით გააცილა ფრონტზე უმცროსი ვაჟები — ნიკოლოზი, ვასილი, ფილიპე, სულ მალე კი მოხალისედ წავიდა უმცროსი ალექსანდრეც.

დაიწყო ომის უმძიმესი, თითქოსდა ზოწინით მიმავალი თვეები. შვილების ამბის მოლოდინში ათენებს და აღამებს დედა. იგი ყოველდღიურად, ზამთარსა თუ ზაფხულში, გაზაფხულსა თუ შემოდგომაზე გამოდიოდა ეზოს გარეთ, სოფლის შარაზე, მოუთმენლად ელოდა ფოსტალიონს — ანისიას. ახარებდა ანისიას გამოჩენა. ანისიასაც უხაროდა ეპისტინესთან შეხვედრა, რადგან ფრონტზე მეომარი შვილების გამამხნეველი წერილები მოჰქონდა დედასთან. ეპისტინაც დღეში რამდენჯერმე კითხულობდა ხოლმე წერილებს. იკრებდა მხნეობას, მაგრამ არც ეს ბედნიერება გაგრძელდა დიდხანს.

ილეოდა დღეები, კვირეები, ანისია კი არ ჩანდა. თითქოსდა მიწამ ჩაყლაპაო. ღელავდა ქალი, ვეღარ ისვენებდა. ერთ დღეს სამუშაოდან შინ რომ დაბრუნდა, ძირს დაგდებული

ქალადლი ნახა, აიღო, წაიკითხა და თვალთ დაუბნელდა. ქალადლი ვასილის დაღუპვის ამბავს იტყობინებოდა. აქვითინდა ქალი, მდულარე ცრემლი ღვარა, კიდევ ერთი ძარღვი ჩაუწყდა გულში, მაგრამ იმედი სულ არ დაუკარგავს, ისევ ფოსტალიონ ანისიას ელოდა, მაგრამ ანისიას ნაცვლად ერთ დღეს ეზოში ისევ იპოვა კონვერტი, ისევ ქალის კანკაპლით გახსნა და შავი ქალადლი ახლა ფილიპეს დაღუპვას იუწყებოდა. რა თქმა უნდა, ეს თავზარდამცემი წერილები ეპისტინესთან ფოსტალიონ ანისიას მოჰქონდა, მაგრამ ეძნელებოდა პირადად გადაეცა დედისათვის შვილების დაღუპვის ამბავი და, როცა ეპისტინა შინ არ იყო, წერილებს ეზოში, ყველაზე გამოსაჩენ ადგილას ტოვებდა. სამწუხაროდ, კიდევ რამდენჯერმე მოუხდა ანისიას ეპისტინა სტეპანოვას ეზოში ასე ფარულად წერილების დატოვება, რომლებმაც უბედურ დედას ფრონტზე გაგზავნილი შვიდი ვაჟკაცის დაღუპვა აუწყეს.

ბედის მრისხანებით ესოდენ განწირული დედა სულით მაინც არ დაეცა, კვლავ შერჩა იმედის ნატამალი, ფამიდან-ფამს კვლავ იყურებოდა ჭიშკრისაკენ. ერთი შვილიღა დარჩა ცოცხალი და იმას ელოდა. ათასგზის ვანრისხებულმა ბედმა ერთხელ თითქოსდა შეიბრალა განაწამები ქალი. ცოცხალი დაბრუნდა ერთადერთი შვილი ნიკოლოზი. დაბრუნდა მაგრამ ტყვიებით სულ დაჭრილ-დაცხრილული და მალე ისიც გარდაიცვალა.

დარჩა მარტოდმარტო ცხრა ვაჟი-შვილის მშობელი და გამზრდელი დედა. დარჩა შვილებზე ფიქრისა და მწუხარების ამბრა, მაგრამ სულით არ დაეცემულა, არ დაჩაივებულა. მაგრობდა, ავებდს არ ნებდებოდა, სანამ პირში სული ედგა. ომის შემდეგ ორ ათეულ წელზე მეტი იცოცხლა. ხშირად გამოდიოდა ეზოდან, დაადგებოდა ქალაქის პარკისაკენ მიმავალ გზას. იქ, ქალაქის პარკში, უმცროსი ვაჟის, საბჭოთა კავშირის გმირის ალექსანდრეს ძეგლი დგას. მასთან მივიდოდა, მის ფეხთით ცოცხალი ყვავილებით თაივულს დადებდა... ერთხანს გარინდელი იდგა, მერე წელთა სიმრავლითა და ფაშთა სიავით დამჭკნარ ხელს ძეგლს შეახებდა, ეფერებოდა, კარგახანს ესაუბრებოდა დედა ძეგლადქცეულ შვილს და იმ წუთებში აშკარად თვალწინ ედგა ცხრავე ვაჟკაცი.

მთხრობელი გაჩუმდა, ცრემლი მოიწმინდა. მცირეოდენი დუმილის შემდეგ მაგიდიდან მოზრდილი ალბომი აიღო, ოდნავ მალდა ასწია და ისევ დაიწყო: ყველაფერი ის, რაც გაიმბეთ და ისიც, რისი თქმაც ვერ მოვასწარი, ეპისტინა სტეპანოვას გმირული და ტრაგიკული ცხოვრების შესახებ, უფრო დაწვრილებით, ლაკონურად, შთამბეჭდავად აი აქ, ამ ალბომშია, მოთხრობილი.

ლამაზად გაფორმებულ გარეკანზე მსხვილი, შავი ასოებით გარკვევით ეწერა: „მარადფაშს ხალხის სსოვნაში“. ოდნავ ქვემოთ კი თითქმის იმავე ზომის ასოები იყო გამოყვანი-

ლი: „ედღენება სტეპანოვების ოჯახის გმირობას“.

ვუყურებდით ალბომს, და ბუნებრივად, ყველას ერთი და იგივე სურვილი გაგვიჩნდა, ერთი და იგივე კითხვა დაგვებადა და ცოტახნის შემდეგ კიდევ გაისმა დარბაზში ყველა ჩვენთაგანის სასურველი ეს კითხვა: მერედა ვინაა ალბომის ავტორი, სად იყიდება ეს ალბომი?

მთხრობელმა ალბომი სათუთად დალო მაგდალაზე. სახეზე ღიმილმა გადაურბინა და თქვა: ამ ალბომის ავტორი ჩვენი თანამემამულე, კრანსოდარელი ჟურნალისტი ანატოლი მაკარენკო არისო.

ანატოლი მაკარენკო ხომ ჩემი ფრონტელი მეგობარია! ფიქრი ხმა-მალალი გამოვივიდა. ჩემს გვერდით მდგომმა კოლეგებმა განცვიფრებითაც კი შემომხედეს.

გამომგზავრებამდე რამდენიმე საათით ადრე მოვიდა სასტუმროში ანატოლი მაკარენკო და ალბომი გადმომცა გულთბილი წარწერით.

გადავშალე პირველი გვერდი და მყისვე მრავალჭირნახული რუსი დედის უზომო მწუხარების გამოხატვლამა სახემ შემძრა. თუნდაც და ამ სახის ხილვით შეიძლება დინანსო, იგრძნო ომის მთელი საშინელება, ის ენით გამოუთქმელი სულიერი ტანჯვა, წამება, რომელიც მას მოაქვს ადამიანებისათვის. ამ სახეგატანჯული, შავით მოსილი ქალის პორტრეტის გასწვრივ ასეთი სულის შემძვრელი სტრიქონებია: „ეპისტინა თეოდორეს ასულს ყველა თავისი ვაჟკაცი დაამახსოვრდა, გონებაში ღრმად აღებეჭდა ომში მიმავალი. სუტორიდან გზაწვრილი გასდევდა მდინარი-სპირა მინდვრებს, შემდეგ თანდათან აღიოდა მაღლობზე, საიდანაც კარგად მოჩანდა მისვეულ-მოსვეული, მდინარის გასწვრივ გამავალი გზა-წვრილი, სახლი, პაღი. და, როდესაც ომში მიმავალი ბიჭები გაივლდნენ მინდორ-მინდორ მიმავალ გზაწვრილს, შეუდგებოდნენ აღმართს, უან მოიხედავდნენ, ერთხელ კიდევ სიყვარულით შეავლებდნენ თვალს მათკენ სასოებით მზირალი დედის გაქვავებულ ფიგურას, უანასწენლად დაუქნევდნენ ხელს, გამოეთხოვებოდნენ და... ასე წავიდნენ ყველანი ფრონტზე, წავიდნენ უკვდავებაში“.

ერთობ ლაკონიური, ბედის სიმუხთლით განაწამებ გაუტყველ ადამიანთა უნარების თანაგრძნობით გამსჭვალული სტრიქონები ახლავს ალბომში დაბეჭდილ ყველა პორტრეტს, ყველა ფოტოსურათს და სწორედ ამიტომ, რომ დიდი ინტერესით, სულ-მოუთქმელად იკითხება პირველიდან ბოლო გვერდამდე.

მწარე ფიქრს, სინანულს აღვიძრავენ ისინი: აი, სრულიად ჭაბუკი, სახელიმილიანი სოფლის კომკავშირელი ახალგაზრდობის ჯგუფი და მათ შორის ძმები სტეპანოვებიც უზომოდ შეჭხარაინ სიცოცხლეს. აგერ კოლმეურნეობის სასულე ორკესტრის წევრები და მათი ხელმძღვანელი, ცხრა ძმათაგან ერთი — ვასილი სტეპანოვი. თითქოსდა წამიერად მოგვსმის



პოემას ჩემსას ვარქმევ ყრმობის
ტკბილ განსვენებას,
ვუხმე ოცნებებს, სანატრელს
და ოქროსფრთხობიანს,
მსურს ერთხელ კიდევ მოვეფერო
გამქრალ მშვენიერებას,
რაიც ოდესმე ტკივილამდე
შემეყარებია.

დიდი ხანია, რაც მაჭარი
უკვე დაღვინდა,
დღენი მიჰქრის და სიცოცხლე
შედის ტუბობაში.
ოცდათხუთმეტი წელიწადის
ამ სიმალლიდან
გადავაბიჯე კიდევ ერთხელ
ჩემს ბალღობაში.

დავხუჭე თვალი, სულმა მღვრიე
ფიქრი დაწმინდა,
და მოგონებებს აზვირთებულს
წყნარად დავნებდი
და პირველყოფილ ელვარებით
თვალწინ ვაბრწყინდა
ჩემი სამშობლოს ჯადოსნური
კუთხე სვანეთი.

მზე ჩადის მთებში, საამურად
დაპბერა ზენამ
და ეფინება ტებღიაშის
ფერღობებს ლიბრი,
მიწყდა ხმაური, აღარ ისმის
ცელების სტვენა.
კოცონს უსხედან მთიბველები
დაღლილნი თიბვით.

ო, შეღამება მშობლიური,
ტკბილია მარად
და ჭრიჭინების კრიმანჭულიც
სასმენი ამოდ.
ტუნენ ხმადას და სიგრილეში
ვანშობებენ წყნარად
და ნეტარ ფიქრებს მისცემიან
ოჯახთა გამო.

რა ამბავია, ან რა მოხდა
ლატალში გუშინ,
ხომ არ აკლია, ხომ არ უჭირს
რაიმე ჯალაბს,
და თვითეული, რა თქმა უნდა,
ამ წუთას გულში
მხოლოდ საკუთარ ტკივილსა და
სიხარულს მალავს.

მეც წყნარად ვწევარ სურნელოვან
მწვანე ბალახში
და თიბვას ჯერაც მიუჩვეველს,
სახსრები მტკივა.
ო, რა კარგია, დავბრუნდები
სანამ ქალაქში
ორიოდ მარხილს გავთიბავ და
გვექნება თივა!

ჩავზიდავ სახლში და სოფელიც
გაიგებს უმაღ,
რომ ჩვენს ფურს საზრდო თავსაყრელი
ექნება წელსაც
და ბედნიერი ქორა ნანა!
ძილის წინ ჩუმაღ
წმინდა გიორგის შეავედრებს
სიცოცხლეს ჩემსას.

მერევა ძილი ამ ფიქრებში,
დუმს მთათა ექო,
წყნარი ჩხრიალით მიბრბის ხევში
პატარა ღელე,



და მესიზმრება, თავზე მისვამს
ელენე ბებო
ამ ბალახივით სურნელოვან
და დამჭკნარ ხელებს.

ისევ შორეულ სიყმაწვილის
სიმღერას ვმღერი.
და მახსენდება დედუღეთის
პატარა სახლი.
კალოობაა, ილეწება შვრია და ქერი
და კევრზე ვდგავარ გათარჩხული,
ნიჩბით და სახრით.

რა ყიყინია პატარების ნეტავი ირგვლივ,
მიაქროლებენ კევრს ხარები
ნიავეზე სწრაფად,
თავთავებისგან ჩემი დები
მიწნავენ გვირგვინს
და ყველაფერი ცხადზე უფრო
წაგავს ზღაპარს.

წუხელ კი, როცა წამოეგო
მზე მთათა შუბებს
და მთვარის შუქი შეეპარა
ჯერ კიდევ დღებნელს,
საღურჭელია² დავაყენეთ
და მთელი ღამე
შუა ყანაში საკალოე
აღგილი ვტკეპნეთ.

და სანამ ცაში არ ავფრინდით
ყველანი უფროთოდ
და ჟრიამულით არ დავუხვდით
ლურჯთვალა ცისკარს,
ბრუნავდა ყველა კარუსელზე
ძვირფასი უფრო
საღურჭელია, გაჩორკნილი
უბრალო ხისგან.

ასაფლავებენ დღეს სოფელში
ასი წლის მოხუცს,

წვიმს, დაჯანღულა იალღზე
ყომრალი ნისლი,
ვუსმენ შაოსან დედაკაცთა
ხმამალალ მოთქმას
და მათ კვილზე მეყინება
ძარღვებში სისხლი.
არ გადაიღებს, ალბათ, რადგან
ღრუბელი ფარავს,
ცისფერ ჰორიზონტს და არსად ჩანს
პატარა ბზარიც,
დვანან კაცები თავწყარული
კუბოსთან რკალად
და ჟრუანტელის მომგვრელად ჟღერს
სვანური „ზარი“.

მადლობა ღმერთს, რომ ძველებურად
აქ ისევ ჰქვია
ტირილს ტირილი, გლოვას — გლოვა
და მოთქმას — მოთქმა,
კი, რა თქმა უნდა, წინ მიჰყვება
ცხოვრების ტრიალს,
მაგრამ ალათ-წესს კვლავ ინახავს
სვანების მოღვმა.

ო, როგორ უმძიმთ, რა გულწრფელად
ტირიან, ვხედავ,
ჭირშიც და ლხინშიც დღევანდლამდე
მიტომაც გაძღეს,
საყდრის ეზოში დამარხავენ
სალამოს ცხედარს,
არ გაიხდიან მერე ტანზე
კაი ხანს ძაძებს.


გადაიკარა, საღამოხანს შეჩერდა ღმერთი
და ვარსკვლავები დაექარგნენ
ლურჯი ცის თავანს,
ბიძებთან ერთად უთენია
ხვალ წავალ ტყეში,
და ძველთაძველი დარბაზისთვის
დავაპობთ ყავარს.

შევეუსნის ხარებს აპეურებს,
გადავდგამ უღელს,
და წალდით ხელში ტყეს მარტოკა
მოვივლი ფეხით.
ჯერ უმწიფარი პანტა ვაშლით
ავივსებ უბეს
და ფოთლებს დავკრეფ ღელის პირას
აშოლტილ ღების³.

მერე დავსხდებით და ფოთლებზე
დავაწყობთ საგზალს,
აქ პურის ყუას სხვა ფასი აქვს
და სულ სხვა გემო,
ცისფერი რახი გამამხნევეებს
ნაჯაფს და ნამგზავრს,
შენს სადღეგრძელოს პირველად ვსვამ,
მამულო ჩემო!

დღეს შაბათია, შაბათობით
გზაზე ვარ მუღამ,
მიხრაში გავყვე ტურისტების
მანქანას იქნებ,
ხვალ ტიბულღერა დავაგუბოთ
ბიჭებმა უნდა,
ზევ მესტიიდან ჩამოვიტან
საყვარელ წიგნებს.

უნდა გამოვწვათ ამ ზაფხულზე
კირქვისგან კირი,
და ლარილს⁴ უნდა შემოვაგვლოთ
ნაშხატის⁵ წნული.



დრო მიდის, ზეცა ხან იცინის,
ხან კიდევ ტირის
და სიყვარულით წვეთწვეთობით
მევსება სული.

უშგულში ავალ, გავახარებ
მამიდა ივლითს,
გიგა ბაბლინეს, გიგა დაუს
და ბუბა ბულათს,
გამოუცვლიათ დანჯღრეული
ენგურზე ხიდი
და გაღმა ვასვლა აღარ არის
საშიში სულაც.

აქ უცხოვრია ჩემს წინაპარს
უხსოვარ დროშიც.
ამ მინდვრებს დღესაც ყვავილებად
მზე სხივებს აქსოვს,
დანგრეულია ჩვენეული ჩაქაში კოშკი,
ღია და ბაბა მამაჩემსაც
ბუნდოვნად ახსოვს.

მე მაინც ჩემი წინაპრების
საფლავებს ვნახავ,
მათი ცრემლებით მეც მოეხარება
გრძნობების ფაფას,
უპირველესად კი მათ შორის
ყველაზე მაღალს,
დიდ ბესარიონ ნიჟარაძეს —
მახვშა და პაპას.

ლამარიადან შხარა მოჩანს
ღრუბლების ქობით,
ეცერით მოსულ მოძალადეს
და სულთამხუთავს,
უშგულის თემის ნებითა და
კაჟიან თოფით
დადეშქელიანს აქ ჩაუქრეს
მზე — ზვიად ფუთას.

მომეძალება გარდასულზე
როდესაც ფიქრი,
აქ სულის წყლულებს ისევ გრილი
ნისლებით ვიხვევ,
თოვლიან მთების ლურჯ აკვანში
იძინებს მზე და
დაჰყურებს სოფელს მაღლობიდან
თამარის ციხე.

მოსვენებენ თიკანაძეს
შხარიდან, ვხედავ,
დაუხუჭია სამუდამოდ
მზეჭაბუკს თვალი,
ამაოდ უხმობს თეთრი კვიცი
ჭიხვინით მხედარს,
და ტირის, ტირის გულამოსკვნით
კაცი თუ ქალი.

ვაჟკაცი უნდა დაიტრონ
რიგით და წესით,
რადგანაც გურამ თიკანაძე
ვაჟკაცი გახლდათ,
შემთხვევით ფეხი მოუცურდა
ყინულზე კლდეში,
თორემ შხარასაც დაიპყრობდა
გურამი ნაღდად.

წარბებს მრისხანედ იკმუნნიან
მაღალი მთები,
ლამარიასთან კვლავ ჭიხვინებს
უბელო კვიცი,
შევეყურებ შხარას დაღვრემილი
და მაშინ ვხვდები,

რომ ყველას ჩვენი დასაპყრობი
მწვერვალი გვიცდის.

კვირიკობაზე მოჯარდება
სვანეთი მთელი,
მეც კალის აღმართს მივყვები და
კალთა მიმაქვს.
საყდრის ეზოში დროშა ფრთხილად
გამოაქვთ ძველი
და, რა თქმა უნდა, უეჭველად
იწყება წვიმა.

გალავნის შიგნით საჯილდაო
აწყვია ქვები
და აქვთ შეჯიბრი აქვთ ბიჭებს
და იქვთ კაცებს,
მე ჯერ მომცრო ქვას ვეჭიდები
ბავშვური გზნებით,
მერე კი, როცა გავიზრდები,
დიდ ლოდსაც ავწევ.

ასე მგონია, ყველაფერი ეს იყო გუშინ,
თუმცა მას შემდეგ ჩაიარა
მრავალმა წელმა
და მიუჩინა სამუდამო
ბინა ჩემს გულში,
სვანეთის ყველა ღამაზ სოფელს
და მაღალ მწვერვალს.

ხატება მათი განუყრელად
ყველგან თან დამდევს,
ლამარიადან ისევ ისე მკაფიოდ ჩანან,
ზემით — მულახი, კალა, ბეჩო,
ეცერი, ხალფა,
ქვემით — ლენტეხი, ყორულდაში,
ლაშხეთი, ცანა.

ვერ ვუღალატებ ყინულოვან
საბუღარს ორბთა,
შხარას და შხელდას, აილამას,
თეთნულდს და უშბას,
მაცხოვრის ხატს და სკალდის საყდარს,
ჰადიშის ოთხთავს,
ბეთქილის ზღაპარს, „შინა ვორგილს“,
„ლილეს“ და შუშპარს.

პოი, მამულო, სულზე ტებილო,
ადგილის დედავ,
ვარ ტრუბადური შენი სუნთქვის
და შენი ფიქრის,
მადლობა შენდა, კურთხეულო,
მადლობა შენდა,
რომ ჩემს ძარღვებში ძველთაძველი
წრიალებს სისხლი.

გიმრავლოს ღმერთმა მეხოტბე და
მკურნალი წყლულთა,
მეც სანამ სიტყვის ძალა მომდევს
და მკლავი მერჩის,
შენი მომავლის სამსახურში
მიგულე მუდამ,
შენი დესპანი ვარ თბილისში
და შენი ელჩი.

ან კი რად მინდა ეგოდენი
ქაღილი, ფიცი,
ნეტარებს სული, როს მაგ ძვირფას
სანახებს ვუმზერ,
შენსკენ ვესწრაფვი ნუგეშისთვის
ძვირფასო, მიწყვი
სიცხიანს ღრუბლის საფენელი
დამადე შუბლზე.
და შემილოცე ძველებურად,

მოისხი მაღლი,
რომ ვერ გამოვალის ბოროტებამ
და შურმა ვერსად,
რომ სიცოცხლეში ერთხელ მაინც
შევეწყო ჰანგი
ძველი ჭუნირის სულისწამლებ
ურჟოლას და კვნესას.

ახლა მამულის სიყვარულზე
ცოტა წერს ლექსებს,
პოეტებს, ალბათ სულ სხვა რიტმებს
კარნახობთ ღმერთი,
მაგრამ მე მაინც ვუბრუნდები
მშობლიურ ფესვებს,
ამაზე ტკბილი არ არსებობს
სიმღერა ჩემთვის.

ვარ ნაშვირი ძლიერი და ამაყი ტომის,
და ყოველ დღით თვალს ერთადერთ
ოცნებით ვახელ,
რომ ჩემი სიტყვით, ჩემი ფიქრით
და ჩემი შრომით
რამე შევმატო საქართველოს
ბრწყინვალე სახელს.

და თუმცა ვიცი, საკუთარი
შვილების ქება
და არც ტრაზანი არ შეშვენის
არასდროს ვაჟკაცს,
მჯერა, ორი ძმა ნიჟარაძე,
შერგილ და გეგა,
შეემატება უეჭველად მამულის ლაშქარს.

აი, ბავშვობის გადავშალე
ერთი ფურცელიც,
ლურჯმა ვარსკვლავმა გადიქროლა
ცაზე კიაფით,
და რაღაც თბილი, სიზმარივით
ამოუხსნელი
და ღვთაებრივი ნეტარებით
ავფორიაქდი.

არ დაბრუნდება, რა თქმა უნდა
უკან წარსული,
მაგრამ დრო და დრო მაინც ვუხმობ
ლანდებს გამქრალებს,
და ვეფერები, ვეფერები
ფიქრში წასული
ჩემი ძვირფასი მოხუცების
წმინდა საფლავებს.

მჯერა, არასდროს ამოწყდება
ჯიში ლომების,
თუმცა ღრუბელი ამ მწვერვალებს
ბევრჯერ დანისლავს
და ჩემი ხალხი ფიქრით, გარჯით
და მონდომებით
მტკიცედ ვაჰყვება განათებულ
გზას მომავლისას.

ვერას დააკლებს შმაგი მტერი
ვერც მრისხანებით,
ვერც ბოროტებით,
ვერც მზაკვრობით
და ვერც შელოცვით,
და კვლავ იბრწყინებს მზის ქვეშეთში
ჩემი სვანეთი —
ურყევი ბურჯი მშობლიური
საქართველოსი.

- 1 ქორა ნანა — სახლის დედა.
- 2 საღურჭელი — ხის სატრიალო მოწყობი-
ლობა. მიწის სატკეპნად იყენებენ.
- 3 ღეხი — ღუცი.
- 4 ლარილი — პატარა მწვანე მდელო.
- 5 ნაშხატი — ღობის წნული.

თბილისის ზ. ფალიაშვილის სახელობის ოპერისა და ბალეტის სახელმწიფო აკადემიური თეატრის სოლისტი ლია ბანტაძე.

ვარიაციები ბალეტიდან „ლაურენსია“.


ფოტო

ვლადიმერ გულიაძისა.

საქართველოს სსრ დამსახურებული არტისტები სვეტლანა გოჩიაშვილი და ჯაკარია ამონაშვილი.

სცენა ბალეტიდან „კარმენ-სუიტა“.

ეროვნული
გიგლიოთეკა





პეიზაჟი.

ვერცხვა.



თამუნია.

ჯეჟალ სუნიუზილი




მეარღნე.

ჭალა ჩარგალში.



წიხციელი.



გივი მიზანდარი



„ბიჭული“ გივტანას ახალი წელი.

გივტანაძის მხატვარი.



შაიფონელი მუშის პორტრეტი.



დღეისა შუიკულ ჰიუსტონი

ეროვნული
ბიბლიოთეკა



შარშან კვლავ ვეწვით ვიეტნამს (პირველად იქ 1960 წელს ჩავედი პედაგოგიური მისიით). ვიეტნამელი მეგობრები ისე შეგვეგებნენ, როგორც უახლოეს ადამიანს. ჩემი ყოფილი სტუდენტების სიტობი და სიყვარულმა კი დამარწმუნა, რომ ამ ქვეყანაზე მეც მიღვაწია: ზოგიერთი მათგანი უკვე სახელმწიფო პრემიის ლაურეატი გამხდარა.

ვიეტნამის დედაქალაქში მოეწყო ჩემი პერსონალური გამოფენა. გამოფენას დიდძალი ხალხი დაესწრო. სიტყვით გამოვიდა ცნობილი მხატვარი ჩან-ვან-კანი, რომელმაც გამოფენას საბჭოთა და ვიეტნამელი ხალხის მეგობრობის დღესასწაული უწოდა.

ჰალონგს ევროპელებმა ქვეყნიერების მერვე სასწაული შეარქვეს. იგი წყნარი ოკეანის ულამაზესი ადგილია, სადაც ნაპირიდან მოშორებით უამრავი სხვადასხვა ზომისა და ფორმის კუნძულია. ისინი დეკორატიულ ქანდაკებებს მოგვაგონებს. წყნარ ამინდში ზღვა მოლოვლივით მარმარილოს პოსტამენტს წააგავს, თუ ოდნავ დელავს, გეგონებათ, მღვერებს შარვლის ტოტები აუკაიწებიათ და ჩქარობენ ნაპირზე გასვლას. ამ კუნძულებს შორის რამდენჯერ მივლია ჯონკით (ჯონკი საკმაოდ დიდი მოცულობის ნავია. მასზე ცხოვრობს მთელი ოჯახი). ჯონკის მოზინადრენი თევზაობის ოსტატები არიან. ისინი მარჯნისა ან ზღვის სხვა სიმდიდრის მოპოვებასაც მისდევენ. მეც მიმილია მონაწილეობა მარჯნის მოპოვებაში მათთან ერთად და ბევრჯერ მათზე არანაკლები ნადავლი ამომიტანია ზღვის ფსკერიდან.

მასსოვს ჰანოის ბაზარი და მისკენ მიმავალი ძველი ქუჩა. ეს ისეთი ლამაზი ადგილია, იფიქრებთ, კინომხატვარმა სპეციალურად მოაწყო ფილმის გადაღებისთვისო.

ვიეტნამელ ხალხს საინტერესო ისტორიული წარსული აქვს. ამ ხალხის მრავალი შესანიშნავი არქიტექტურული ძეგლი მსოფლიო საგანძურად არის აღიარებული.

ვიეტნამელები საერთოდ გმირული სულის მქონე, კეთილი და შრომისმოყვარე ხალხია.

იქ ყოფნის დროს გამოვიძერწე ვიეტნამის პრეზიდენტის ხო ში მინის პორტრეტი, ოთხი დღე ვიმუშავე ორ-ორი საათი. დაუვი-

ვიეტნამში

ნახატი გივი მიზანდარისა.

წყარია ჩემთვის ეს დღეები, აქვე შევქმენი მებრძოლების, მსახიობების, სპორტსმენების პორტრეტები.

ვიეტნამელთა თეატრით ჯერ კიდევ 1962 წელს მოვიხიბლე. ვიმუშავე ვიეტნამის თეატრის ვარსკვლავ ბიკ ტიაუს პორტრეტზე. ეს მსახიობი ქალი ჯერ კიდევ სრულიად ახალგაზრდა გოგონა იბრძოდა ფრანგი კოლონიზატორების წინააღმდეგ, ხოლო შემდეგ არაერთი ქარცეცხლიანი დღე ჰქონია ამერიკელი კოლონიზატორების წინააღმდეგ ბრძოლის პერიოდში.

ვიეტნამში გავიცანი წარსულში შესანიშნავი მოკრივე ზაანი. მასთან რინგზე სპარინგიც კი ჩავატარე. ზაანს საინტერესო და რთული ცხოვრება ჰქონია, ის პირველად რიქშა იყო. იძულებული გამხდარა, გაქეუულიყო ჰანოიდან, ვინაიდან გილიოტინა ელოდა.

მოკრივის პორტრეტი, რომელიც ჰანოიში შევქმენი, ჩემთვის ძალზე ძვირფასია.

ბევრი სასიხარულო და ძნელი ამბავი გადამხდა ამ ქვეყანაში. ჩემი ცხოვრების საუკეთესო წლები ვიეტნამელ და საბჭოთა ხალხებს შორის მეგობრობას ვემსახურე.

პიპი მიზანდარი

ახალი ცხოვრების სადიდებლად დარხეული საამო პანგებიც. ფოტოობიექტივის თვალს თედორე სწორედ მაშინ დაუნახავს, როდესაც ის თავთავადამიძებულ ყანაში შესული გულდასმით სინჯავს, აკვირდება, სამკალი თუა ყანაო. უნიკალურ სურათად ქვეული ეს მომენტი ათეული წლების შემდეგ ღრმად გაფიქრებს ადამიანის ბედზე, იმ მოულოდნელ, ზოგჯერ უღმობელ სვედრზე, რომელიც მას დაატყდება ხოლმე თავს. აი, კიდევ ერთი ფოტოსურათი, ისევ შვილებს - ალექსანდრესა და ილიას შუაში ჩაუყენებიათ საყვარელი დედა... და ასე ყოველი სურათი სიცოცხლის უზომო სიყვარულს, მუდამ ერთად ყოფნის განუზომელ სურვილს ბადებს და გულს უღმობლად კაწრავს სინანული, რომ სულ მალე სამარადისოდ დაშორდნენ ერთმანეთს დედა და შვილები.

გადაშლით მომდევნო გვერდს და კვლავ ფოტოსურათები, მაგრამ ეს უკვე ოჯახური ალბომიდან აღარაა. ეს ძეგლადქცეული თუ გრანტიის მემორიალურ დაფაზე ამოკვეთილი ცხრა ძმისა და მათი მრავალტანჯული დედის ფოტოსურათებია, გადაღებული ქალაქის პარკში. უყურებ ფოტოსურათებზე ალბეჭდილ ამ ძეგლებისა და მემორიალური დაფის დამთავლიერებელთა სახეებზე ალბე-

ჭდილ ღრმა მოკრძალებას და შენც მწარე ნაღველი, ჭმუნვა გიპყრობს. ამ სურათების ხილვის შემდეგ პათეტურად, მაღალფარდოვნად სრულიადაც აღარ მოგვიჩვენებთ ალბომში მოტანილი ცნობილი რუსი მწერლის ივან სტადნიუკის ის სიტყვები, რომლებიც მას სტეპანოვების საოჯახო მუზეუმის შთაბეჭდილებათა წიგნში ჩაუწერია:

„დაე იყოს დაუცხრომელ ადამიანთა სამარადისო მადლიერება დედისადმი, რომელმაც ტანჯვა-წამებით შობა და მთელი სიყვარულით, ფერებით, ალერსით გაზარდა თავისი შვილები და შემდეგ, ძნელბედობის ჟამს, უყოყმანოდ გაგზავნა ისინი მამულის თავისუფლებისათვის სამკდრო-სასიცოცხლო ბრძოლაში“.

ალბომი ორიგინალურად, სადად და მომხიბვლელად არის გაფორმებული. ტექსტი დაწერილია შთაბეჭდივად, მას აუღელვებლად ვერ წაიკითხავთ.

ბიოგრაფიაში მოტანილი ზოგიერთი დეტალი, შტრიხი, სახიერად, ერთ მთლიანობაში წარმოაჩენს პიროვნებას, მის ბედსა და უბედობას. მაგალითად, ეპისტინა სტეპანოვას ტრაგიკულ ბედსა და მის გაუტყულობაზე ლაკონურადაა გადმოცემული შემდეგ სტრიქონებში:

ძლიერი, ვაჟკაციური, გმირული

გული ჰქონდა ეპისტინა თეოდორეს ასულ სტეპანოვას. საბჭოთა კავშირის მარშალი ა. ა. გრეჩკო და არმიის გენერალი ა. ა. ეპიშვილი 1966 წელს მას წერდნენ: „ცხრა ვაჟიშვილი შობეთ და გაზარდეთ თქვენ, ცხრა ყველაზე უძვირფასეს ადამიანს გზა დაულოცეთ მხედრული გმირობისათვის საბჭოთა სამშობლოს დასაცავად. თავიანთი გმირული საბრძოლო საქმეებით მათ მოახლოეს ჩვენი დიადი გამარჯვება საძულველ მტერზე, განადიდეს თავიანთი სახელი.“

... თქვენ, ჯარისკაცთა დედას, მებრძოლები გიწოდებენ თავიანთ დედას, თქვენ ისინი გიგზავნიან სიბოს თავიანთი გულებსას. თქვენს წინაშე, უბრალო რუსი ქალის წინაშე, მოწინებთ ხრიან თავს“.

მსგავსი ლაკონური ყოვლისმომცველი შტრიხებითა და დეტალებით ხასიათდება სტეპანოვების ოჯახის თერთმეტივე წევრის ბიოგრაფია, რაც მკითხველის თვალწინ საინტერესოდ წარმოაჩენს, აცოცხლებს ამ გმირული სულის ტრაგიკული ბედის ადამიანებს.

...როცა ამ ალბომს ვათვალიერებ, ჩემდაუნებურად მასხენდება ქართ-

ველი პოეტის სიტყვები: „ცხრა ძე პუავდა, ცხრა ვაჟკაცი დედას“, მასხენდება ამ ლეგენდარული დედის შვილებისადმი (ერთი მათგანი მედროშე იყო) შეგონება: საქართველოს დროშა არ დასცეთ ქართულ მიწაზეო; თუ შეწინავე მედროშე ხერხეულიძე მკვდარი დაეცეს, მომდევნო ძმამ აიტაცოს დროშა, თუ ამასაც ბედმა უმუხთლოს, მერე მესამემ... და ასე მანამ, სანამ უკანასკნელი ხერხეულიძე დაეცემოდესო. ამასობაში მტერიც ამოწყდება და ქართული დროშაც დაუხრულად იფრიალებს ქართული ცის ქვეშ!.. მართლაც და რაოდენ ლეგენდარულია ცხრა ძმა ხერხეულიძისა და ცხრა ძმა სტეპანოვების დედათა სვედრი.

ერთმან და მეორემაც ხომ უყოყმანოდ დაულოცა გზა ცხრა ვაჟკაცს მამულის მტრებთან, მომხვედურ მოძალადებთან საბრძოლველად, თუმცა ეს სხვადასხვა დროს, სხვადასხვა ეპოქაში მოხდა, მაგრამ ფაქტი ერთნაირია და აშკარად დალადებს რუსი და ქართველი დედების ღრმა პატრიოტულ სულისკვეთებაზე, მათ სულიერ სიმხნევესა და მამულისადმი უზომო სიყვარულზე.

დასასრული წერილისა „ხარხაშლიკეთა პრასნოდარალი ძმები“.

სოლომონ დოდაშვილი ერთ-ერთი პირველი ქართველი იყო, ვინც თბილისის სასულიერო სემინარიის დამთავრების შემდეგ, 1824 წლის ივლისში, რუსეთში გაემგზავრა და პეტერბურგის უნივერსიტეტის ფილოსოფიურ-იურიდიული ფაკულტეტის სრული კურსი დაამთავრა.

ს. დოდაშვილმა განსაკუთრებით ღრმად შეისწავლა ფილოსოფია, ლათინური და ბერძნული ენები; თავისუფლად კითხულობდა გერმანულ და ფრანგულ ენებზე. დოდაშვილის უნარსა და ნიჭს ყველანი განეციფრებაში მოჰყავდა.

პეტერბურგში ყოფნის დროს (1824-1827 წ. წ.) ს. დოდაშვილი მჭიდროდ დაუკავშირდა პროგრესულად მოაზროვნე ადამიანებს, მწერლებსა და ჟურნალისტებს, რაზნოჩინელ ინტელიგენტებს; გაეცნო მათ საქმიანობას, უზიარა ახალ იდეებს, რომლებმაც მასზე დადებითი გავლენა იქონიეს. ი. სელაშვილს იგი წერდა:

„აქამომდე მაქვს ჩინებულთა პოეტთა და მწერალთა საუბრობა, რომელნიცა იქნებოდნენ პეტერბურგისა მონათესიანთა საქმეებითა და ყოველსა ქვეყანასა ზედა ისმინ პატიოსნებანი მათნი“.

რუსეთის იდეურ-პოლიტიკური ცხოვრების განვითარებაში უდიდესი მნიშვნელობის მოვლენა იყო დეკაბრისტების აჯანყება, რომლის მოწმეც დოდაშვილი გახდა; ამ ფაქტმა წარუმღელი შთაბეჭდილება მოახდინა სოლომონ დოდაშვილზე, მკვეთრად განსაზღვრა მისი იდეურ-პოლიტიკური მრწამსი.

პეტერბურგში, რუსულ ფილოსოფიურ წრეებში, ს. დოდაშვილი ცოდნის სოლიდური მარაგით მივიდა. იგი ნასაზღვრები იყო მრავალსაუკუნოვანი ქართული და ანტიკური ფილოსოფიური მემკვიდრეობით, რომელიც მკაფიოდ აიხსნა იოანე ბატონიშვილის „კალმასობაში“. მაგრამ ასეთ ნოყიერ ნიადაგზე ძველ და ახალ შეხედულებათა კომპლექსში სოლომონმა შექმნა სრულიად ახალი, ორიგინალური ფილოსოფიური კონცეფცია, რომელიც, როგორც ავადმიქოსი შალვა ნუცუბიძე წერს, ზურგს აქცევს მისტიკურ-ფატალისტურ მსოფლმხედველობას, აგრეთვე აგნოსტიციზმს და მატერიალისტური გზით მიდის.

განსაკუთრებით ინტენსიური გახდა ს. დოდაშვილის სამეცნიერო მოღვაწეობა საქართველოში დაბრუნების შემდეგ. თბილისის გიმნაზიაში მასწავლებლობასთან ერთად იგი ნაყოფიერი ჟურნალისტურ საქმიანობასაც შეუდგა. ჯერ გაზეთ „თბილისის უწყებანის“ სარედაქციო კომიტეტის შემადგენლობაში მიიწვიეს, სოლომონმა კი ამ გაზეთის რედაქტორად დაინიშნა. სოლომონი ძლიერ დაიტვირთა. „არა მაქვს არცა ერთი წამი თავისუფლებითი, არცა ღამე და არცა დღე მოსვენება არა მაქვს“, წერდა იგი.

მიუხედავად ასეთი პირობებისა, ს. დოდაშვილმა შეძლო ფრიად ნაყოფიერი სამეცნიერო-კვლევითი მუშაობის გაგრძელება. თავისი ცხოვრების ხანმოკლე პერიოდში (იგი 31 წლის ასაკში გარდაიცვალა) ბევრი რამ მოასწრო. ერთ-ერთი მთავარი ნაშრომი „ლოგიკა“, რომელიც თავისი ფილოსოფიური მსოფლმხედველობა ჩამოაყალიბა, ჯერ კიდევ პეტერბურგში გამოვიდა რუსულ ენაზე და ამით დიდად გაითქვა სახელი სამეცნიერო წრეებში. თბილისში კი დოდაშვილმა დაწერა საშეცნიერო სტატიები და ცალკეული ნაშრომები: „შემოკლებული ქართული გრამატიკა“, „რიტორიკა“, „ლოგიკური მეთოდოლოგია“. 1832 წლის იანვრიდან მან დაიწყო „თბილისის უწყებანის“ ლიტერატურული დამატების გამოცემა, რომელსაც „სალიტერატურო ნაწილნი ტფილისის უწყებანი“ ერქვა. ამ დამატების ყოველ ნომერში უმთავრესად ს. დოდაშვილის სამეცნიერო სტატიები და მხატვრული

ლიმბიტრი კალანდიაძე,

ფილოსოფიურ მეცნიერებათა დოქტორი, მეცნიერების დამსახურებული მოღვაწე, თბილისის სახელმწიფო უნივერსიტეტის პროფესორი.

ნაწარმოებები, აგრეთვე მის მიერ უცხოურიდან თარგმნილი მოთხრობები იბეჭდებოდა.

ს. დოდაშვილს მოღვაწეობა მოუხდა ისეთ ეპოქაში, როცა თვითმპყრობელობის რუსეთის იმპერიის მმართველობის სოციალურ-პოლიტიკური საფუძვლები რყევას განიცდიდა და ქვეყნის შიგნით თანდათან იზრდებოდა წინააღმდეგობები. იგი თანაუგრძობდა და მსურველად უჭერდა მხარს მოწინავე დემოკრატიულ, ჰუმანისტურ იდეებს. მისთვის აუტანელი იყო საქართველოში ოფიციალური სელისუფლების ადგილობრივი მოხელეების მმართველობის რეჟიმი: მცხოვრებთა აბუნად აგდება, სოციალური უსამართლობანი, აგრეთვე ეროვნული ჩაგვრა-შევიწროება. ასეთ მოვლენებს, ცხადია, არ შეეძლო სათანადო გავლენა არ მოეხდინა სათნო ადამიანზე, ჰუმანისტზე, რომელიც ყველას მოკრძალებითა და პატივისცემით ეპყრობოდა.

ს. დოდაშვილის შემოქმედებითი მოღვაწეობის პროგრამა თავიდანვე, ჰაბუკობიდანვე, მკაცრად იყო მოფიქრებული: პეტერბურგში უმაღლესი განათლების მიღება, შემდეგ სამშობლოში დაბრუნება და ერის სამსახური – მამულისათვის თავდადებული მუშაობა. საგულისხმოა ის გარემოება, რომ ამ კეთილშობილური მიზნის განხორციელების იდეურ საშუალებად და იარაღად ს. დოდაშვილმა ჯერ კიდევ იმ დროიდან, როცა იგი უმაღლეს სასწავლებელში იყო, ფილოსოფია აირჩია. „ფილოსოფოსობა, – წერს დოდაშვილი, – ნიშნავს ყურადღება მივაპყროთ თავის თავს, რათა გამოვიცნოთ და გავიგოთ თვით ჩვენი თავი და ამ გზით დავადგინოთ სამყარო ჩვენში და ჩვენთან“.

აქედან ნათლად ჩანს, რომ ადამიანის არსების, მისი ფორმირებისა და საზრისის ახსნის გამოსავალ პუნქტს ს. დოდაშვილი ფილოსოფიურ ასპექტში ხედავს და ამ კუთხიდან იწყებს თავისი შემოქმედებითი მოღვაწეობის გაშლას. „ვიკრებ სიბრძნეს მამულისათვის“, წერს იგი, „მეც შემეძლო საქართველოსა შინა ცხოვრება, გარნა სიყვარულმან განმადღობა... მართალია აქ, უნივერსიტეტში, მე წმინდა თეორიულ ცოდნას ვიღებ, მაგრამ ყოველივე ამას სორცს შევასხამ ჩემს სამშობლოში“. როგორც ვხედავთ, დოდაშვილს ღრმად ჰქონდა შეგნებული თეორიისა და პრაქტიკის ერთიანობის საჭიროება.

ს. დოდაშვილი ჰაბუკობიდანვე თავისი ხალხის მოჭირნახულე იყო, ქართველი ერის სახელისა და ღირსების შორს გატანაზე ოცნებობდა. მამასადაძემ, იმთავითვე პატრიოტიზმისა და ჰუმანიზმის იდეები შეადგენდა მისი დაუცხრობელი შემოქმედებითი მოღვაწეობის ლეიტმოტივს. დაუღალავი ზრუნვა სწავლა-განათლების საქმეზე, მიზლიოთეკებისა და სკოლების გახსნა, სტამბის დაარსება, ჟურნალ-გაზეთებისა და წიგნების ბეჭდვა-გავრცელება, ხალხის მატერიალური კეთილდღეობისა და კულტურის ამაღლება – აი, რა იყო სოლომონ დოდაშვილის ოცნებისა და პრაქტიკული მოქმედების საგანი, მისი საგანმანათლებლო მუშაობის ძი-

რითადი მიმართულება, რისთვისაც — იგი [იხილეთ] — და და იფერფლებოდა: „სურვილი — სასარგებლო ვიყო ჩემს თანამემამულეთათვის, — წერდა იგი, — შეუდა წმინდა მოვალეობა იქნება ჩემთვის, ისევე როგორც იგი ამ, ჩემი ძალღონის შესაბამისი შრომის სტიმული იყო“. მაგრამ ს. დოდაშვილის მოღვაწეობაში გამოკრთის უფრო შორსმჭვრეტელობის პოლიტიკოსის მისწრაფებანი. იგი ოცნებობდა დამოუკიდებელ საქართველოზე, რასაც მოწმობს 1832 წლის შეთქმულების მასალები.

ს. დოდაშვილის ფილოსოფიური მოძღვრების ცენტრში დგას არა სული, იდეა, ღმერთი, როგორც ეს თავისი დროის მოაზროვნეთა შეხედულებებისათვის იყო დამახასიათებელი, არამედ ადამიანი და მისი შესწავლა, ადამიანის აღზრდა და განათლება.

აღნიშნულიდან სავსებით გასაგები ხდება ს. დოდაშვილის მოღვაწეობის თანამიმდევრული და მიზანსწრაფული ხასიათი. და, თუ გარკვეული მოდელის, ან სქემის სახით გამოვსატავთ მის მოძღვრებას, იგი ასეთი სახით წარმოვიდგებთ:

პირველი და მთავარი ელემენტი ეს არის — ადამიანი, როგორც თავის მთლიანობაში მოცემული სამყაროს გამოსავალი წერტილი და მიზანი.

მეორე — ფილოსოფია, როგორც მსოფლმხედველობრივი სისტემა, რომელიც სწავლობს ადამიანს, გამოარკვევს ადამიანის ადგილს სამყაროში, განსაზღვრავს მის პარამეტრებს, ფუნქციასა და დანიშნულებას, დოდაშვილის აზრით, ამ საქმეს გმსახურება ფილოსოფიის ყველა ნაწილი. მაგრამ იგი, ფილოსოფია, იკვლევს არა მხოლოდ გონების კანონებს, არამედ ამასთან ერთად გრძნობისა და პრაქტიკული მოქმედების კანონებს იმ აზრით, რომ „ფილოსოფოსობაში“ შერწყმულია მოცემული თეორია, პრაქტიკა და ესთეტიკა. „ფილოსოფოსობა, — წერს ს. დოდაშვილი ი. სელაშვილს, — ჩვენი ყოვლისა საგნისათვის მდგომარეობს თეორიასა შინა, პრაქტიკასა და ესთეტიკას: პირველი არს ცნობა, მეორე ქმნის და შესაძენ სელოვნება; კვლავ იგივე პირველი ესე იგი თეორია არს სწავლა გონებისა, მეორე გულისა და შესაძენ გრძნობისა“. თეორიის ნაწილები, დოდაშვილის აზრით, არის ლოგიკა, ფსიქოლოგია და მეტაფიზიკა. პრაქტიკის ნაწილებია: ზნეობა და მისი სწავლება (ეთიკა), სამართალმცოდნეობისა და სარწმუნოების სწავლება, სოლო ესთეტიკაში შედის გემოვნება, მჭვრეტეობა და პოეზია.

შესაძენ მომენტია გონების დაკმაყოფილება: აქ შედის ადამიანის განათლება, სულიერი სამსახური, პიროვნების თავისუფლება. ამასთან არის დაკავშირებული სამშობლოს, ხალხის სიყვარული და სხვა იდეალები.

ს. დოდაშვილის თეორიული და პრაქტიკული საქმიანობა ამ სამი მთავარი მომენტისაგან შედგება. ეს ელემენტები განუყრელ კავშირსა და ერთიანობაშია მოცემული და მის მიერ „სრული ფილოსოფიის“ რანგშია აყვანილი.

ამრიგად, როგორც მთლიანად აღებული ს. დოდაშვილის შემოქმედება, ასევე მისი ყოველი ცალკეული ნაწილი, ადამიანის პრობლემის გაშუქებას ემდგნება. ამ ასპექტით უნდა მიუვადებო „ლოგიკას“, „გრამატიკას“, „რიტორიკას“ და მის სხვა ნაწარმოებსა და პირად წერილებს. ამ შრომებმა თავის დროზე დიდი როლი შესრულეს ადამიანთა თეორიულ-ფილოსოფიური გათვითცნობიერების საქმეში. განსაკუთრებით მაღალი შეფასება მიიღო მკითხველთა წრეებში „ლოგიკამ“, რომელზედც რუსულ ცენტრალურ პრესაში დადებითი რეცენზიები გამოქვეყნდა.

მაგრამ ლოგიკას, ს. დოდაშვილის აზრით, აქვს არა მხოლოდ უდიდესი შემეცნებითი და მეცნიერული ღირებულება, არამედ ამასთან ერთად მას პრაქტიკული, გამოყენებითი ხასიათიც ეძლევა. ლოგიკის გამოყენებითი მნიშვნელობა ისაა, რომ

იგი ერთ-ერთი ფაქტორია ადამიანის გონებრივი განათლების, პიროვნების სრულყოფისა. შემდეგნაირად სრულყოფილება ადამიანის მდგომარეობის ცოდნის სიღრმეში, საფუძვლიანობაში, სიზუსტეში, ჭეშმარიტების მიღწევაში. ამასთან ერთად ლოგიკამ უნდა გვიჩვენოს: შეცდომათა წყაროები და საშუალებანი, რომლებითაც შეიძლება შეცდომების თავიდან აცილება.

მაგრამ ლოგიკური აზროვნება და მისი წესების ჩამოყალიბება ს. დოდაშვილს ადამიანის განათლების საკმარის პირობად როდი მიიჩნია. მას კარგად ესმოდა სწავლა-აღზრდის საქმეში ყველა კომპონენტის ერთობლივი გამოყენების აუცილებლობა, ამიტომაც საჭიროდ ჩათვალა „ლოგიკის“ შემდეგ დაეწერა „ქართული გრამატიკა“, რომელიც ადამიანებს შეასწავლიდა „კანონიერ უბნობასა და წერასა ქართულად“. მართლაც ეს წიგნი 1827 წელს გამოვიდა და უდიდესი როლი შეასრულა ქართველი ხალხის სულიერი კულტურის შემდგომი განვითარების საქმეში. ამის შემდეგ ს. დოდაშვილისათვის უკვე ერთ-ერთი პირველხარისხოვანი და გადაუდებელი საქმე შეიქმნა „რიტორიკის“ გამოქვეყნება, რადგან ეს ნაშრომიც ავტორის ფართო პუბლიცისტური განმანათლებლური მუშაობის პროგრამაში შედიოდა. რიტორიკის საგანია სიტყვის წარმოთქმის ოსტატობა, დოდაშვილის სიტყვებით რომ ვთქვათ, იგი გვასწავლის „მშვენიერ სიტყვაობასა საერთოდ“. არსებითად ეს არის აზრისა და გრძობების შეერთებით მჭევრმეტყველება, მსმენელზე ეფექტიანი ზემოქმედება, რომელსაც დოდაშვილის აზრით, ადამიანის აღზრდის სისტემაში აქვს სამი ძირითადი დანიშნულება: 1. ჭეშმარიტებისადმი საგულდაგულო სწრაფვა; 2. კეთილი ნება; 3. ესთეტიკურ გრძობათა სიღამაზე ანუ მშვენიერება. დოდაშვილს ღრმად სწამდა, რომ კაცის „განათლებული გონება და განვითარებული გული, ესე ოდენ უკეთეილესად მისწვდების თვისსა საგანსა“. ამასთან არის აგრეთვე დაკავშირებული ის გარემოება, რომ ადამიანის ჩამოყალიბებაში მხატვრული ლიტერატურის ზემოქმედებას ს. დოდაშვილი დიდ როლსა და მნიშვნელობას აკუთვნებდა. ს. დოდაშვილის მკვლევარებმაც ადასტურებენ, რომ „მშვენიერის“ ფენომენი მასთან გააზრებულია, როგორც ესთეტიკური კატეგორია და, მაშასადამე, მასში იგულისხმება არა მხოლოდ მშვენიერსიტყვაობა რიტორიკის ასპექტით, არამედ სელაგუნების, როგორც სინამდვილის მხატვრულ სახეებში ასახვის შინაარსი, მისი სპეციფიკა და უშუალო ზემოქმედება ადამიანის სულიერ სამყაროზე.

ს. დოდაშვილის ყველა ნაწარმოები გამსჭვალულია მაღალი მორალური პრინციპების ქადაგებით, მაგრამ ზნეობრივი პრინციპებისა და სათნოების განმსახივრებელ ეტალონად იგი თვლიდა თავის სულიერ მამასა და მასწავლებელს — იონა სელაშვილს, რომლის კეთილშობილური თვისებები მან ამომწურავად ჩამოაყალიბა მისდამი ლექსად მიწერილ ოცსტრიქონიან მაჯამაში — „იონას უძღვნი სოლომონ აწ“. ამ ლექსში სელაშვილი დახასიათებულია, როგორც ბრძენი და ნათელ-ბრწყინვალე მოძღვარი, სიკეთის მომფენელი წყარო, „ნაყოფამომღები“ მეცნიერი, „სათნოებით სავსე არსება“, „ძალბუნოვანი“ და „გულით ზნეობიანი“, „ნუგუშისმცემელი“, „მამულთა კეთილისმსურველი“ და „მლოცველი“. ი. სელაშვილი ს. დოდაშვილის მართლაც მოამავე და დამხმარე იყო. მას დიდი როლი მიუძღვის სოლომონის, როგორც პიროვნებისა და მოღვაწის, აღზრდისა და ჩამოყალიბების საქმეში. თავის „გრამატიკაში“ ს. დოდაშვილი აშუქებს ქართული ენის კანონებს. ამ ნაშრომმა განუზომლად შეუწყო ხელი მშობლიური ენის თვითმო-

ფობის შენარჩუნებისა და განვითარების საქმეს, მაგრამ აქ ყურადღებას იპყრობს სხვა მხარეც. მასში გრამატიკული წესების დაცვის ილუსტრაციისათვის მოყვანილ წინადადებებში ჩვენ ვპოულობთ დიდაქტიკურ მითითებებს, პედაგოგიკური და ეთიკური ღირებულების შემცველ პრინციპებს, რომლებიც აფორიზმების სახითაა გამოთქმული.

პირველ რიგში, აქედან საყურადღებოა ისეთი დებულებები, რომლებიც ადამიანის შრომითი აღზრდის საკითხებს შეეხება: „მცონარება და უქმობა, — წერს დოდაშვილი, — ესრეთ მოაუძღვრებენ სულიერთა და სხუელევანთა ძალთა კაცისათა, რომელ იგი იქნების არა შემძლებელ წარმებად თვით მცირეთა საქმეთა“. მაშასადამე, აქ იგი გვეუბნება, რომ კაცი, რომელიც ზარმაცობს და უქმად ატარებს დროს, იმდენად დაუძღვრდება, რომ მცირე საქმის გაკეთებასაც კი ვერ შეძლებს.

შემდეგ: „გულისმოდიგინე მარად დღე მოიპოვებს ახალთა ცნობათა, ხოლო მცონარი ადვილად წარწყმედს მოპოვებულთა ცნობათა“. მას მიიჩნია, რომ სწავლა შრომასთან არის განუყოფლად კავშირში და აქედანვე ღებულობს იგი სიამოვნების სათავეს. „დასაბამი სწავლისა შეერთებულ არს შრომასთანა და მოწყინებისა, მაგრამ დასასრული მისი მიიღებს თვისთანა სიამოვნესა და კმაყოფილებასა“. კაცი ახალგაზრდობის დროს უნდა შრომობდეს, თუ მას ტკბილი მოსუცებულობა სურს: „ჯერ არს ანუ შრომად სიჭაბუკესა შინა, რათა გვაქვინდეს განსვენებული მოსუცებულობა“.

აქვე ვხვდებით ბრძნულ აზრებს სწავლა-აღზრდის, განათლებისა და ქვეყნის ზოგიერთი საკითხის შესახებ. „ვითარცა მზე ვაზაფხულის განაცხოველებს ქვეყანასა, მიანკვებს სითბოსა და ნაყოფიერებასა, აგრეთვე ბრძენი მოძღვარი განანათლებს გონებასა და განავითარებს გულსა თვისთა აღსაზრდელთასა“, — წერს ს. დოდაშვილი. „აღკაობილნი სწავლანი და მათ მიერ მოპოვებულნი ცნობანი არა დააბნელებენ გულისხმისყოფასა, არამედ უგრძობლულად განანათლებენ მას“. „სათნოება, სიბრძნე და სიმართლე არიან საჭირონი ბედნიერებისათვის ცხოვრებისა“. „ფრთხილი და კეთილგული-სხმიერი ქვეულობა არათუოდენ გამოაჩინებს საიმედოსა გზასა საიმედოსათვის ბედნიერებისა, არამედ განამტკიცებს შინაგანსა კეთილმდგომარეობასა ჩვენსა“. „ბოროტი ჩვეულებანი მსგავსად რომელისავე ტკბილისა გესლისა, პირველად აწარმოებენ გულსა შინა სიამოვნესა, შემდგომად მცირე სწულს პყოფენ, ხოლო დასასრულ გამოაჩინებენ ამას ზედა სრულიადსა სიფიცხლესა თვისისა მოქმედებისასა“. წონასწორობიდან გამოსული, არა-გონივრული მოთხოვნებიანი შეპყრობილი ადამიანების წინააღმდეგ ს. დოდაშვილი წერს: „რაეამს კაცი იოცნებს ნამეტნავსა სრულებისათვის თვისისა გულისხმის ყოფისა, მაშინ უმეტეს განაშვილებს ნაკლოვანებათა შეერთებულთა კაცობრისა ბუნებისათანა“.

ყველა ეს დებულება, შენიშვნები და მითითებანი ადამიანის აღზრდისა და განათლების საკითხებს ეძღვნება. ეს ბრძნული აფორიზმები დღესაც აქტუალურად ეღერს, ისინი მიმართულია მუქთახრობის, გაუმაძღრობის, ლოთობის, ყოველი სახის ანტიმორალური მოვლენების წინააღმდეგ და მაღლა სწევს ადამიანის ღირსებას.

ამრიგად, ს. დოდაშვილმა ფასდაუდებელი წვლილი შეიტანა ქართული მეცნიერების, კულტურისა და ცივილიზაციის განვითარების საქმეში. ამიტომაც არის, რომ მაღლიერი ქართველი ხალხი ამ დღეებში ფართოდ აღნიშნავენ სახელოვანი მამულიშვილის დაბადების 180 წლისთავს.

ამ სათაურით ჩვენი ჟურნალის 1984 წლის თებერვლის ნომერში გამოქვეყნებული იყო ზეზვა ბექაურის წერილი, რომელშიც ნათქვამია:

„ამ ბოლო ხანებში საკმაოდ ხშირად გამოდის მწერლისა თუ მწერალთა ჯგუფის (ჯგუფში ორი-სამი კაცი იგულისხმება) მიერ შედგენილი თემატური კრებულები თუ „ანთოლოგიები“. ეს კრებულები და „ანთოლოგიები“ ზოგჯერ არაობიექტურად არის შედგენილი: ზოგიერთი მწერლის შემოქმედება გავზიადებულადაა წარმოდგენილი. ზოგიერთისა — პირიქით.

მაგრამ ეს არ გახლავთ მთავარი. მთავარი მაინც ის არის, რომ გამომცემლობათა მუშაკები არც კი ეკითხებიან ავტორს, სურს თუ არა მას შემდგენელთა გემოვნებით შერჩეული ნაწარმოებების მორიგი გამოცემა. ვფიქრობთ: ამ შემთხვევაში აუცილებელია ავტორის თანხმობა — წერილობითი ან სიტყვიერი.

კარგი იქნება, ამ საკითხზე თავის მოსაზრებებს რომ გავაცნობდნენ საქართველოს სსრ საავტორო უფლებათა რესპუბლიკური სააგენტოს მუშაკები.“

რედაქციის თხოვნით, ჩვენს მკითხველს უპასუხებს საქართველოს სსრ საავტორო უფლებების რესპუბლიკური სააგენტოს უფროსი ნუზუარ წარმომადგენელი:

„საბჭოთა საავტორო კანონმდებლობა მკაცრად იცავს ავტორის უფლებებს. ეს საბატიონ საქმიანობა განსაკუთრებით გაძლიერდა მას შემდეგ, რაც შეიქმნა საბჭოთა კავშირის საავტორო უფლებების სააგენტო — ვაპ-ი. მისი ერთ-ერთი ძირითადი ფუნქციაა ავტორის უფლებათა განუზრუნველყოფა და მორალური სტიმულირების გაძლიერება.

აქედან გამომდინარე, ყოველ ავტორს, ვის უფლებასაც სახელმწიფო იცავს, აუცილებლად უნდა სთხოვონ თანხმობა მისი ნაწარმოების ნებისმიერი გამოცენების დროს. როცა ერთი ან თუნდაც ორი და სამი კაცი თავისი შეხედულებისამებრ წყვეტს ცოცხალი ავტორების ნაწარმოებების წიგნში ან ანთოლოგიაში შეტანის საკითხს, ეს ყოველად დაუშვებელია. ავტორს ასეთ დროს შეუძლია უარი სთქვას საკუთარი ნაწარმოების დაბეჭდვაზე ან მოითხოვოს წიგნის შეჩერება.“

შემდგენლებმა ასევე უნდა მიიღონ თანხმობა წიგნისა თუ ანთოლოგიის შედგენის დროს მემკვიდრეებისაგან. როგორც ცნობილია, სამემკვიდრო ვადა ამჟამად მწველიწადს მოიცავს და იწყება ავტორის გარდაცვალების მომდევნო წლიდან.

მაგრამ მაშინაც კი, როცა სამემკვიდრო ვადა გასულია და სახელმწიფო აღარ იცავს ავტორის ნაწარმოებებს, მემკვიდრეებს მაინც რჩებათ სახელის უფლება და ამ შემთხვევაშიც უნდა მოხდეს გარკვეული ორმხრივი შეთანხმება.

წიგნებისა თუ ანთოლოგიების თვითნებური შედგენის პრაქტიკა მკაცრად უნდა დაიგოს და აიკრძალოს, რათა, შემდგომი ორგანოების მითითებათა თანახმად, ავტორების არავითარი უკმაყოფილება არ გამოვიწვიოთ“.

გივი სახემოღვრემილი მის-
ვენებულოყო სავარძელზე და
გატრუნული წინ გაწოლილ
შავად მოლაპლაპე გზას ვას-
ცქეროდა, „ვოლგა“ დიდი სი-
სწრაფით მიჰქროდა და შემო-
გებებული მინდვრები და მთე-
ბი, ხეხილის ბალები, ვენახის
ზვრები და ყანები ერთმანეთ-
ში ირეოდნენ, უკან რჩებოდ-
ნენ.

— გავიარათ, ბატონო გი-
ვი? — იკითხა შოფერმა და
წუთით უკან მოიხედა.

— ცოტა დამიამდა, — მი-
იღო წელზე ხელი გვიმ და
გზის პირას შემოგებებულ შე-
ნობას თვალი გაადევნა.

— იმ დღეს, წვიმაში რომ
მოვეყვით, ალბათ მაშინ გა-
ცივდით...

— როდის?! — შეავლო
თვალი შოფერს.

— ვენახების დათვლიერე-
ბაზე რომ ვიყავით გურჯაანში!

— რა ვიცი, რა ვიცი. —
დაეღმიჭა სახე გივის და სავა-
რძელში გასწორდა, ამოიკენე-
სა: — მე კი მომკლა და...

— არ უნდა წამოვსულიყა-
ვიო! — დაასვენა შოფერმა.
გივის გაელიმა.

— საით წავიდეთ? — იკი-
თხა ახლა შოფერმა და სვლა
შეანელა.

— შინისაკენ! — დაიხედა
საათზე გვიმ, — სამმართვე-
ლოში მისვლის თავი არა
მაქვს, უნდა წამოვწვე.

— გვიანაცაა! — მორიგა
საჭე შოფერმა და მანქანა ის-
ევ მიუშვა.

დილით გვიმ ჩვეულები-
სამებრ დააპირა წამოდგომა,
მაგრამ მიყუჩებული ტკივილი
ისევ აეშალა, წელი სწვდა,
გაუკავა და სული შეუკრა.

— წასვლას ხომ არ აპი-
რებ? — შეიცხადა ცოლმა, —
ერთი დღე მოითმინე, ხვალ
შაბათია... ამ სამ დღეში გამო-
შუშდები...

— სად უნდა წავიდე! —
იყვირა გვიმ, — ვერ ვღებები.
— სასთუმალს მიხედა, ოხვ-
რა და კვნესა აღმოხდა.

ოთახში ვაჟიშვილმა შემო-
იხედა. „ისევ სტკივა?!“ — იკი-
თხა გაცივებულმა და კვლავ
კარი გაიხურა.

ანაზღად ტელეფონმა დაი-
წკრილა, პირველი მოადგილე,
ბატონი მიშა იყო, რაშია საქ-
მე, როგორ ხარო. სამინისტ-
როში რომ ვიყავით წასასვლე-
ლი, რა ვქნათო. გუშინდელი
დათვლიერების ოქმიც ჩასა-
ბარებელიაო. გივი ნერვიულ-
ად პასუხობდა, გაძელით უჩე-
მოთო! მერე შოფერი გავიდა
და დილის ფოსტა მოიტანა.
უხმოდ გადაათვლიერა წერი-

ლები, ერთი მათგანით დაინ-
ტერესდა. სასწრაფოდ წაახია
თავი, გუჟანს არ უღალატნია,
როსტოვის ქარხნიდან სასიხა-
რულო ამბავს იტყობინებოდ-
ნენ. ტელეფონისაკენ ვადმობ-
რუნება დააპირა, მაგრამ ტკი-
ვილი ისევ ეცა წელში, განხ-
რახვა გადააფიქრებია, შუბლ-
ზე გამოეჩინა ოფლი მოიწ-
მინდა და შოფერს მიაპყრო
თვალი:

— მოდი, მიშას დაურეკე...

— წინადღება დამთავრებუ-
ლიც არ ჰქონდა, ტელეფონი
აწკრილა, მთავარი ინჟინე-
რი იყო. — როსტოვიდან წე-
რილი მოვიდა! — ჩასძახა გი-
ვიმ ყურმილში, — ჩვენს შე-
კვეთაზე თანახმა არიან!

მთავარი ინჟინერი ჯერ და-
იბნა, მერე მიხვდა რა შეკვე-
თაზედაც იყო საუბარი და ყურ-
მილში აღფრთოვანებული ხმა
გაისმა: მაშ სასწრაფოდ კაცი
უნდა გავაგზავნო.

— აუცილებლად, შენ თვი-
თონ წადი! — ხელი კედელს
მიარტყა გვიმ, — ღღესვე გა-
აფორმე მივლინება! — ერთ-
ხანს საქმიანად საუბრობდნენ,
მთავარ ინჟინერს ისიც გადა-
ვიწყდა, ეკითხა, როგორ ხარო.

საუბარს რომ მორჩნენ, გივი
შოფერს მიუბრუნდა:

— შენ წადი, სამმართვე-
ლოში იყავი, თუ დამჭირდები,
დაგირეკე!

ოთახში ცოლი შემოვიდა და
ხონჩით საუბრე შემოიტანა.

— უპ, რა ძნელი ყოფილა
ლოგინში წოლა! — აღმოხდა
გივის და ცოლს მიაპყრო თვა-
ლი: — სამსახურში არ მიდი-
ხარ?

— როგორ წავალ, — დად-
გა ხონჩა სკამზე. — უკვე და-
ვრეკე.

— რა მოსვენებას ლოგინ-
ში?! — ამოიხრა ისევ გვიმ
და წელის წამოწევა სცადა.

უეცრად, შემოსასვლელ ჰო-
ლიდან ელექტრონარის ხმა
გაისმა. მომაკითხეს! — გაუ-
ელვა გივის და ბალიშზე მი-
დო თავი, სახემოღვრულული
გაიღურსა. ცოლმა კარს მია-

შურა, მალე დერეფნიდან ნაც-
ნობი ხმა გაისმა: სად არის, რა
მოუვიდაო, — კითხულობდა
ბავშვობის მეგობარი ნოდარი,

— სამსახურში მივაკითხე, მი-
თხრეს, წევსო, გავოცდი, გივი
და ლოგინში?! გივის გაელიმა,
ლოგინში უფრო მოხერხებუ-
ლად გაიშორა და მეგობრის
მოლოდინში კარს მოუთმენ-
ლად შეაჩერდა.

— სიმულიანტს გაუმარ-
ჯოს! — შესძახა შემოსვლისას
ნოდარმა და ხელი შემართა,
რაცაქ ქალღილი შეაფრიალა.

შეცხუნებულმა გვიმ აქეთ-
იქით მიმოიხედა, ისე, თითქოს
შეეშინდა, ხომ არავენ გი-
გონა ეს უადგილო ხუმრობა.
წელზე წაივლო ხელები.

— რა დროს რადიკულიტია,
— მიუახლოვდა მეგობარი. და
ახლა ქალღილი ცხვირწინ წა-
მოუფრიალა, მერე სკამზე ჩა-
მოჯდა და გივის მეუღლეს შე-
სცინა:

— თუ გამოიცნობთ, რისი
ბილეთები მოგიტანეთ?

— ბილეთები? — აღმოხდა
გივის, თვალი ჰკერს მიაპყრო,
გაელიმა, — ახლა სწორედ მა-
გის დარდი მაქვს!

— რა ბილეთები? — და-
ინტერესდა ცოლი და ბილეთ-
ებს მისწვდა.

— მსოფლიო შემსრულებე-
ლი ვიოლინოზე, რაკოვსკი! —
თქვა ნოდარმა და ხელები ისე
შეათამაშა თითქოს ვიოლინო-
ზე უკრავსო.

გივი ერთხანს გაცივებუ-
ლი შესცქეროდა მეგობარს.

— ჩამოვიდა?! — იკითხა
მერე.

— ჩამოვიდა და ხვალ მარ-
თავს პირველ კონცერტს! —
ნოდარი ფეხზე წამოდგა, ბი-
ლეთები გივის ცოლს გაუწო-
და: — ხომ გაბრუნდებით,
ქლივის ვიშოვებ, თანაც ოთხი!

— რად გინდოდა, მე ვერ
წამოვალ და...

— რას ამბობ?! — შეცხუნ-
და ნოდარი, ჯერ გივის მიაპყ-
რო თვალი, მერე ცოლს: —
მეორედ ვინ იცის, როდის
ჩამოვა.

— წელი სტკივა, ვერ ინძ-
რევა! — თქვა ცოლმა, ანაზ-
ღად ტელეფონმა დაიწკრილა
და ყურმილი აიღო, ვინ გნე-
ბავთო, და გივის მიაწოდა.

— შენი მდივანია.

გივიმ ყურმილი ჩამოართვა
და ერთხანს უსმენდა, სამინის-
ტროდან დარეკეს, შტაბის თა-
თბირიაო და მმართველი
აუცილებლად უნდა მოვიდესო,
გივი უცხათ აენტო:

— არ გამიგონია ყოველდღე
თათბირი! — მერე ხმას დაუ-
წია: — მიშა წავიდეს. — მაგ-
რამ მდივანმა რომ უთხრა, მი-
შა რაიკომში გამოიძახესო, გი-
ვიმ ისევ იყვირა: — აბა, რა
ვქნა, ერთ დღეს უჩემოდ ითა-
თბირონ!

— ასეა, ძმაო, — დაიწყო ნო-
დარმა, გვიმ ყურმილი რომ
დადო, — შენ თათბირები,
ზვრების, ყანების, ტექნიკის
და სარწყავი სისტემების და-
თვლიერება არ გელევა: ერთ
დღეს დასავლეთში ხარ, მეო-
რე დღეს აღმოსავლეთში, სამ-
ხრეთში, ჩრდილოეთში... ეს
დრო კი გარბის, ვებრდებით...

გივიმ ხელი ჩაიჭინა, მეგო-
ბარი კი წყნარად განაგრძობ-
და:

— ამიტომაც არ გავხდი წა-
რმობის ხელმძღვანელი, ყო-
ველგვარი უფროსობა...

— რა შუაშია უფროსობა?
— შეაწყვეტინა გვიმ, — ვი-
ლცამ ხომ უნდა მიხედავს სა-
ქმეს. გუშინ სამთო ტრაქტო-
რის გამოცდას დავესწარი, უკ-
ეთესს ვერ ინატრებს მეურნე
კაცი...

— იცი რა გითხრა, — გაშა-
ლა მსახიობივით ხელები მე-
გობარმა, — ქართველებს ლა-
ბა და ნიკორა ხარები ჰყავდათ
და შექმნეს „გუთნის დედა“,
„ურმული“... მსოფლიო სიმ-
ღერების საგანძურშია შეტა-
ნილი, რას შექმნი ამ შენს
ტრაქტორზე?

— რას ამბობ! — შესძახა
გივიმ, — შენი რომანტიკით
შორს ვერ წახვალ, საცაა ოც-
დამეერთ საუკუნე მოგვიკა-
კუნებს, ფიზიკის, ელექტრო-
ნიკის საუკუნე... რით შეგზ-
დები?! ლაბათი და ნიკორათი?
— ჩაიციხა და დასძინა: —
დავამარებ მაგნიტონის
ტრაქტორზე და რასაც მივლი,
იმას მოვიმენ. ახალი, თანამე-
ლოვე სიმღერების შექმნაც
შეიძლება ელექტრო-გამომ-
ტვლელი მანქანებით...

— ერიპა! — აღმოხდა ნო-
დარს და ოთახში შემობრუნე-
ბულ გივის ცოლს შეაჩერდა.

— რა მოხდა? — იკითხა მან
ლიმილით.

— ჰო, ჰო! — დასძინა გი-
ვიმ, — არანაკლებ სიმღერას
და მუსიკას, შენ არ გინახავს
რა რთულ პროცესებს ასრუ-
ლებენ ელექტრული მანქანე-
ბი, რობოტები ადამიანებს ეჯი-
ბრებიან!

— გადამრევს ეს კაცი! — იყ-
ვირა ნოდარმა, — ძველი მუ-
სიკოსი მანც არ იყო, დაგა-
ვიწყდა შენი ვიოლინო?! —
ვიოლინო?! — გაელიმა
ცოლს, — ხუთი წელია, თვა-
ლით აღარ უნახავს, სად სცა-
ლია ვიოლინოსათვის!

— მოსტაკოვიჩი, კონცერტი
ვიოლინოსათვის, შეასრულებს
მეოთხე კურსის მოწინავე
სტუდენტი გივი ყიფშიძე! —
ცოლ-ქმარს თავი დაუკრა და
კონფერანსიესავით გამოიჭიმა.

მერე ხელები შემართა, ვითომ
ვიოლინოს უკრავდა, გივი გა-
მოაჯავრა, და გადაგვიწყდა,
გადაგვიწყდაო ჩაეკითხა.

— ყველაფერს თავისი და-
სასრული აქვს! — ჩაიჭინა ხე-
ლი მომღიმარმა გვიმ.

— უცნაური ხალხი ვართ,
— ჩაერია ცოლი, — საქმეს
ვიციტ გადაყოლა, ერთი უკი-

დურესობიდან მეორეში ვვარ-
დებით ხოლმე, ყველაფერი
გვაეცხვებდა...

— რა უყავი ვიოლინო, გაა-
სახუქრე?! — იკითხა დამცინა-
ვად ნოდარმა, — შვილისათ-
ვის მაინც გესწავლებინა...

— ვინ წაეკარა! — გაეცინა
ცოლს, — ელექტროგიტარა
იყიდა, პოპმუსიკითაა გატაცე-
ბული, ახლა ეს დისკოთეკა...

— ეე, რა დრო იყო... გახ-
სოვს, პირველი ვიოლინო რომ
იყავი ინსტიტუტის ორკესტრ-
ში... მე კი, თქვენი მონამორ-
ჩილი კონფერანსიე! არც ისე
ცუდად გამოდიოდა, რას იტყ-
ვი, მზია?

— როდინდელ ამბებს იხსე-
ნებ? — შემართა ხელი გვიმ
და ხმაში შეეტყო, ძველის გა-
ხსენებამ გული აუშლვრია.

— მართლაც კარგები იყა-
ვით! — დაეთანხმა მზია.

— ვიყავით და ვართ კიდევ!
— მოხვია ხელი ნოდარმა, —
მხოლოდ ესაა, ცოტა შენი
ქმარი...

— ნეტაი შენი! — აღმოხდა
გივის.

— გაგიქეცი, მართლა უსა-
ქმური ხომ არ გგონივარ, უამ-
რავ აღგილას ვარ მისასვლე-
ლი. მაგრად იყავი! — ჩაუქრა
თვალი გივის და კარისკენ გაე-
მართა. — ხვალ ადრიახად გა-
მოგივლით, ჩემი მანქანით წა-
ვიდეთ.

ნოდარი რომ წავიდა, გივის
რალაც სენტიმენტალური გან-
წყობილება დაეუფლა, განვ-
ლილ ცხოვრებას თვალი გადა-
ავლო, ღამე აღარ დასძინებია:
ჯერ იყო და ბავშვობა გაახსე-
ნდა, ვიოლინოთი ხელში მას-
წავლებელთან რომ დადიოდა,
არც ეზარებოდა, უყვარდა ვი-
ოლინო და გატაცებით მეცა-
ლინებოდა. ტანი მალე აიყარა,
მეშვიდე კლასიდან თავის ამ-
ხანაგებს უკვე ზემოდან დას-
ცქეროდა. იდგა ხოლმე ეს მა-
ლალი, აწოწილი ბიჭი და საა-
თობით უკრავდა... მათემატი-
კა, ტექნიკური საგნებიც ძალ-
იან უყვარდა...

კონცერტზე მთელი კლასი
მოვიდა... — გაეღიმა გივის,
მკრთალად განათებულ ჰერს
შეაჩერდა, გოგოებსაც და ბი-
ჭებსაც ყვავილები ეჭირათ.
ჩემი პირველი კონცერტი იყო,
როგორ ვლელავდი...

სკოლა და მუსიკალური სას-
წავლებელი ერთდროულად
დაამთავრა, სწავლა პოლიტექ-
ნიკურ ინსტიტუტში განაგრძო,
არც არავის ვაპკვირვებია, გი-
ვის მამა ინჟინერი იყო და
შვილიც თავის კვალზე წაიყვა-
ნა. ინსტიტუტში დაიწყო გი-
ვის მეორე ცხოვრება, ის ორ-
კესტრში მიიწვიეს... ქუხდა მა-
შინ მათი ორკესტრი.

მაინც, რა დიდი წარმატებე-
ბი მქონდა! როგორ დავივიწყე
ჩემი გატაცება, ჩემი ჰობი.

ინსტიტუტი რომ დაამთავრა,
გაერთიანებაში დაიწყო ინჟი-
ნრად მუშაობა, ერთხანს კიდევ
უკრავდა ხან ერთ ორკესტრში,
ხანაც მეორეში.

მაგრამ სამსახურში მალე
დააწინაურეს, საზრიანი და
ჰკვიანი ინჟინერი იყო, ენაც
უჭრიდა... ვიოლინო თანდათან
დავიწყებას მიეცა, ათასში ერ-
თხელ თუ აიღებდა, ლავიწზე
დაიდებდა, ლავით სათუთად
მიესიყვარულებოდა და ხემს
გაუსვამდა. მაგრამ უმალ თავს
ანებებდა, გრძნობდა, ნელ-ნე-
ლა იკარგებოდა ადრინდელი
შნო და ლაზათი.

მერე დაოჯახდა, ბიჭი შეეძი-
ნათ, გია დაარქვეს. ამასობაში
მმართველის მოადგილე გახდა
და ვიოლინოსათვის კი არა და,
შინ მოსასვლელადაც აღარ
ეცალა. უბატრონოდ მიტოვე-
ბული ვიოლინო ხან მაგიდაზე
იღო, ხან კარადაზე... ერ-
თხანს კედელზედაც ეკიდა,
რამდენჯერმე პატარა ბიჭსაც
ჩაუვარდა ხელში...

რა მექნა, ავიტანე სხვენში
და ძველ, მოჩუქურთმებულ
ზანღუკში ჩავკეტე. — გვიმ
თვალი ჰერს გაუშტერა, იქით,
საითაც ზანღუკი ეგულუბოდა.
— კონცერტებს?! რალა თქმა
უნდა, დიდი სიამოვნებით ვეს-
წრებოდი, მაგრამ მხოლოდ
დასაწყისში, მერე და მერე,
აბა, კონცერტებისათვის ვიღაც
ეცალა. ნოდარის აყოლა რას
მარგია, თავს არაფრით იწუ-
ხებს. მაინც როგორ შეინარ-
ჩუნა ერთფეროვნება, ცხოვ-
რების ერთი რიტმი და ნირი?!

დილით დიდხანს ეძინა, მე-
რე მზია მოვიდა და ისევ და-
უხილა წელი... მთელი დღე
ცუდ ხასიათზე იყო, რალაც
გამოუცნობის მოლოდინში
ღელავდა, ბორჯავდა და ბრა-
ზობდა, რამდენიმეჯერ წამო-
დგა კიდევ, ოთახში გაიარ-გა-
მოიარა. დრო ნელა, ზღაპრ-
ვით გადიოდა, საღამო რომ
მოახლოვდა, უფრო მეტად
აფორიაქდა, ცდილობდა, არ
შეემჩნიათ, მაგრამ გულ-ბოყ-
ვაში ყველაფერი უდუნდა, ყუ-
ლში რალაც აწვეებოდა, ახრჩო-
ბდა, შემოჯარულ ფიქრებს
ვერ იშორებდა, ათასი წვრილ-
მანი ასხენდებოდა: როგორ ჩა-
ემშალათ ერთხელ კონცერტი,
როგორ წავიდნენ პირველად
საზღვარგარეთ, როგორ ჩაატა-
რეს კონცერტი ომსკში, პრაქ-
ტიკაზე რომ იყვნენ. მერე ის-
იც გაახსენდა, ერთი გოგო რომ
მოსწონდა, ერთად უკრავდნენ
კვარტეტში. ლიკამ მოსკოვში,
კონსერვატორიაში, განაგრძო
სწავლა, მერე გაზეთიდან გაი-
გო, მუსიკოს-შემსრულებელთა
კონკურსის ლაურეატი გახდა...

ექვს საათზე ნოდარი მოვი-
და, შავ კოსტუმში გამოწყო-
ბილი, ყელზე ბაბთა ეკეთა,

თან ცოლი ახლდა, ისიც საკო-
ნცერტოდ ჩაცმულ-გალამაზე-
ბული.

— შენ ისევ წევხარ?! —
შეჰყვირა შემოსვლისას და ხე-
ლები გაშალა, — გადამრევს
ეს კაცი. — ცოლს მიუბრუნ-
და: — შენ, შენ რა, არ მო-
ღიხარ?!

— მე მზად ვარ, თუკი გივი
შეძლებს...

— რას ჰქვია, ვერ შეძლებს!
— შეიხადა ნოდარმა, — მხა-
რზე გავიდებ და წავიყვან, ტა-
ნსაცემელი მოუტანე!

— არა, მამო, — გაინაზა
გივი, გულში კი ეამა მეგობ-
რის ეს თავდადება, — იქ რომ
ვინმე შემხედეს, რას იტყვიან,
სამსახურში არ დადის და კო-
ნცერტებზე კი დაბრძანდებო.

— შენ სულ გადარეულხარ!

— ჩაიქნია ხელი ნოდარმა, —
მტკიოდა და აღარ მტკივა-თქო.
ცხოვრებაში არაფერი არ უნ-
და მოიკლო, მითუმეტეს, რაც
სულით გწადია... იცით დღეს
რას მოვისმენთ? ეს ხომ მეო-
ცე საუკუნის პავანია!

კონცერტის დაწყებას ათიო-
დე წუთი აკლდა, პარტერში
რომ შევიდნენ და მეზუთე
რიგს მიაშურეს. გივი მოზომი-
ლად და მძიმედ თავდახრილი
მიაბიჯებდა, ცდილობდა, არა-
ვის შეემჩნია, რალაც რომ
სტკიოდა, წინ ნოდარი მიუძ-
ღვოდა, თვალებს აქეთ-იქეთ
აეცეცებდა, ნაცნობ-მეგობრე-
ბის სალაში არ გამოემპაროსო.

დასხდნენ, გივიმ, ის იყო
შვებით ამოისუნთქა, რომ ნო-
დარი ვილაცას მიესალმა, მე-
გობარი კომპოზიტორი იყო,
არაერთხელ დაუქრავს გივის
მისი ნაწარმოები, ხელი ღიმი-
ლით გააქნია — სადა ხარ, რო-
გორ ხარო. გივიმაც დარცხე-
ნილად, უნდითად გაუღიმა.
უცბად ლიკას მოჰკრა თვალი,
მეორე რიგში იჯდა და ვილაც
ქალს ესაუბრებოდა, გული
ოცი წლის ჰაბუკით აუძგე-
რდა... კიდევ კარგი, შუქი ჩაქ-
რა, დაბაზი გაინაზა, ფარდა
რომ გახსნეს, მაყურებელი ის-
ევ გამოცოცხლდა და ტაშმა
იგრილა. კონფერანსიემ ხე-
ლები გაშალა, საგასტროლო
კონცერტის დაწყება სადღესა-
სწაულო იერით გამოაცხადა
და მუსიკოს-შემსრულებლის
ტიტულებს მოჰყვა, მერე ტა-
შის გრილში რაკოვსკიც გამო-
ჩნდა.

გივი თანდათან დაიპყრო სა-
კონცერტო განწყობილებამ,
ნეტარებით მიესვენა სკამის
საზურავს და გაირინდა, თვალ-
წინ ხან თავისი ჰაბუკობის
ორეული ედგა, მაღალი, აწო-



წილი ბიჭი, ვიოლინოზე თავ-
დავიწყებით რომ უკრავდა და
ხანაც ლიკა, მკერდამდე ძლივს
რომ სწვდებოდა. რაკოვსკი
ვიოლინოს ვირტუოზულად აუ-
ღერებდა და სასიამოვნო სიმ-
ფონია ეფინებოდა გასუსულ
დარბაზს.

სულ სხვა სამყაროა! — გა-
უელვა გივის, თვალი გვერდით
მჯდომ ცოლს შეავლო და
კვლავ სცენას გახედა. რაკოვ-
სკი მთელი არსებით ჩაფლუ-
ლი უკრავდა... მერე წინ გად-
მოიხარა, ხეში უფრო ვაშმაგ-
და, ნეტარებით მოცულ სახე-
ზე შინაგანმა ემოციამ გადაუ-
ჩბინა და ვიოლინოს ისეთი
სასწაულებრივი კენესა აღმო-
ხდა, რომ გივის გული ჩაეფ-
ლითა, მოჯადოებულ დარბაზს
გმინვამ გადაურბინა.

სულ სხვა სამყაროა! — გა-
უელვა ისევ, — კაცი არ უნდა
მოსწყდე ამ სამყაროს...

კონცერტი დამთავრდა, ტაშ-
მა იქუხა და აღტაცებული მა-
ყურებელი ფეხზე წამოიშალა,
გივიც წამოდგა, თვითონაც
ვერ მიხვდა, ისე წამოხტა...
სცენა ყვავილებით და გვირ-
გვიანებით აივსო, მომღიშარი
რაკოვსკი თავს უკრავდა მსმე-
ნელებს და ვიოლინოს მკერდ-
ზე იხუტებდა.

შინსაკენ რომ მოდიოდნენ,
ჯზაში ნოდარს ენა არ გაუჩე-
რებია: მსოფლიოთაო, იძახოდა,
ძალიან მაგარიო, ჩვენი დრო-
ის პავანიაო... გივი ისე იყო
აფორიაქებული, ხმას ვერ იღ-
ებდა, მეგობრის ლაყობა აღი-
ზიანებდა, ახლა თავის თავთან
დარჩენა, განმარტოება ყვე-
ლაფერს ერჩია. მანქანა სახლს
რომ მიაღწია, ნოდარი დაფა-
ცურდა: კარი გამოაღო, აგაცი-
ლებო. მაგრამ გივიმ თავაზი-
ანად მოიშორა, წადი, აღარ შე-
გაწუხებ, უკეთ ვარო.

პირობები

სასირო შემთხვევა მოხდა წინა ზამთარს ერთ დაწესებულებაში.

უნდა ითქვას, რომ ამ დაწესებულებას ცალკე სახლი ეჭირა. სახლი ძველებური იყო, პატარა, მარტივი ღუმელებით რომ თბება, ისეთი.

სპეციალური კაცი — ცეცხლფარეში უვლიდა ღუმელებს.

ცეცხლფარეში ცხვირჩამოშვებული დადიოდა სართულიდან სართულზე, ხელში ცეცხლის საჩხრეკი ეჭირა და თავის მოვალეობას ასრულებდა: შეუკეთებდა შეშას, მიჩხრეკ-მოჩხრეკდა ლადარს, მიხურავდა კარს და ასე შემდეგ.

თანამედროვე ტექნიკის, ესე იგი, წყლითა და ორთქლით გათბობის კვლობაზე, ეს, რა თქმა უნდა, სათაკილო სურათია, ჩვენი წინაპრების ბარბაროსულ ყოფაცხოვრებას რომ გვიხატავს, ისეთი.

წელს, თებერვალში, კიბეზე რომ აღიოდა, ცეცხლფარეში საჩხრეკით ოდნავ დაუწვა ხელი მოსამსახურე ქალიშვილს ნადია რ-ს. გოგონა ნაწილობრივ თვითონ იყო დამნაშავე. ქალი ისე თავქუდმოვლივით ჩამორბოდა კიბეზე, რომ ცეცხლფარეში დაეცა. დაჯახებისას იმ უბედურმა ხელი ჰკრა კაცს და საჩხრეკს წამოედო, ხოლო საჩხრეკი მთლად გავარვარებული თუ არა, გვარიანად გახურებული კი გახლდათ.

ქალიშვილმა ვაიო დაიძახა და წივილ-კივილი მორთო. ცეცხლფარეშიც შეშინდა. საბოლოო ანგარიშით კი ფუსფუსა გოგონას ხელისგული და თითები ოდნავ ჰქონდა დამწვარი.

რა თქმა უნდა, ეს წვრილმანი შემთხვევა, მხატვრულ ლიტერატურაში მოხვედრას რომ არ იმსახურებს ისეთი, მაგრამ ამ ამბავს იმდაგვარი შედეგი მოჰყვა, ეს პატარა მოთხრობა დაწერეთ.

დაწესებულების დირექტორმა გამოიძახა ცეცხლფარეში და სასტიკი საყვედური გამოუცხადა: შენც მყავხარ რაღაო, უთხრა, იმ საჩხრეკით რომ დადიხარ წინ და უკან და ჩემი მოსამსახურეები მწყობრიდან გამოგყავს, თვალებს აქეთ-იქით ნუ კი აციელებ, წინ გაიხედო. შეწუხებულმა ცეცხლფარეში ამოიხორა: მე ექვს ღუმელზე სულ ერთი საჩხრეკი მაქვს. ჰოდა, დავდივარ ამ საჩხრეკით სართულიდან სართულზე, ხან ალთას, ხან ბალთას. ასეთ ვითარებაში კი მოსამსახურეთა ხელშეუხებლობის დაცვას ვერ ვახერხებ. მომეცით ექვს ღუმელზე კიდევ ხუთი საჩხრეკი და პასუხიც მერე მომთხოვეთო.

ყოველ ღუმელზე რომ ცეცხლის საჩხრეკი ჰქონოდათ, ეს უბრალო აზრი დაწესებულების დირექტორს მოეწონა. ჩვენი უფროსი არც ჩინოვნიკი იყო და არც ბიუროკრატი, ამიტომ დაუყოვნებლივ უკანახა საწყობში გასაგზავნი მოთხოვნა. ბოლოს სცემდა ოთახში და უკანახებდა:

„ვინაიდან ჩვენს დაწესებულებას ექვსი ღუმელი აქვს, ხოლო ცეცხლის საჩხრეკი სულ ერთი ცალია შეძენილი, მოსამსახურეებს უბედური შემთხვევებისაგან ვერ ვიცავთ. ამიტომ გთხოვთ, სასწრაფოდ მისცეთ ამ განცხადების მომტანს ხუთი ცეცხლის საჩხრეკი“...

აქ დირექტორს სიტყვა პირში გაეჩხირა, შეწყვიტა კარნახი, კეფა მოიფხანა და მბეჭდავს უთხრა:

— დასწყევლოს ღმერთმა, ვეღარ გამიგია, როგორ უნდა დაიწეროს ხუთი... ცეცხლის საჩხ... თავისთავად ცეცხლის საჩხრეკი მესმის, მაგრამ ხუთი რა ოხრობაა? ხუთი ცეცხლის? ისე გამოდის, თითქოს ხუთი ცეცხლისთვის მოვითხოვდეთ საჩხრეკეს.

შემანქანე ქალიშვილმა მხრები აიჩეჩა:

საერთოდ ეს სიტყვები პირველად გაჟღერებულს, ყოველ შემთხვევაში. მისწავლე რომ ვიყავი, მსგავსი არაფერი მახსოვნიდა...

დირექტორმა ახლა მდივანი გამოიძახა, დარცხვენილმა კბილები დაკრიჭა და უამბო, რა ხათბალაშიც იყო ჩავარდნილი.

მდივანი დაუყოვნებლივ შეუდგა ამ სიტყვის ბრუნებას: ვინ? რა? ცეცხლის საჩხრეკი, ვის? რას? ცეცხლის საჩხრეკს... რამდენი უნდა მოვითხოვოთ ცეცხლის საჩხრეკი? უნდა გამოვართვათ ხუთი ცე... და გასცილდა თუ არა სიტყვა ხუთს, მანაც წაიფორხილა: ამ სიტყვის ბრუნება ცეცხლითურთ ენაზე მადგას, მაგრამ ვერ გამიხსენებიაო.

დაპკითხეს კიდევ ორი მოსამსახურე, მაგრამ ვერც მათ მოჰფინეს ამ საკითხს ნათელი.

მერე მდივანმა თქვა: — არის გადასარევი ხერხი! მოდით, საწყობში ხუთი მოთხოვნა გავაგზავნოთ. ყოველი მოთხოვნის ტექსტი კი ასე უნდა იყოს შედგენილი: „გთხოვთ, მოგვცეთ ცეცხლის საჩხრეკი“ და საბოლოო ანგარიშში ხუთი გვექნება.

დირექტორმა ეს ხერხი უხერხულად მიიჩნია, საწყობს რომ ხუთი ერთნაირი მოთხოვნა გავუგზავნოთ, საქმისადმი კანცელარიულ მიდგომას დაგვეწამებენ; ერთი ცენაზოთ, ისეთი მამაძალიც გამოჩნდეს, ამისათვის მასხრად რომ ამიგდოსო. რაკი საქმე აქამდე მივიდა, სჯობს, მეცნიერებათა აკადემიაში დავრეკოთ და ვკითხოთ, როგორ უნდა დაიწეროს ხუთი... ცეცხლის საჩხ...ო.

ის იყო, მდივანს მეცნიერებათა აკადემიაში უნდა დაერევა, რომ დირექტორმა შეაჩერა, ვაითუ რომელიმე ოხუნჯი მეცნიერი გამოჩნდეს და გაზეთში ფელეტონი გამოაქვეყნოს, დაწესებულების დირექტორი უვიცი ყოფილა, ასეთი სისულელისთ-

მტკვრისასა, კლდესა, ციხესა შინა, ეკლესია მეტეხი, ღვთისმშობლისა, გუნბათიანი, დიდ-მშვენიერ ნაშენი, საარქიმინდრიტო. შემუსკრილი აღაშენა ნა-ე მეფემან დიმიტრიმ. 92-ე მეფემან ერეკლემ მისცა სპარსთა და არს უქმად“.

ეს ამბავი კი იმ ხანებში მოხდა, როცა თავადები გენერლის ეპოლეტებს ატარებდნენ და მეტეხის წინ მტკვარში ღუმელებზე მღვარ ტივებზე ნადიმი უყვარდათ.

ტივზე კელაპტრები ენთო და აღვირმიშვებულ მხიარულებას მოეცვა ჭალაროსანი და მელოტნაკრავი მეინახეები. წყალში ცვიოდნენ ჭიქები და აზარფეშები, ხბოსა და ბატკნის ძვლები. ყველა ოხუნჯობდა და იცინოდა.

ტივისკენ მსახური მოცურავდა. ცალი ხელით ჰაერში ეკავა შამფურები ზედ წამოგებულნი ცვრიანი ხორციით. ტივიდან ვიღაც ბოსი და მფარველური ზმით სახლისკენადა.

უცებ მსახურმა დაიღრიალა, გადაავლო შამფურები და წყალზე ხელების გაშმაგებული ცემით ნაპირისკენ გასწია. გენერლები აღფრთოდნენ. ისინი მწვადის იშტავი იყვნენ მოსული. მაგრამ უცერად სიმღერა გაიგონეს. სხვა მხარეს გაიხედეს და

შიშისაგან სიხსლი გაუცივდათ. წყალში ქალი მიცურავდა და ბავშვს ძუძუს აწოვებდა. მის თეთრ ბეჭებს თმებად ქცეული წყალმცენარეები ეცემოდნენ, თვალები კი მწვანედ ციმციმებდნენ. და რაც მთავარია, მის უკან ოდნავ მოშორებით ხან გამოჩნდებოდა, ხან დაიმალება ორად გაყოფილი დიდი თევზის კული.

— დასწყევლოს ღმერთმა, — მეორე დღეს ეუბნებოდნენ ერთმანეთს გენერლები და გასივებულ თავებზე ხელს იკიდებდნენ, — გუშინ ცოტა მეტი ღვინო მოგვივიდა. რა არ მოეჩვენება გატიალებულ მთვრალს.

...მზე მეტეხის გუმბათს ეცემა და თუნუქის სახურავზე იმსხვრევა. ტაძრის წინ მზის გულზე ზის ბიჭი, ვისაც ჭრელი კოვბოურა და ჯინსები აცვია. იგი გასცქერის ავტომობილებით სავსე ქუჩას. მერე წამოდგება, შეხედავს მეტეხს და გაიღიმებს. „რას არ მოიფრინებს კაცი, — ფიქრობს ბიჭი, — მზის მცხუნვარების წყალობით“.

აქვე გვერდთ დგას ბრინჯაოს მხედარი მბრძანებლურად აღმართული ხელით. ეს კაცი დაუღალავი იყო, როგორც მეგელი, და ძალოვანი, როგორც ლომი.

რუსუდან მაკრავალიშვილი

რომ მეუბნებით...

რომ მეუბნებით: — არ მიეახლო, დაე, დაეცეს, ნუ ხარ კეთილი, არ შეიბრალო, თუ ვინმე ნახო ჭრილობებისგან მკერდაფლეთილი...

როგორ მთავაზობთ ამგვარ არჩევანს, როგორ გავუძლო ამ გულის ტკივილს, რომ მე სიცოცხლის გადასარჩენად არ მივაშველო ეს ჩემი ტივი,

მაშინ მეგზური გული დამგმობდა, არ იტყვებდა ასე კეთილად, მითხარი, ღმერთო, რა ცოდვა მქონდა, ეს რა უგულო გადამეკიდა!

რომ არ შევწუხდე სხვათა ბედითა — უიღბლობით თუ ავი ამინდით, ამომაცალეთ გული მკერდიდან და იმის ნაცვლად რკინა ჩამიდგით.

თუნდ გადამღალათ შეხლით, ბრძოლებით და ბალამწარა მასვათ სურებით, მე ქვეყნად მხოლოდ მისთვის მოვედი, სიკეთე ვთესო დაუსრულებლივ.

ვის მეცნიერებათა აკადემიას აწუხებსო. სჯობს, ეს საკითხი ჩვენივე საშუალებებით გადავწყვიტოთ. ამიტომ კარგი იქნებოდა, თუ ერთხელ კიდევ მოვუხმობდით ცეცხლფარეშს და ამ სიტყვებს მისი პირიდან გავიგონებდით. რაც უნდა იყოს, კაცი სულ ღუმელებთან ტრიალებს: ჰოდა, თუ ჩვენ ვერ ჩავწვდით ამ სიტყვების მულამს, ცეცხლფარეშს უსიკვდილოდ ეცოდინება, როგორ უნდა დაიწეროს ხუთი... ცეცხლის საჩხრ...ო.

გამოიძახე ცეცხლფარეში. ისეთი მისახვედრი კითხვები დააყარე, საწყალს იოლად უნდა წარმოეთქვა საჭირო წინადადება, მეცეცხლურს კი ეგონა, ახლაც გამძვრება ტყავით და ცალმხრივად უბასუხებდა კითხვებზე: სულ ხუთი ცალი მჭირდებაო და მორჩა. თუ ხუთი ცალი გვექნება, უბედურ შემთხვევებს თავიდან ავიცილებთ, თუ არადა, ჯანდაბას, სამართალში მიმეცითო.

ღირექტორმა ისევ დაკარგა წონასწორობა და პირდაპირ დაუსვა კითხვა.

— რა გსურს და რას მოითხოვ?

— თვითონ იცითო. — გაიძახოდა მოღუშული ცეცხლფარეში.

ახლა მდივანი იურიდიულ განყოფილებაში გაიქცა და იქიდან ერთი მოსამსახურე კაცი მოიყვანა. ამ კაცს ისე ეხერხებოდა რომელიც გნებავთ ქაღალდის გაფორმება, რომ ყოველგვარი ხათაბალიდან დაიმკრენდა თავს.

მოსამსახურეს აუხსნეს ამოცანა: მოთხოვნის ტექსტი ისე შეადგინე, ხუთი ცეცხლი არ გამოვიდეს და საბოლოო ანგარიშით საწყობში ხუთი საჩხრეკი მოგვეცნო.

კაცმა ცოტათი წაღრღნა ფანქარი და შავად შეადგინა ტექსტი:

„ღუმელის ჩვენი დაწესებულება, რომელსაც ექვსი ღუმელი აქვს, უზრუნველყოფილი არ იყო ცეცხლის საჩხრეკების საკმაო რაოდენობით. გვქონდა სულ ერთი.

ამიტომ გთხოვთ სასწრაფოდ გამოგვიყოს კიდევ ხუთი იმისათვის, რომ ყოველ ღუმელზე გვქონდეს ცეცხლის საჩხრეკი, ესე იგი, დამოუკიდებელი“.

ის იყო, ეს ქაღალდი საწყობში უნდა გაეგზავნათ, რომ ღირექტორთან მბეჭდავი ქალიშვილი გამოცხადდა. გოგონამ თქვა:

— ღედაჩემი ოცდაათ წელიწადს მუშაობდა მბეჭდავად. ეს წუთია, დავურეკე და მითხრა: რამდენი გჭირდებათ თქვენ? ხუთიო. რა გჭირდებათ ხუთი? ცეცხლის საჩხრეკიო. მაშასადამე, ხუთი ცეცხლის საჩხრეკი უნდა დაიწეროსო. ცეცხლის საჩხრეკი ცალკეა და ხუთი კიდევ რაოდენობას ნიშნავს, თქვენ რომ გჭირდებათ, იმდენსო.

— ავაშენა ღმერთმაო, — თქვა მდივანმა, — ასეც ვიცოდი, მაგრამ წელან გონება მქონდა დაბნელებულიო.

ყველაზე სასერიო ის იყო, რომ ქაღალდი უკან დააბრუნეს საწყობის გამგის შემდეგი რეზოლუციით: „ვინიდან საწყობს ეს იარაღები არ გააჩნია, მთხოვნელს უარი ეთქვას ხუთ ცეცხლის საჩხრეკზე“.

ახლა გაზაფხულია. მალე ზაფხულიც მოვა. ზამთრის დადგომამდე კი ჭერაც დიდი დროა დარჩენილი. ამიტომ გათბობაზე ზრუნვა ჭერჭერობით ნაადრევია. გაზაფხულზე კარგი იქნებოდა, თუ წიგნიერებაზე ვიზრუნებდით, თუნდაც იმასთან დაკავშირებით, რომ მალე საშუალო სკოლაში საგაზაფხულო გამოცდები დაიწყება.

რაც შეეხება „ცეცხლის საჩხრეკს“, ეს მართლაც სახათაბალო სიტყვებია, მარტო მეცნიერებათა აკადემია და ოცდაათი წლის სტაჟის მქონე მბეჭდავი რომ გაიგებენ, ისეთი.

საერთოდ კი, მალე უნდა გადავიდეთ ორთქლით გათბობაზე, თორემ ხალხმა დაივიწყა ეს ძველი სიტყვები, შეშით გათბობასთან რომ იყო დაკავშირებული.

თარგმან ზივი პაპაბაძემ.



„საქართველო“ „საქართველო“

სკკ მოსკოვის საქალაქო კომიტეტის, მოსკოვის კომიტეტის პარტიული არქივისა და მოსკოვის ოლქის ცენტრალური არქივის დოკუმენტებში არცთუ იშვიათად გვხვდება პარტიული ზედმეტსახელი „უაზბეგი“. ვინ იყო „უაზბეგი“, რა კვალი დატოვა მან სკკ მოსკოვის ორგანიზაციის ისტორიაში?

ამ პარტიულ სახელს ატარებდა ქართველი მუშა ბოლშევიკი სერგო ივანეს ძე ფილია, რომელმაც მთელი თავისი შეგნებული ცხოვრება, ძალღონე და უნარი მშრომელი ხალხის ბედნიერებისათვის ბრძოლას მოახმარა. იგი იყო ლენინური გვარდიის მამაცი მებრძოლი, პროფესიონალი რევოლუციონერი, არაჩვეულებრივი ენერჯისა და ტემპერამენტის მქონე პირი, შესანიშნავი პროპაგანდისტი და გამოცდილი კონსპირატორი.

ქართველი ბოლშევიკი იყო მოსკოვის 1917 წლის ოქტომბრის შეიარაღებული აჯანყების აქტიური მონაწილე. რუსეთის სოციალ-დემოკრატიული მუშათა პარტიის (ბოლშევიკების) მოსკოვის კომიტეტისა და მისი აღმასკომის წევრმა — სერგო ფილიამ მნიშვნელოვანი როლი შეასრულა დიდი ოქტომბრის რევოლუციის გამარჯვებასა და საბჭოთა ხელისუფლების განმტკიცებაში.

სერგო ივანეს ძე ფილია დაიბადა 1885 წელს, ოზურგეთის მაზრის სოფელ ნიგოთში, ღარიბი გლეხის ოჯახში.

ლუკმაურის საძებნელად 17 წლის ქაბუკმა ბათუმს მიაშურა და 1902 წელს კულაჩინსკის სტამბაში მოეწყო ასოთაშეკრების შეგირდად. რევოლუციურად განწყობილი მუშების გავლენით სერგო ფილია მალე აქტიურად ჩაება მეფის თვითმპყრობელობის წინააღმდეგ ბრძოლაში. ბეჭდავდა და ავრცელებდა პროკლამაციებს, მონაწილეობდა არალეგალური სტამბის შექმნაში. 1904 წლის დამდეგს მისი ინიციატივით მოეწყო გურსკაიას სტამბის მუშათა გაფიცვა, რომელიც მუშების გამარჯვებით დაგვირგვინდა. იმავე წელს შევიდა რუსეთის სოციალ-დემოკრატიული მუშათა პარტიაში.

სერგო ფილიას რევოლუციური მოღვაწეობა უანდარმერაის შეუმჩნეველი არ დარჩა, ამიტომ ბათუმის კომიტეტის რჩევით იგი გადადის თბილისში, აქ უკავშირდება ი. სტალინს, მ. ცხაკაიას, ს. შაუმიანს, ს. ქავთარაძეს, მ. ოკუჯავას, მ. დავიდოვს და მათთან ერთად აქტიურად მონაწილეობს რევოლუციურ, პარტიულ მუშაობაში.

სერგო ფილია 1905 წლის ოქტომბრის შეიარაღებული აჯანყების აქტიური მონაწილეა.

1906 წელს მის ბინაზე გაიმართა ბოლშევიკური ორგანიზაციის რაიონული კრება. კრების მეორე დღეს იგი დააპატიმრეს. 4 თვე დაჰყო მან მეტეხის ციხეში, მაგრამ დანაშაულის დამადასტურებელი საბუთების უქონლობის გამო მეფის ხელისუფლება იძულებული გახდა, გაეთავისუფლებინა. სამაგიეროდ, არმიაში გაიწვიეს და პოდოლსკის გუბერნიაში გაგზავნეს 5-ე ქვეით პოლკში, საიდანაც გამოიქცა და 1907 წლის აპრილში თბილისში დაბრუნდა. პარტიის თბილისის კომიტეტი მას ჩხეძის პასპორტით ბაქოში აგზავნის არალეგალურ სტამბაში სამუშაოდ. სულ მალე სტამბა ჩავარდა და ს. ფილია ისევ დააპატიმრეს. იგი ბაქოს ციხეში ჩასვეს. პოლიციამ შეძლო მისი ვინაობის დადგენა და, როგორც დემეტრიოვი, არმიაში უკანვე დააბრუნა. წელიწადზე მეტი დაყო მან პოლკის ციხეში. 1910 წელს სერგო ფილიამ სამხედრო სამსახური დაამთავრა და თბილისში დაბრუნდა. მალე იგი სამუშაოდ გადავიდა სოხუმში, სადაც კვლავ დააპატიმრეს. ცოტა ხანში ციხიდან გამოიქცა და არალეგალურ მდგომარეობაში იმყოფებოდა.

1911 წელს სერგო ფილია სოხუმიდან მოსკოვის გაემგზავრა და პარტიული მუშაობა განაგრძო. იგი დაუკავშირდა ცნობილ ბოლშევიკ მბეჭდავებს

ა. ბორჩევსკის, ა. არსევს და სხვებს. 1912 წელს მათთან ერთად ქართველმა ბოლშევიკმა მოსკოვში შექმნა მბეჭდავთა კავშირი, რომლის გამგეობის თავმჯდომარის მოადგილედ და გამგეობის წევრად აირჩიეს სერგო ფილია.

მასობრივი მოძრაობის განვითარებასთან, ბოლშევიკური პარტიის რიგების ზრდასთან ერთად დაწინაურდა პროლეტარული აქტივი, გაფართოვდა ორგანიზაციული კავშირები, განმტკიცდა პროპაგანდისტული მუშაობა, გაიზარდა მოთხოვნილება პარტიულ ლიტერატურაზე — წიგნებზე, პროკლამაციებზე, ფურცლებზე. პარტიის ცენტრალური კომიტეტის ორგანო „რაბოჩაია გაზეთა“ წერდა: „საჭიროა ლიტერატურა. საჭიროა პროფესიონალები... აქტიური ამხანაგები, რომელთაც უნარი შესწევთ და მზად არიან, მაგრამ ისინი დღეში 12-18 საათს ქარხანაში მუშობენ, ეს კი მათ ძალასა და ენერჯიას მთლიანად ართმევს“ („რაბოჩაია გაზეთა“, 1912, 30 აგვისტო, №9).

მოსკოვის პარტიული ორგანოები სისტემატურად ივსებოდა რევოლუციურ ბრძოლებში გამოწვრთობილი შეგნებული მუშებით, რომლებიც თავისუფლად კითხულობდნენ მარქსისტულ ლიტერატურას და კარგად ერკვეოდნენ პარტიული მუშაობის საკითხებში. 1912 წლის მარტში მოსკოვის კომიტეტის აღმასრულებელ კომისიაში აირჩიეს მუშა ბოლშევიკები ა. ს. ბორჩევსკი, ი. ი. სკარკოვი, ვ. გ. შუმკინი და ს. ი. ფილია (სკკ. მოსკოვის ორგანიზაციის ისტორიის ნარკვევები, წიგნი I, 1888-1917, ნოემბერი, მ., 1979, გვ. 280.).

ცნობილია, რომ იშხანად მოსკოვის კომიტეტის ბიუროს აღმასრულებელი კომისია ერქვა. როგორც ვხედავთ, ქართველი ბოლშევიკი ქ. მოსკოვის ბოლშევიკთა ხელმძღვანელი შტაბის — აღმასრულებელი კომისიის წევრი იყო და თავის თავის ნამებრძოლებთან ერთად უნარიანად წარმართავდა მის საქმიანობას. ს. ფილია ხშირად გამოდიოდა მოსკოვის ფაბრიკა-ქარხნების მუშათა კრებებსა და მიტინგებზე. განუმარტავდა მუშებსა და ჯარიმსკაცებს პარტიის პროგრამას, მოუწოდებდა შეგნებულ მუშა-მოსამსახურებებსა და ჯარისკაცებს, შესულიყვნენ ბოლშევიკური პარტიის რიგებში. მისი ინიციატივით მოსკოვი ეწყობოდა გაფიცვები, დემონსტრაციები. 1913 წელს ა. ბორჩევსკისთან ერთად ს. ფილია ხელმძღვანელობს მბეჭდავთა გაფიცვებს, რისთვისაც ორივეს აპატიმრებენ და ტაგანკის ციხეში ათავსებენ. ს. ფილიას ორი წლის ვადით ასახლებენ პერმის გუბერნიაში. სასჯელის მოხდის შემდეგ მას კვლავ აპატიმრებენ და ეტაპით დასავლეთის ფრონტზე აგზავნიან. ფრონტზე მიმავალი ეშელონიდან იგი ხელიდან უსხლტება სამხედრო ხელისუფალთ და არალეგალურად ჩადის მოსკოვში.

1915-1916 წლებში ქართველი ბოლშევიკი აქტიურ რევოლუციურ მოღვაწეობას ეწევა მოსკოვში, ბაქოში და ხარკოვში. ბაქოში იგი იმალდება ს. შაუმიანთან, მასთან ერთად აწყობს მბეჭდავთა არალეგალურ წრეებს, ხელმძღვანელობს სტამბის მუშაკთა გაფიცვებს. შემდეგ კვლავ მოსკოვს მიემგზავრება.

1917 წლის თებერვლის რევოლუციის შემდეგ ს. ფილია აქტიურად მონაწილეობს რსდმ(ბ) მოსკოვის კომიტეტისა და მოსკოვის საქალაქო რაიკომის საქმიანობაში, როგორც მოსკოვის საქალაქო

რაიკომისა და მბეჭდავთა კავშირის გამგეობის წევრი. ცნობილ ბოლშევიკებთან მ. ოლმინსკისთან, ა. სოლცთან, ვ. პოდბელსკისთან და ა. უსაგინთან ერთად, იგი ბოლშევიკური გაზეთის „სოციალ-დემოკრატის“ გამოცემის ინიციატორია. ერთი წლის მანძილზე ს. ფილია ამ გაზეთის ექსპედიტორია. აღსანიშნავია, რომ იმ დროისათვის თავისი მნიშვნელობით ეს იყო მთელს ქვეყანაში მეორე ბოლშევიკური გაზეთი „პრავდის“ შემდეგ. მოსკოველი მუშები „სოციალ-დემოკრატს“ თვლიდნენ თავიანთ საკუთარ ქომავალ და ფაბრიკა-ქარხნებში აგრძობდნენ თანხებს მის გამოსაცემად. ბურჟუაზიული და წვრილბურჟუაზიული პარტიები ყოველნაირად უშლიდნენ ხელს გაზეთის გავრცელებას. ექსპედიტორთა მოვალეობას შეადგენდა გაზეთების მიტანა სტამბიდან ან ჭიხურებიდან ფაბრიკა-ქარხნებში.

ს. ფილია („უაზბეგი“) სიტყვით გამოვიდა 1917 წლის მ-4 აპრილს გამართულ რსდმ(ბ) მოსკოვის პირველ საერთო საქალაქო კონფერენციაზე, რომელზეც ერთ-ერთ საკითხად განიხილეს მენშევიკებთან გაერთიანება. ს. ფილიამ სხვა ბოლშევიკებთან ერთად მკაცრად გააკრიტიკა მომხსენებლის ვ. ვ. ოსინსკის მიერ შეტანილი მენშევიკებთან გაერთიანების პლატფორმის პროექტი.

„ბოლშევიკში სულ ერთია გაიმარჯვებს მენშევიკში“ — განაცხადა კონფერენციაზე ს. ფილიამ (სკკ მოსკოვის საქალაქო კომიტეტისა და მოსკოვის კომიტეტის პარტიის ისტორიის ინსტიტუტის პარტიული არქივი (შემდგომ მპა). ფ. 3, აღწ. 1 საქმე 4, ფურც. 30).

საერთო საქალაქო კონფერენციამ უარყო ვ. ვ. ოსინსკის პლატფორმა.

ლენინის აპრილის თეზისების იდეები სწრაფად დაეუფლა რუსეთის რევოლუციურ მასებს და მათი მხურვალე მოწონება და მხარდაჭერა დაიმსახურა. ისევე, როგორც ქვეყნის სხვა ბოლშევიკური ორგანიზაციებისათვის, მოსკოვის პარტიული ორგანიზაციისათვის აპრილის თეზისები იქცა პრაქტიკული მოქმედებების პროგრამად და ხელი შეუწყო მას, თანმიმდევრული ბრძოლა გაეჩაღებინა სოციალისტური რევოლუციის ლენინური კურსის განხორციელებისათვის.

პარტიის უდიდესი ორგანიზაციები თითქმის ორი კვირის მანძილზე განიხილავდნენ აპრილის თეზისებს და იწონებდნენ მათ.

1917 წლის 20 აპრილს გამართულ რსდმ(ბ) მოსკოვის კომიტეტის სხდომაზე განიხილეს ვ. ი. ლენინის თეზისები.

სხდომაზე ლენინის თეზისების მნიშვნელობაზე ისაუბრეს მოსკოვის კომიტეტის წევრმა გ. გოლენკომ, გაზეთ „სოციალ-დემოკრატის“ თანამშრომელმა ა. უსაგინმა, მოსკოვის კომიტეტის სამხედრო ორგანიზაციის წარმომადგენელმა ა. არსევმა და პარტიის საქალაქო რაიკომის წევრმა, სტამბის ასოთაშეკრებმა ს. ი. ფილიამ.

საგულისხმოა გაზეთ „სოციალ-დემოკრატის“ 1917 წლის 17 აპრილის №33-ში დაბეჭდილი შემდეგი ცნობა:

„რსდმ(ბ) საქალაქო რაიონული ორგანიზაციის მბეჭდავთა ქვერაიონის რსდმ(ბ) წევრთა კრებაზე მოისმინეს მოხსენებები ა. ს. ბორჩევსკისა ქვერაიონის პარტიული ორგანიზაციის საქმიანობისა და „თავისუფლების სესხის“ შესახებ, ს. ი. ფილიას მუშური პრესის შესახებ.


კრებამ დაადგინა: 1) იმის გამო, რომ მოახლოებულია კონტრევოლუცია, მოეწყოს მბეჭდავთა საბრძოლო რაზმეული, რომელსაც დაევალება იარაღის ხმარების შესწავლა; 2) „თავისუფლების სესხისათვის“ ხმის მიცემა ჩაითვალოს საერთაშორისო პროლეტარიატის წინაშე უდიდეს დანაშაულად და დაევალოს ქვერაიონის ორგანიზაციის წევრებს, მუშათა დეპუტატების საბჭოების დეპუტატებს საბჭოში ხმა მისცენ სესხის წინააღმდეგ, ხოლო ორგანიზაციის ყველა წევრმა ეს შეხედულება სესხზე გაატაროს მასებში; 3) წინადადება მიეცათ

საოცარი დათხვევა

გავეცნოთ ორ პოზიციას, რომლებიც ძალზე ჰგავს ერთმანეთს, როგორც ანატომიურად, ისე მათში განხორციელებული ტაქტიკური დარტყმებით.

1937 წელს, თბილისში, საბჭოთა კავშირის X ჩემპიონატში, ოსტატების—ბაქოელ მაკაგონოვისა და ლენინგრადელ ჩეხოვერის შეხვედრა დამთავრდა ასეთი ფინალოთ:

მაკაგონოვი ჩეხოვერი




თეთრები დანებდნენ

შავების უკანასკნელი სვლა იყო ლე4-h4!! რაც მოწმენდილ ცაზე მების გავარდნას წააგავს.

თითქმის ნახევარი საუკუნის შემდეგ, 1983 წელს, ოდესაში, სპორტსაზოგადოება „ტრუდის“ ჰაბუკთა საკავშირო ჩემპიონატში, ოსტატობის კანდიდატების ბუნარელი სატაროვის და თბილისისა და საქართველოს ჰაბუკთა ჩემპიონის, ამჟამად მოსწავლეთა საკავშირო სპარტაკიადის ვერცხლის მედლის მფლობელის თამაზ ტაბატაძის შეხვედრის ფინალი საოცრად წააგავს მაკაგონოვ-ჩეხოვერის პარტიის ფინალს.

სატაროვი ტაბატაძე




თეთრები დანებდნენ.

შავების უკანასკნელი სვლა იყო ლd4-d3!! ამ უღმობელი სვლის შემდეგ ძღვევა-მოსილი თეთრი ლაზიერი ერთბაშად ვარდება უმწეო მდგომარეობაში.

პრინციპული „საჭადრაკო სიბრძნე“

საქართველოში ჰადრაკის მოყვარულები ხშირად იხსენებენ ებრალიძე-რაგოზინის განმარტებული პარტიის დაბოლოებას, რომელიც გათამაშდა 1937 წელს თბილისში X საკავშირო ჩემპიონატში. ამ განმარტების მიზეზი იყო ორთავე მოჭადრაკის უპრეცედენტო „საჭადრაკო სიბრძნე“!

რაგოზინი — ებრალიძე



რაგოზინის უკანასკნელი სვლა იყო 40... e4-c7?? ეტლების გაცვლის შემდეგ ადვილი მოგებით. რაგოზინი გულისხმობდა შემდეგ გაგრძელებას: 41. e7-c7 კd6, ეტლის დაბრუნებით, მაგრამ 41... კd6 შეუძლებელია დაბმის გამო. საპასუხო სვლაზე ებრალიძემ იფიქრა ხუთი წუთი და არ აიყვანა მუქთად შეთავაზებული ეტლი, რითაც გამოიწვია ქართველი გულშემატკივრების დიდი მღელვარება და გულისწყრომა (ადვილი გასაგებია, ამ ხუთი წუთის განმავლობაში რაგოზინის განცდებიც, რომელმაც სვლის გაკეთებისთანავე დაინახა თავისი შეცდომა). ორიოდ სვლის შემდეგ კი თავად დაუსვა ეტლი და წააგო პარტია.

ეს სინტერესო

● 1575 წელს, მადრიდში, ესპანეთის მეფის ფილიპე II-ის სასახლეში გაიმართა საერთაშორისო შეჯიბრება ესპანელი და იტალიელი მოჭადრაკეების მონაწილეობით. გაიმარჯვა იტალიელმა ლეონარდომ.

ეს შეჯიბრება, რა თქმა უნდა, პირობითად შეიძლება ჩაითვალოს საერთაშორისო ტურნირად.

● XVIII საუკუნიდან დასაბამი მიეცა სხვადასხვა ქვეყნის მოჭადრაკეთა სისტემატურ შეხვედრებს. XIX საუკუნის პირველ ნახევრამდე, საერთაშორისო შეხვედრების ერთადერთი ფორმა მატჩები იყო. აღრინდელი მატჩებიდან ყველაზე მნიშვნელოვანია 1747 წელს, ლონდონში გამართული მატჩი. ფილიდარმა დაამარცხა სტამა (სირიელი მოჭადრაკე, რომელიც XVIII საუკუნის 20-იან წლებში მშობლიური ალეპოდან საცხოვრებლად ლონდონში გადავიდა) +8, —1 —1; მატჩის პირობების ყაიმი მოგებად ეთვლებოდა სტამას, ამიტომ, ოფიციალური შედეგი იყო 8:2. ყველა პარტია ფილიდორმა შავებით ითამაშა.

● გენიალური ფრანგი მოჭადრაკე ფრანსუა ანდრე დანიკან ფილიდორი (1726-1795) მეტოქეებს წინასწარ პაიკს ან ფიგურას აძლევდა. ის თავის თანამედროვეებზე მთელი თავით მაღლა იდგა. ფილიდორმა განაახლა დაფაზე დაუხედავად ერთდროული თამაშის სეანსის ჩატარების პრაქტიკა. მან პირველმა დაამუშავა პაიკებით თამაშის ზოგადი თეორია და პაიკს „ჭადრაკის სული და გული“ უწოდა. ფილიდორი პარიზის სამეფო ოპერის კომპოზიტორი იყო, დაწერილი აქვს 30-მდე ოპერა. იგი ფრანგული კომიკური ოპერის ფუძემდებელია. ღიღორმ ფილიდორის სახელი თავის „ენციკლოპედიაში“ შეიტანა.

● 1951 წელს ლონდონში სამრეწველო გამოფენის დროს მოეწყო პირველი საერთაშორისო ტურნირი. პირველი ადგილი დაისაკუთრა მათემატიკის მასწავლებელმა, გერმანელმა ადოლფ ანდერსენმა (1818-1879).

● 1886 წელს ნიუ-იორკში გაიმართა პირველი ოფიციალური მატჩი მსოფლიოს პირველობაზე. ვილჰელმ სტეინიცი (1836-1900), რომელმაც დაამარცხა (+10, —5) გერმანელი იოჰან გერმან ცუკერტორტი (1842-1888), მენჰეტენის საჭადრაკო კლუბმა საქვეყნოდ გამოაცხადა მსოფლიოს ჩემპიონად. სტეინიცი ეროვნებით ებრაელი იყო, პრაღელი. მატჩი ტარდებოდა ათ მოგებად.

შოთა იფსაჩიკვილი

მუშათა და ჯარისკაცთა დეპუტატების საბჭოებს, მოსთხოვეს სტამბების მფლობელებს, რათა ქალაქის მარაგის ნაწილი დაუთმონ მუშურ პრესას. კრებას 40 კაცი დაესწრო, დადგენილებები მიღებულია ერთხმად (1917. „გმირული დღეების მატჩიანი“ მ. 1978, გვ. 98).

სერგო ფილია აქტიურად მონაწილეობდა ქ. მოსკოვში დიდი ოქტომბრის სოციალისტური რევოლუციის მომზადებასა და განხორციელებაში. მას მჭიდრო ურთიერთობა ჰქონდა მოსკოვში მოღვაწე ქართველ ბოლშევიკებთან ი. წიგნაძესთან, მ. კახიანთან, ს. შამულიასთან და სხვებთან.

დიდი ოქტომბრის სოციალისტური რევოლუციის გამარჯვების შემდეგ სერგო ფილია რსდმ(ბ) მოსკოვის კომიტეტისა და აღმასკომის წევრად აირჩიეს, ამასთან იგი იყო მოსკოვის საქალაქო რაიკომის წევრი და ამავე რაიონის სოციალური უზრუნველყოფის განყოფილების კოლეგიის წევრი. მას, როგორც მოსკოვის კომუნისტთა მებრძოლი შტაბის — აღმასკომის წევრს, თავისი წვლილი შეჭმონდა დედაქალაქში საბჭოთა ხელისუფლების

განმტკიცების საქმეში, მისი სამეურნეო და კულტურული აღმშენებლობისათვის გაჩაღებულ ბრძოლაში.

1918 წლის 18 ივნისს მოსკოვის საბჭოს პლენარულ სხდომაზე მოსკოვის საბჭოს დეპუტატი სერგო ფილია მოსკოვის რევტრბიუნალის სასამართლოს მსჯულად (მოსამართლედ) აირჩიეს (მოსკოვის ოლქის ცენტრალური სახელმწიფო არქივი — ფ. 66, აღწ. 12, საქმე 857, გვ. 52ა).

საარქივო დოკუმენტებიდან, რომლებიც ისტორიამ შემოგვინახა, შეიძლება დავაცნოთ, რომ ქართველი ბოლშევიკი სერგო ფილია რევტრბიუნალის მოსამართლის პოსტზე სამაგალითოდ ასრულებდა ლენინურ განაწესს — ფხიწლად იდგა პროლეტარული დისციპლინის დაცვისა და განმტკიცების სადარაჯოზე, პრინციპულად და უღმობლად ებრძოდა მათ, ვინც თავისი საქციელით წინა აყენებდა საბჭოთა ხელისუფლებას.

1920 წლის აპრილში სერგო ფილია გაგზავნეს სამხრეთის ფრონტზე, ხარკოვში, სანიტარული მატარებლის კომისრად. ერთი წლის შემდეგ ჩამო-

ვიდა თბილისში და მუშაობდა სხვადასხვა პასუხსაგებ თანამდებობაზე — თბილისის საბჭოს ცენტრალური საბინაო განყოფილების გამგედ, ქალაქის რეკვიზის პრეზიდიუმის წევრად (საქართველოს პროფსაბჭოსაგან), საქართველოს სახალხო შეურნეობის უმაღლესი საბჭოს მთავარ კონტროლიორად და ა. შ. არჩეული იყო სრულიად საქართველოს საბჭოების ყრილობის დელეგატად, პოლიგრაფიული მრეწველობის პირველი ყრილობის ცენტრალური სარევიზიო კომისიის თავმჯდომარედ.

სერგო ფილია გარდაიცვალა 1925 წელს. წელი 100 წელი სრულდება ჩვენი სახელოვანი თანამემამულის, მოსკოვში საბჭოთა ხელისუფლების გამარჯვებისათვის დაუცხრომელი მებრძოლის სერგო ივანეს ძე ფილიას დაბადებიდან.

ერთგული ლენინელის და მგზნებარე ინტერნაციონალისტის ცხოვრება და მოღვაწეობა ნათელი მაგალითია ლენინური პარტიის საქმისადმი უანგარო სამსახურისა.



აფთიაქარი ავადმყოფს მის-
ლევს.
— შეჩერდით, მუსიე! კალ-
ცის მაგიერ შეცდომით დარი-
შხანი გაგატანეთ!
— ო, ღმერთო ჩემო, რა
საშინელებაა...
— რა თქმა უნდა, მუსიე!
დარიშხანი ხუთჯერ მეტი
ღირს.

...
ექიმი ავადმყოფს:
— ველარ დაგიმალავთ,
თქვენი საქმე ცუდად არის.
ვინმეს ნახვას არ მოისურვებ-
დით?
— კი, ექიმო...
— ვის გამოუძახხოთ?
— სხვა ექიმს, თუ შეიძ-
ლება.

...
— რატომ იკეთებენ ქირურ-
გები ნიღბებს ოპერაციის
დროს?
— იმიტომ, რომ თუ ოპე-
რაციამ ცუდად ჩაიარა, პაცი-
ენტებმა არ იცნონ.

...
რესტორანში:
— მე აქ იმიტომ დავდივარ,
რომ ჩემი ცოლი სადილს არ
ამზადებს.
— მე კი იმიტომ, რომ ჩემი

ცოლი ცდილობს, სადილის და-
მზადებას.

...
— პიერ, იცი თუ არა, რომ
არაფერი მაქვს ჩასაცმელი?
— ხუმრობ, ძვირფასო?! შე-
ნი კარადა სავსეა ტანსაცმლით!
— გეთანხმები, მაგრამ მთე-
ლმა კვარტალმა იცის, რას ვი-
ცვამ.
— მაგ შემთხვევაში კვარტა-
ლი შევიცვალეთ, ძვირფასო!

...
მოსამართლე მსჯავრდებულს:
— რამის დამატება ხომ არ
გსურთ?
— არა, გმადლობთ, ბატონო
მოსამართლე, ორი წელი სამ-
ყოფია!

...
— როდესაც ფსიქიატრს
ვუთხარი, რომ ჩემი ქმარი
ცხვირიდან ბოლს უშვებს, მან
მიბასუხა, რომ საშიში არაფე-
რია...

— რა თქმა უნდა, მადლენ,
ყველა მწვეველი უშვებს ცხვი-
რიდან ბოლს!
— კი, მაგრამ ჩემი ქმარი
რომ არ ეწევა?!


ფრანგულიდან თარგმნა
გია ლოლაშვილი.

ბარბაქანის პირველ გვირგვინზე: თბილისის 111-ე საშუალო პროფტექნიკური
(პოლიგრაფიული) სასწავლებლის მესამე კურსის საწარმოო სწავლების წარჩინე-
ბული მოსწავლე: ირმა შინაშვილი.

ბარბაქანის მეოთხე გვირგვინზე: რესპუბლიკის ტექნიკის სახლის ტექნიკური
მოღვეილების ლაბორატორიაში. მიმდინარეობს საპლანეტაშორისო სადგურის
საექსპორტო მაკეტის დამუშავება-განაგარიშების პროცესი.

პარტუზის პროფტექნიკურ სასწავლებელში.
ფოტო გონდო დვალისხვილისა

კროსვორდი



თარაზულა: 6. მამაკაცის ქული; 7. საუბარი ორ პირს შორის; 8. სხვა-
დასხვა კონსტრუქციისა და უაღიბის ცეცხლსასროლი იარაღი; 11. მწერი;
12. რაიმე ენერჯის უმცირესი რაოდენობა; 14. ეთიოპიის ხალხთა უძველესი
ჭაფუცი; 16. გეოგრაფიული რუკების კრებული; 17. ზღვისაგან მოწყვეტილი
ყურე; 20. ხილი; 21. განუხორციელებელი იმედი, ოცნება; 23. მოკლე აღე-
გორიული მოთხრობა; 25. ხელსაწყო, რომლითაც ზომავენ პაერის წონასა და
სიმკვრივეს; 27. ზღვის ტალღების მოქმედებით სანაპიროს ნგრევა; 28. მდინარე
ჩუკოტკაზე.

შვეულა: 1. პაუზა ლექსის სტრიქონში; 2. სახალხო პოეტი — მომღერა-
ლი; 3. ქვემეხთა ხშირი, ერთდროულად სროლა; 4. სახელმწიფო ევროპაში;
5. ერთმანეთთან შეერთებული სხვადასხვა ტიპის რამდენიმე მანქანა; 9. მეც-
ნიერება მინერალების შესახებ; 10. უელ-ყურისა და ცხვირის ექიმი; 13. მის-
წრაფება, ბიძგი; 15. ცალკეული შემთხვევა; 16. გიგანტური ხე; 19. სპორ-
ტული კიბე-კედელი; 22. ელექტრონული ხმოვანი სიგნალი; 24. უძრავი ქონე-
ბის დაქირავება სათანადო ხელშეკრულების დადებით. 26. ფილოსოფიური
მოძღვრება მორალის, ზნეობის შესახებ.

შეადგინა ვაჟა ვახტანგაძემ.

„დროშა“ № 9 გამომცემლობის კროსვორდების პასუხები

თარაზულა: 7. პრესინგი; 8. ტრაქტატი; 10. ეტნა; 11. ეტალონი; 12.
იოდი; 13. ესაკია; 15. ისიანი; 17. კოკტო; 19. აზდაკი; 20. ბარსკი; 24. ოსაკა;
25. ბალადა; 27. კაიური; 28. აზრი; 30. შააღერი; 31. მასა; 32. კლარენსი;
33. სატელიტი.

შვეულა: 1. პროტესტი; 2. ესმა; 3. ანკეტა; 4. ბარტი; 5. ეტლი; 6.
სტუდენტი; 9. კლერკი; 14. კრაზანა; 16. იუნკერი; 17. კაკაო; 18. ოტავა;
21. ავანზალი; 22. პაროლი; 23. სარასატი; 26. არშინი; 27. კაიუტა; 29. იორი;
31. მილი.

თარაზულა: 1. ხარფუხი; 3. ბაზალტი; 7. ქაოსი; 8. თავთავი; 11. ოკამი;
14. ისტორია; 16. თბილისი; 17. ნოკაუტი; 18. აპარატი; 22. დრამატურგია;
26. ირემი; 27. უფა; 28. აკი; 29. აზბესტი; 30. ინდოეთი.

შვეულა: 1. ხუბულური; 2. იგოეთი; 3. ბელგია; 4. ინიციალი; 5. ტარო;
6. ჭა; 9. გული; 10. ბარი; 12. პანიკა; 13. პანამა; 15. ალი; 16. თხა; 17. ნარი-
ყალა; 19. იუველირი; 20. რე; 21. კი; 22. დონორი; 23. უნტერი; 24. გამა;
25. ალტი.

გადაეცა წარმოებას 16. 09. 85. ხელმოწერილია დასაბეჭდად 23. 10. 85. უფ. 05892. ქალა-
ღის ზომა 70x1081/8. იბეჭდება: გარეკანი და ჩანართი — მაღალი ბეჭდვით, ტექსტი — ოფსეტუ-
რი წესით. ფიზიკური ფურცელი 8, პირობითი ნაბეჭდი ფურცელი 4,2 სააღრიცხვო-საგა-
მომცემლო თაბახი 5,09. ტირაჟი 48.000, შეკვ. 2056. ფასი 35 კაპ.

880096, თბილისი, ლენინის ქ. № 14, საქართველოს კვ ცკ-ის გამომცემლობის სტამბა.

**Ежемесячный общественно-политический и литературно-художественный журнал «Дроша» («Знамя»), (на грузинском языке). 380096, Тбилиси, ул. Ле-
нина, 14. Типография издательства ЦК КП Грузии. Адрес редакции: 380008, Тбилиси 8. по. Руставели, 42.**

რედაქციის მისამართი:
380008, თბილისი 8, რუსთაველის პრ. 42.
ტელეფონები: მთავარი რედაქტორის —
99-54-66, მთ. რედაქტორის მოადგილის —
99-82-69, პ/მგ. მდივნის — 99-01-89, გან-
ყოფილებათა გამგეების — 93-28-42,
რედაქციის სამდივნოსი — 99-54-66.

რედაქციაში შემოსული მასალა ავტორს
არ უბრუნდება.



— დღეს კარგ გუნებაზე ვარ!

ფოტო ოთარ თურქიანი.

